


Aka (Hrusso) Bible



Hruso: Aka (Hrusso) Bible (Portions) for India

Aka (Hrusso) Bible
Hruso: Aka (Hrusso) Bible (Portions) for India

copyright © 2024 Bridge Connectivity Solutions Pvt. Ltd.

Language: (Hruso)

Contributor: Bridge Connectivity Solutions Pvt. Ltd.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word.

See Revelation 22:18-19.

2025-05-03

PDF generated using Haiola and XeLaTeX on 11 Mar 2026 from source files dated 3 May 2025

6ed36eea-a167-5ded-a2d7-08d8d10b8e3c

Contents

Luka	1
Filemon	50

Luka i shi-ñu

Ĝiwbraw

Bzüga go kako ĝiwbraw na vyow vew a vetsü se ye he kako ye Luk i ĝiw cheñe, sünda he kako yo danghuda i galyiw ksü go veksüw Kristan cheñe. Ñom-niti go homeje, i utro ĝübye küĝüw go da. I Tawgyew i shi-ñu truw nüna. I Tawgyew i shi-ñu seyo Tawgyew i shürhaw ná kako ĝida. Ije Polus idra ye Kristan na chiĝa daw Tawgyew ichi chiĝa daw nüna (Kulu. 4:14, 2 Timu. 4:11; 11:1).

Ĝiwbraw i djaga

Odje 60-80 kuw.

Luka i he kako í Kesriya ge ĝilyeñe seyo Rome ge kakuñe ĝimdzoadabi. Kako ĝidaw dzaga na Betlehem, Galil, yahudiya seyo Yerusalemjo du.

Lajovo

Luka ubo yo Tawgyew i shi-ñu ye Tiyufilus í ĝiilyeda. Tiyufilus chemeje “Tawgyew i nülvo daw.” I Kristan í küĝüw ma mo i lyaĝoñ dawma se ye usu-upa yo madanghume. Luka í ĝidaw ge í “Dyewfo” cheñe 1: 3 ge ĝidaw í homeje i Roman gow babu dyew vedujo a du. Añe ge kako ngüdaw ná holaimenje he ye utro ĝübye gojo du. Ichi ĝidaw ge ana vedufodame, “Tawgyew i nüna” seyo “Tawgyew i ĝadz” (Luka 5:24; 19:10; 17:20-21; 13:18).

Ha ma a vew

Jisu iñiñ lañe trumkoige, Luka i Jisu í “Nüna üsañe” cheda. I Tiyufilus í ana ĝida, í ha ñu ná dadrüdama se na se í uw yo danghulafijodawe (Luka 1:4). Luka í ñiku-ñisüw djüngkoi ge í ĝiw yo i kristan nabo hado chemeje Tiyufilus i danghulajobi Tawgyew i shürhaw na nüna mauw mow cheñe.

Ñustu gow

Jisu - Nüna uw a.

Udrüla

Jisu í saw seyo ichi kutcho shüw __ 1:5-2:52

2. Jisu i nüna nabo chiĝa daw __ 3:1 - 4:13

3. Jisu ĝaksüivo übraw __ 4:14-9:50

4. Jisu i kros ge jiw __ 9:51-19:27

5. Jerusalem ge Jisu i lüshüw paw, dzüw seyo üshükülyetcho __ 19:28-24:53

Luka i galyiw

¹ Ñimko a ha ha lyilyedama, se ná nüna añe na galyiw ĝipüñejoñe dada.

² Sünda he ñu ná dju nudzoĝ iñiyo hohusedama se naje, seyo, Tawgyew i shi-ñu truñe kahisedaw se naje, se ñu ná ütrüyomdo ní trukuida.

³ Sünambo, no je ütrüyomdo, he na he í, usupa yo hoksüñe kalyisedaw no, süvzüw Tiyufilus bábo, he na he í magabolyiw ĝi vyeimeje ujoñe vyeda.

⁴ Hado cheholye, bá ha trudrülyedama, se ná umsowgo ba danghuweñe no vyedame.

Dzakariya ñe Elizabet

⁵ Nugo Herodes i Yahudiya ñetrü go ñetrü nugo dañe shüi ñeto ge ana lyikülye: Abiya müga go Jakariya cheñe mügaw a du. Üfum ye, mügaw Arõ yo samtolyiw namko yo a, iñiñ ye Elishiba.

⁶ Sünda se naksü Tawgyew uvro ge chiñifoñe, seyo Prabhu ichi shotuko dügyew ná je da shüw. Úĝü dadrülyedaw ná je madatruw-makitruw da shüw.

⁷ Sünda Elishiba i ügübzümdá naksü agü je ñiwbi. Sünda se naksü kewje keahubi.

Sorgomuko i yo Yohañ í sakülyew ñihowtrü

⁸ Dzakariyas i í ñeşü ná dağań kuwñe, Tawgyew uvro ge, i ñegru ge müga chew daw.

⁹ Sündada mügaw ná daw basha yo dañe kako dzulaw ge iñiñi kakülye, Tawgyew í kügüw ñegru ge jiñe shobrovzü foweñe.

¹⁰ Sündada shobrovzü fomkoi sese vyew na nopsü ge kahuañe kügütsü.

¹¹ Sese Tawgyew ichi sorgomuko a ye shobrovzü fodaw südzüvyepsüĝ vyego psüğañe ge gudzukülyedaw ye, í hohu.

¹² Sündá Jakariya í hoglye şüpo lamosha, sündá í ĝew vyehua.

¹³ Seşo ye sorgomuko i í che, “Jakariya, djuĝejodawe hado chemeje bá kügüdaw ye dzühujemme sündada bafum Elishiba yo babó saw a sakülyejome, sündá ba se iñiñi ye Yohañ ñe ñijodawe.

¹⁴ Sündá ba agü saahuñe şüpyo lüshüñe, lüshümfoajome seyo şüpyo nuna na agü sadabi cheñe lüshüjome.”

¹⁵ Hado chemeje i Tawgyew üvro ge sawlyiw chiñifojome; seyo tsü keje matujome; seyo iyañ ulhu ge duluge yo ĝulo güdraw yo güdraavojobi.

¹⁶ Seyo Israyel yo naje şüpo nuna na Tawgyew ichi ge kakultrujome.

¹⁷ I ñihow Eliya í ĝulo seyo küña dafidama dañe üvro üvro kutrojome hado chemeje awu na na üdrü-ulu ye agü nachi ge tchodüĝeje; seyo zew chew madzüw na Tawgyewchi ge chiñidrüñe lakujo sündá Tawgyew ibó dafimsofiw dashütrüvojo.

¹⁸ Jakariya i sorgomuko í dzü, hei no kúnda danghujowa; hado chemeje nobó mukroadabi seyo nofum boje mukromyadabi.

¹⁹ Sorgomuko i í trutcho, “No Gebriyalwa, Tawgyew ichi mukow kewwa sündá üdra gudzusaw ye wa; sündada nó badra chitruweñe seyo bá he ñu ye truweñe kiadaw yewa.

²⁰ Seyo hojo daw, he ñu ye umsow makalu kuw ba mulyo ĝyojome, sündá mazefijomme, hado chemeje ba nó ñu ye, i ke damdrüñe dafiajoma, sei umsow mavye.”

²¹ Nuna na Jakariya í ĝyokrütsü, sündá mavyenghuahuw lyatsü, hado cheme ñegru ge aña kúnda uwalajemañe? Vyeñe.

²² Sündá i ñopsü kahuadabi abó ñu mazefibi, sündawñe na danghuladabi i ñegru ulunge hama ñita homadadañe, sündá i sei vyeĝelalye seyo mulyo lyadabiñe.

²³ Sündá i sehu datunofiahuñe i í ñe ge katcho.

²⁴ Setasaĝa yo ifum Elishiba somafobi, sündá hubye pom kuw i nudzoĝ ana cheñe müşüñe vye.

²⁵ “Nuna nafo ge nó bümazeamedañe nobó Tawgyew i he ñeto ye ana daidawa.”

Sorgomuko i mariyam itrü a jiku

²⁶ Elishiba agü ñiw yo hubye ĝe kuw sa a Tawgyewchi go sorgomuko Gebriyal i Galili iñiñi Nazrat ñetrü ge,

²⁷ Mimsa nano makaw a ichi ge kiku. Djú Joseb cheñe Dawud í ñeşü go Muhusa a idra ĝulo daida, se nano makaw mimsa iñiñi ye Mariyamwa

²⁸ Sündá Sorgomuko i ichi ge ñelunge jimyoñe che, ba hu je adjüdjüw no je aĝimiw lüshütukoaiwe, Djú Tawgyew í nülvow tukoaidama! Tawgyew i badraşome.

²⁹ I se ñu yo şüpyo ĝelamoag, sündá vyeñe, hei küna ñu a djüjemma?

³⁰ Séşo Sorgomuko i í che, Mariyamya; djuĝejoda, hado cheme Tawgyew í nülvo bá tukoaidawa.

³¹ Sündá hojodawe, ba somafojome, sündá ba saw a sakülyejome, ba iñiñi ye Jisu ñe ñijodawe.

³² I şüĝlyiĝjome; seyo bá Soĝgro-yaloñe üsaw chejome; sündá Tawgyew i í awu Dawud i psüĝa ye í djüjome.

³³ Sündá i Yakub í ñešü ge shüwa nugo da shükejome; sündá í ĝadzü da shükyew ye keje mamütrajome.

³⁴ Mariyam i Sorgomuko í che, “Hei kúnda lyijowa? Nobó muhuje madanghulubi.”

³⁵ Sorgomuko i í trutchó “ĝulo güdraw ye baso ge kamyojome, seyo Toĝgroyama í Ğagra ye badru ge duñgudrujome; Hado chemeje í ĝulo güdraw yo sakülyalaibi, í Tawgyew üsaw chejome.

³⁶ Sündá hojo dawé, bá ñešüĝ go Elishiba i je mukromyadabi a saw sakülyemkoiba, hei ichimsoba í na Ügübzüm chebabi, i so mafow hubye ĝe kudaba.

³⁷ Hado chemeje Tawgyew ichi ge ha ñu je madafiwo che ñiwme.”

³⁸ Mariyam i che, “Howe, no Tawgyew i chiĝadambabi, bachi ñu trudo trüduyo dubroñe nodra ana lyimeje.” Sese sorgomuko ye itrü yo katrükralye.

Elizabet ichi ge Mariyam i jiw

³⁹ Sündaw se ñeto Mariyam i kutcho yo gudzuñe pufo go Yahudi na ñetrü a ge ji.

⁴⁰ Sündá Jakariya iñe ge jiñe Elishiba í gagañe da.

⁴¹ Elishiba i Mariyam ichi gaga chewye dzühuhuwñe, sešügudoye ulhu go agü yeje gog, sündá lishiba i ĝulo güdraw yo tukoa.

⁴² Sündá i gow yo šogzuñe che, ba mim naĝi yo süvzüfowmme, seyo balhu go sheje ye šüvzüw me.

⁴³ Sündá noje hango yo nülvojema, no Tawgyew üyañ ye notrüĝañ a jikuda.

⁴⁴ Sündá holabya bachi gaga chew ye nofu ge dzühubyo dzühuĝyowñe sešügudo ye nolhu go agü yeje lüshülye gogje.

⁴⁵ Sündáda seiye šüvzüwmmé, se í djuyo umsow vyeñe Tawgyew ichi go, ha ñu ye idra chedama, sei damsojebi.

Mariyam i Tawgyew í troi.

⁴⁶ Sese Mariyam i che, “Nodrü-nolu yo Tawgyew i troime.

⁴⁷ Sündá noĝulo ye, nó güdraw choakejo Tawgyew yo lüshü damme.

⁴⁸ Hado chemeje i í chiĝadam idru ge nülvo hoida, sündáda holabya, ayo dalalye shüwa shüw pumnüshüĝi kuw nüna na nó šüvzübram chejome.

⁴⁹ Hado chemeje se bolugobraw Tawgyew i nobo chiĝa dew dew daida, sündáda iñiñ ye güdraw me.

⁵⁰ Sündá i nülvo ye se nadra jome, dju í ĝeima, saltso saltsow daw kuw sünañgudrujome.

⁵¹ I í bolugow ye sheiwa, seyo dju nudzo drü-lu ge dafowšoñe daima sena daame-kiame vye.

⁵² I shotuko dümbraw na psüĝa go dügaaha; Sündá nülvodaw i udruda vye.

⁵³ Luhušümgraado na gañ uwyo da djü, séso dzomo-külyimodaw na ügzü ufobüla lyadügye.

⁵⁴ I í nüdoĝ aki-awu na, kulo Israyel na ĝaksüla, hado chemeje se nülvo ye büvyesüdañe.

⁵⁵ Shüwa Abraham ñe i saltsoahuw nadra shüwa duñgudrujo, I küna ñi bupye-ñipye nadra chedama süna.”

⁵⁶ Mariyam i hubye dzü kuw idra ĝyoselyeñe, i ñe ge katcho.

Yohañ Baptisma djüw i sawfo

⁵⁷ Sese Elishiba i samdrü kudabi, sündá i saw sakülye.

⁵⁸ I ĝafopsüĝ-ĝampsüĝ seyo i ñešüĝ-ñepeĝ na sei dzühulye, Tawgyew i ídru ge šüpyo nülvo dadañe, idra ye lüshütuno.

⁵⁹ Sündálye ana a dadawa ñegi šügzü kuwñe se agü í fyuw ñeto kudabi sündá i ñiñi ye ichi awu Jakariya í iñiñ ye ñiweñeda.

⁶⁰ Séšo iyañ i che, mowwe; i ñiñi ye Yohañ ñe ñijo dawé.

⁶¹ Sündá na í che, bá ñešüĝ ge ana üñiñi djuchije ñiwa.

⁶² Sese i ichi awu i damcheñe dzü, ba iñiñi í ha ñiñoñda?

⁶³ Sündawñe i ñiño kako prülañe ñiño, iñiñi ye Yohañ me, sündawñe vyew na mavyenghuatsüg.

⁶⁴ Sündawñe ichi umdzu ñe zebüla naksü seşügudo ye zefikülye; Sünda i ñu zehuahuw ye Tawgyew i trokülye.

⁶⁵ Sündawñe iñisa ye ñyodo na vyew ñemoatsü; sünda se ñu ye vyew se Yahudiya nachi ñetrü üñisa üñisa naje şügeatsü.

⁶⁶ Sünda vyew dzühudo na nudzoğ nudzoğ drü-lu ge vyelatsü che, “He agü ye künajoješoma?” Hado chemeje Tawgyew i ügzü ye idra dubi.

Dzakeriya i ñihow

⁶⁷ Sünda iyaw Jakariya i ñgulo güdraw yo tukoa, sünda ñihokülye.

⁶⁸ Israyel go Tawgyew í şüvzüwe.

Hado chemeje i í nudzo nüna ná hokrüvo,
Sünda ná ñaksüivo,

⁶⁹ Seyo i kulo Dawud i ñe ge ñibo muchoaijo hosüw üşüvzü a lahuaida.

⁷⁰ Sünambo i bzüga yomdo güdraw ñihow truw bupye-ñipye nayo, dju ñedzü üña no üña gomdo dulyisema, senayo trulyeida.

⁷¹ Chemeje ñi vyeñiw-vyeğaw nayo, seyo ñi homsüsew nagzü yo ñi muchoaida;

⁷² Sei ye ñi bupye-ñipye na nülvo dañe nudzoğ güdraw ñu i vyesüweñe,

⁷³ Seyo se trasğa sei, se í i ñi awu Abraham yo todaye,

⁷⁴ I ñi hei djüjo, sei ye ñi vyeñido nayo kahajoñe,

⁷⁵ Ivro ge chiñiw seyo güdraw ñabo kaw ge şüdzowkuw mağew ichi chiğa dañgudruweñe.

⁷⁶ Seyo ba ye muhusa agüsa, Toğgroyama i ñihobraw chejome, hado cheme ba Tawgyew ichi ñabo dashütrüvojoñe uvro uvro kutrojome,

⁷⁷ Sei ichi nüna na djumuchoawe, dju, ná lalo yo güdraw pawma.

⁷⁸ Hei ñi Tawgyew í nülvo dado yo lyijome, seiyo ñidru ge udrugo yo müsaw a dzüto-rünokülyejo.

⁷⁹ Sei ye nukuğuw seyo dzüjo ñabo ge ñyodo na müsaw djü, seyo ñishi í lüshüw ñabo gudow lakutrokewe.

⁸⁰ Seyo se muhusa angasa ye Yohañ, şülyifi şülyi seyo ñgulo ge gokülyefi gokülye seyo Israyel ge kakujo ñeto kuw i bye ge ñyo.

2

Betlehem ge Jisu i saw

¹ Se ñeto ge ñubyu Kesar Agastas ichivye gow shotuko-kunu kihua, vyow Druguw-Drulyiw gow ñadzü-ğagü nañiñ ñimyoweñe.

² He uvromashü iñiñ ñimyow ye ñubyu Keriniyas í Siriya gow dümbraw dadaw ñetow ge daw.

³ Vyew na nañiñ í ñimyoyoñe nudzo-nudzo ñetrü ge katsüküğatsü.

⁴ Sünda: Joseb je Dawud i ñeşü go üşü umu, sündada i Galili go Nazrat ñetrü yo kañe Yahudiya ge Dawud i ñetrü Betlehem ge ka.

⁵ I iñiñ ñimyow, í goidaw Mariyam dju so mafoma idra jisa.

⁶ Na Betlehem ñetrü ge dulu ge, i agü sajo ümdrü kuadabi.

⁷ Sünda i agü üsaw samkyo a saa sündañe í gyeka ge ñüşüñe káko ge zua ve, hado chemeje nabo süge ñe ñyojo mapa.

Fugulu ñokrüw nabo soğgomuko í ñu kidaw

⁸ Seyo se ñetrü a küña fugulu ñyokrüw дума, se na ñegi ge vi ge ñyoñe ná hokrü ñow.

⁹ Seyo Tawgyew i sorgomukow a namgkow ge gudzukülye, sünda Tawgyew i ñagra namgkow ye dubrokülyeg, sündawñe na şupo ñeatsüg.

¹⁰ Sündawñe sorgomukow i na che, “Dju êjejo dawew; Hado cheholye chemeje, howe, no tuêu-tumo vyow nabo êupo lûshûw ñu a trujome.

¹¹ Yow ñubyu Dawud i ñetrü ge djobo muchoaijo a sadame, sündaw se i Prabhu Masime.”

¹² Sündaw se ye ba chi shewme, sei ye ba agü a ye gye êgûshûñe seyo káko ge zuw hohujome.

¹³ Sündawñe sorgomuko a üdra ye soêgomuko upua a Tawgyew i iñiñ la troñe ana chew hohuda,

¹⁴ “Ñedzü ge Tawgyew í êgüdzüw sündaw no ge se tuêu-tumo na êgüdzüw djüwe djú ñedzü Tawgyew i uw veima.”

Fugulu êaksüw na Betlehem ge jiw

¹⁵ Sorgomuko i natrü go soêgo ge katralyewñe, fugulu êaksüw na êütchü cheêi, “Tchow, ñi Betlehem jiñe he ñu chedaw i, seyo Tawgyew i trudaw í, hobo.”

¹⁶ Sündaw na mekutcho djeñe Mariyam ñe seyo Joseb naksü ütrü ge anga i káko ge vedaw hohu.

¹⁷ I holyeñe na se anga ufo gow na ha trudama se ñu chedaw na truzegüatsü.

¹⁸ Seyo vyew dzühutsüdaw na fugulu êaksüvw na ñu trudaw yo mavenghuatsüg.

¹⁹ Seêo Mariyam i he ñu na üdrü-ulu ge veñe vemchepüñe.

²⁰ Sündaw fugulu êaksüw na ná küna trudama, sünambo vyew dzühuñe hohuñe Tawgyew i trolyeñe lûshûñe katsütcho.

Jisu ichi fyuñe seyo iñiñ ñiw

²¹ Ñegi êügzü kufiahuñe, seyo i Jisu i mükraksüw fyumdrü kuadabi, sündaw iñiñ Jisu ñe ñi, he iñiñ ye sorgomuko i uluhudrü ge mañilugomdo djülyedabi.

²² Sündaw Musa í shotuko dalyedaw yo Mariyam i güdraw êyow ye êgomdzoahuwñe sündaw Joseb ñe Mariyam naksü í Tawgyew uvro ge shew Yarusalem lañe jike.

²³ Tawgyew i shotuko ge êimbo: “Vyew saw samkyo na Tawgyew íbo güdraw vyejome.”

²⁴ Sündaw Tawgyew i shotuko dalyedaw go chemeje, “Aêum osa ksü, momeje paêusa üsasa ksü lañe küêüwe.”

Simon i ñi-how

²⁵ Se ñeto ge Yarusalem ge Simon iñiñ yo nuna a duw, sündaw i güdraw nuna seyo Tawgyew i küêüw nuna, sündaw Israyel ge êgüdzüjo i êyokrü, seyo êgulo güdraw üdra dusa.

²⁶ Sündaw êgulo güdraw yo truhua, ba Tawgyew i saw Masi í mahohulu, ba madzüzüjome.

²⁷ Sündaw í êgulo Güdraw i ñegru nopsü ge jidügye; sündaw iyaw ñe üyañ naksü se agüsa Jisu íbo, ahugo shotuko na dajoñe veñe lajikedaw sesse,

²⁸ sündaw Simon i angasa í lolalyeñe, Tawgyew í troñe ana che:

²⁹ “He Tawgyewwa, ba ñu chew kudabi, bá kulo í ba êgüdzüw yo kadügyejodabe;

³⁰ Hado chemeje noñi yo ba muchoadügyedaw ye hohudamme.

³¹ Djú ba vyew druguw-drulyiw gow nuna na hovow sa a dadrü kikülyadama.

³² I utro sama nabo umsow truhoahuw müsaw da kakülyajome, sündaw Israyel go djo nuna nabo lûshü-lûbajome.”

³³ Sündaw üyaw ñe üyañ naksü ubo gow ñu chedaw yo mavenghuatcheseñgudru.

³⁴ Sündawñe Simon i í gagüzü djüñe, üyañ Mariyam í che, “Howe, i Israyel go na gaañe seyo pülyidügyejo go, seyo ana a chi shedügyejoñe êyokrüdügyeda, seifo go ñu zegüjome.

³⁵ Sündaw ba êgulo je vetsü yo vudüga-vudüga dajome. He yo êupo na drü-lu ge vedaw na truhujome.”

Hanna i yo trudaw ñu

³⁶ Sündá Asher gûbye go Fanual üsam a duw iñiñ Hanna, i ñihow trum: I şüpo mukrombi, I ülshi dzüwñe üdra gzü daw yo odje mro kuw şüfisawba.

³⁷ I odje şügzügütrü psügi gow müjem: sündá ñegru keje matrahaw ñegiw-ñetow drüpsü-ñilyi mañiw seyo kügüñe gyonggudruwba.

³⁸ Sündá i sehu ñeto süge jikuñe Tawgyew i drü-lu yo uw che, sündá vyew ná, dju Yarusalem i yo muchoajoñe gyokrivodaw na, ifo go ñu trumyokülye.

Josep ñe Mariyam naksü ñe katcho

³⁹ Sündá na Tawgyew davyedaw shotuko ügü ye vyew damdzoahuwñe sese Galili ge nudzoğ ñetrü Nazrat ge katcho.

⁴⁰ Sündá angasa ye nugow lya, sündá bolu dukülyebi, seyo patsü-sholu tukoaha, sündá Tawgyew i nülvo üdra sa dusa.

Angasa Jisu ñegru ge

⁴¹ Üyaw ñe üyañ naksü oje drü-drü Yarusalem ge Fasa rhano ge jinggudru.

⁴² I oje gûyo ksü kuwñe, na rhano ge gidaw ñom í daw Jerusalem ge ji.

⁴³ Sündá na vyew ñegi gyomdzolye sese katcho, se angasa Jisu Yarusalem ge gyotralye; sei üyow ñe üyañ naksü madanghu.

⁴⁴ Na ana veñ, i upu jiw nadra dusamada, ñegi a kapseajebi: sündá na í nadraw seyo na ñeşü nangko ge tchüpüñe.

⁴⁵ Sé matchülawñe na tchü-tchüñe Yarusalem ge katcho.

⁴⁶ Seyo ñegi dzü sefum ye na í ñegru nopsü ge dadrűw nangko ge gyosañe, ná ñu dzüñe seyo naje i chi dzü gyodaw hohu.

⁴⁷ Seyo küña na i ñu truw dzü gyodama, se na vyew í danghuw yo seyo i ñu hutrow yo mavenghuatsü.

⁴⁸ Sündawñe na í holyeñe mavenghualyeñe seyo üyañ i í che, “No sawwa, ba ñidra ana hado dañe? Howe, baw ñiksü ba tağaw na veduw tchü ñegiaha.”

⁴⁹ I í che, “Ba no hado tchüña? Hadoma madanghuma, no nó awu i ñe ge dujobabi cheñe?”

⁵⁰ Seşo i í ha ñu chedama, i se i madzüsüla.

⁵¹ Sündawñe i üdra kasa, sündá Nazrat ge kaku, sündá na chew dzü gyosa; sündá üyañ i he ñu ye üdrü-ulu ge ve.

⁵² Seyo Jisu i patsü-sholu seyo udru ge lyifilyi sündá Tawgyew ñe nuna naksü ubo yo go şülyi.

3

Yohañ Baptisma djüw ichi shi-ñu.

¹ Nugo Tibiriyus Kesar ñetrü nugo dañe oje gütrűpom kuw sese, seyo Pontus Pilatus i Yahudiya go ñetrü nugo da şüi sese, seyo Galili ge Herodes, sündá üñu Filip Ituriya seyo Trakonitis go nugo da şüw sese, sündalye Abilene ge ye Lisaniyas go nugo da şüw sese.

² Seyo sese Anasñe Kefas naksü müga gow, seta-seğa Tawgyew ichi shi-ñu ye, ge bye ge Jakariya ichi üsaw Yohañ ütrü ge dzühuku.

³ Sündalye i Yordan hu itrűgañ go vyew ñetrü-ñetrü ge jiñe, lalo muchojoñe drü-lu ye vyegudoweñe baptisma ifo ye truzekülye.

⁴ Yasaya i ñihow trulyedaw shi-ñu kako ge gidaw ye:

“Bye ge shogzükülyedaw nuna i guksűwme he i:

‘Tawgyew i gabo dashürűvowe, i gabo í gudow davowe.

⁵ Kaguğuahuw küñama kazeğiyijome,

Seyo pusa je lüñew daajo;

Seyo üküngűw ná gudojo, lűvűw lüñew gabo

Sena ġabo rhugro lyijome.

⁶ Seyo uso duw chebiw ye vyew Tawgyew i muchoaihuw hohujome.’ ”

⁷ Dju upu dyam na ichi ge baptisma lajoñe jihuañe jikutsüdaw na, se na i che, “He byu üsa nawa, djó dju truda, he kalai lusuvyuw yo ġe jehuatsüwe che?”

⁸ Drü-lu vyegudofilaw kuw sheje lakuwe: seyo nudzoġ-nudzoġ drü-lu ge ana djuvyelajo dawe, se ñi aki-awu ye Abrahamene; hado cheme no dju chengkoime, Tawgyew i he kunu yo je Abraham íbo mulo lakülyefijobame.

⁹ Seyo ya bo puġje ye shoñ ükrütrü ge vyedabi, sündada ha shoñ ye sheje uw yo majema, se na poskealye mi ge foahuebabi.”

¹⁰ Seyo nuna na í dzü, “Sename ñi ha dajowa?”

¹¹ I ná tru, “Djuchi ge polu ksü duma, se djuchi ge ñima se i djüwe seyo djuchi ge tsajo duma, se naje süna datsüwe.”

¹² Seyo patso-law na je baptisma law jiku, seyo í dzü, “He dadrúwwa, ñi ha dajobya?”

¹³ I ná trutcho, “Dju djóbo ġyokrüima, se í fojelüzbüw patso djulajo dawe.”

¹⁴ Seyo rhünakew na je í ana dzü, “Ñi ha dajobya?” I ná chetcho, “Djudru ge je külü djujowe, seyo mülaw-mütraw djufojo dawe, seyo nudzoġ chiġa dadaw ge lüshüjo dawe.”

¹⁵ Sündada nuna na se í vyeksüñe ġyomkoi sese, seyo vyew na nadrü-nalu ge Yohañ ifo go vyemkoi, haña he ashá he i Masi mošomachañe.

¹⁶ Sündawñe Yohañ i vyew ná che, “Nobó djo hu yo baptisma djüwbame, séšoye i kalaima, dju nó cheje saw-lyiw bolufowme; no ivro ge ichi shita udro tashaijoje ugõ ñiw sünabame, se i djó ġulo ġudraw seyo mi yo baptisma djüjome.

¹⁷ Ichi chiaġi ye ichi ügzü a me; seyo i í ñetchü ye uw yo dagüdrajosome; seyo pulgü tcholadaw na üšaka lakeġijome, séšo üġütchü na ye mi ge foajo se mi ye keje madzoñoajo.”

¹⁸ Sündalye i nuna na dadrüñ-dadrülye shi-ñu uw je trusejome.

Herodas i Yohañ í pache ge kiw

¹⁹ Sešoye i psüġimko yo ñetrü a go nugo Herodes í iñuw Filipus ufum Hirodiyas ifo go, vyew lalo datruw nafo se na sei í dadaw na fokülye.

²⁰ Sündada Hirodes i vyew naġi yo je i fow lalo je datru, Yohañ í pache ñe ge shü vyewe che.

Yohañ yo Jisu í baptisma djüw

²¹ Vyew na baptisma latsüwñe, seyo Jisu je baptisma lalyeñe küġü ġyo, sündawñe ñedzü müsaag.

²² Seyo ġulo ġudraw paġusa veduw ye uso dañe idru ge ġudrokülya, sündada ñedzüdru go ñu zekülye “Ba nó sawme, ba yo no šüpo lüshüdame.”

Jisu i galyiw

²³ Jisu i shi-ñu trukülyewñe, sese i oje dzüġü kuw. I Joseb üsaw (nuna na ana vedabi), seyo i Eli ichi,

²⁴ Seyo i Mattat üsaw, seyo i Lewi ichi, seyo i Malki ichi, seyo i Jannai ichi, seyo i Yusuf ichi,

²⁵ Seyo i Mantiyah ichi, seyo i Amos ichi, seyo i Nahum ichi, seyo i Asaliya ichi, seyo Naggai ichi,

²⁶ Seyo i Mat ichi, seyo i Matiyah ichi, seyo i Simi ichi, seyo i Yosek ichi, Seyo i Yoda ichi,

²⁷ Seyo i Yohañ ichi, seyo Resa ichi, seyo i Jarubbabel ichi, seyo i Shaltiyel ichi seyo Nari ichi,

²⁸ Seyo i Malki ichi, seyo Adi íchi, seyo i Kosam ichi, seyo i Almadam ichi, seyo i Er ichi,

²⁹ Seyo i Jisu ichi, seyo i Aliyejer ichi, seyo i Yorim ichi, seyo i Mantat ichi, seyo i Lewi ichi,

³⁰ Seyo i Simon ichi, seyo i Yahuda ichi, Seyo i Yusuf ichi, seyo i Yonan ichi, seyo i Eliyakim ichi,

³¹ Seyo i Maleyah ichi, seyo i Minnah ichi, seyo i Mantat ichi, seyo i Natan ichi, seyo i Dawud ichi,

³² Seyo i Yise ichi, seyo i Obed ichi, seyo i Boj ichi, seyo i Salmon ichi, seyo i Nason ichi,

³³ Seyo i Amminadab üsaw, seyo i Arni üsaw, seyo i Henson üsaw, seyo i Peres üsaw, seyo i Yahuda üsaw,

³⁴ Seyo i Yakub ichi, seyo i Isahak ichi, seyo i Abraham ichi, seyo i Terah ichi, seyo i Nahor ichi,

³⁵ Seyo i Sarug ichi, seyo i Rawu ichi, seyo i Peleg ichi, seyo i Eber ichi, seyo i Shilah ichi,

³⁶ Seyo i Kenan ichi, seyo i Arafzed ichi, seyo i Shom ichi, seyo i Nuha ichi, seyo i Lemek ichi,

³⁷ Seyo i Matushilah ichi, seyo i Hanok ichi, seyo i Yirid ichi, seyo i Mahallel ichi, seyo i Kenan ichi,

³⁸ Seyo i Enosh ichi, seyo i Shet ichi, seyo i Adam ichi, seyo i Tawgyew ichi üsawwa.

4

Jisu í purkya

¹ Sünda Jisu i ĝulo güdraw yo tukoañe, Yordan hu go kakutcho; seyo ĝülo yo bye ge laĝüşhi laĝüşhi vye;

² Seyo ñegi piĝü kuw mütü na dakütso-kikütso ho. Se ñeto ge i haje-haje matsa-matuw seyo se ñeto kamdzohuñe, sese i luhušüku.

³ Sündañe mütü ye í che, “Sünameje ba Tawgyew üsawšommeje, he kunu ye cheha odje lyaweñe.”

⁴ Jisu i í trutcho “Ĝidame, nuna na odje yo aka mashüjome.”

⁵ Sündatchowñe mütü ye í la djeketcho sündalye lüĝañe pu udru gow vyew druguw-drulyiw go ñetrü ná shemdzoa.

⁶ Sündalye mütü chetcho, “No he na he i vyew bá übraw dawewñe djüjome, sünda no ĝagra djüjome, hado cheholye he na braw nobabi, seyo no dju djüĝoñdama djüfijobame.

⁷ Sündada ba nó küĝümeje, he na vyew bachi lyajo.”

⁸ Jisu i í chetcho, “Ana ĝidame: ‘Ba bá nudzoĝ Tawgyew í gaga dawew; seyo í küĝüjo dabawe.’”

⁹ Sündatchowñe i í lalye Yarusalem go küĝüw ñegru ñelütsü udru ge lalyi vye, sündalye í che, “Süname ba Tawgyew üsašommeje, babraw bá nudzoĝ he ayo üla ge gaawe.

¹⁰ Hado cheme ĝidabi, ‘I bábo í sorgomuko ná babo ĝaksüweñe dügyejome’

¹¹ Seyo ‘I bábo ügzü yo lolajobame, hado chemeje bá gaañe kunu ge bashi í mapadügyejoñe.’”

¹² Jisu i í chetcho, “Ana je chedame; ‘Ba nudzoĝ Tawgyew í dafimsoima djuhojo dawew.’”

¹³ Mütü ye í dafiyima madafima da hopüñemdzoahuñe, sündawñe memja kuw ütrü yo kahatrükralye.

Galili ge Shi-Ñi trukülyew

¹⁴ Sündatchowñe Jisu i Ĝulo Güdraw yo tukoañe, Galili ge katcho, sünda ífo go ñu ye üñisa üñisa yo küña ñetrü дума vyew dzühuzeĝiatsü.

¹⁵ Seyo i süge Tawgyew í küĝüw melye ñe ge truw ñe ge shi-ñu truñgudru, sünda vyew na í trotsüküĝatsü.

Nasrat ge Jisu í maĝoñiw

¹⁶ Sündalye i Nazrat ñetrü ge jiku; hayo sa a í dalañe shükyedama sese; seyo í nudzoğ daw ügü dajo ge gýogow ñeto kuwñe kügüw ñegru ge jiñe kako ngüjoñe gudzu.

¹⁷ Ñihow Yasaya í gilyedaw kako ye í djü, sünda i kako ye tahalye, hayo sa a gídama se i lakülye:

¹⁸ “Tawgyew í gulo güdraw nodra dume,
Sündada i sapse na shi-ñu truweñe nó lakülyedame,
Seyo nó ana dawewñe kiadame, külyidaw ná shaaweñe,
Seyo üñi gëw ná hofidügyeweñe shi-ñu na truñe,
Seyo dügrülyadaw na lahuaiweñe,

¹⁹ Seyo Tawgyew ichi lüshü gýojo oje í shi-ñu trujo.”

²⁰ Sündalye i se kako ye pyelyealye í shürhaw ügzü ge djü, sündalye gýoag: seyo se kügüw ñegru yo nüna na í homdzoatsü.

²¹ Sündawñe i ná che, “Yow he gídaw ye djovro a damdzojemme.”

²² Seyo vyew na í umsolyeñe vyeatsü, seyo ha shi-ñu ye i umdzu yo zehuahima, se na i djühulye vyengatsü; sünda ná ubo chetsü, “Haña he i Joseb üsaw mowma?”

²³ I na chetcho, “Djo nó he anabo zegajobamme, ‘He mügawwa, nudzoğ í uw dagyolatchowe! No hadamje ñu dzühudaw ye ba Kafarnahum ge dadaw ná age nudzoğ ñetrü a je dawe.’ ”

²⁴ Seyo i je chetcho, “No djó umsow cheime, djü ñihow je yow kuw nudzoğ ñetrü ge ügö mapawme.

²⁵ No bá umsow cheime, Eliya í ñeto ge oje dzü kuw ñedzü ye pyelyeatrülye, ana lyiladjew vyew druguw-drulyiw ge luhuñümoatsü, sese Israyel ge süpyo müjem kadã dutsü.

²⁶ Séšo Eliya í se namko ye djuchi ge je maki, Sidon go Sarfat ge Jewishñim mo müjem a ichi a aka ki.

²⁷ Seyo ñihow Elisha i shüi ñeto ge Israyel to süpyo gôgô naw kadã, séšo Naman ñidaw Jewish mo Siriya go nüna yé tralye vyew na so güdraw madaw kadã.”

²⁸ He ñu ye dzühubyo-dzühuğyowñe küña na se ñegru a дума, se na vyew lusvyumfoatsü.

²⁹ Sündalye gudzulyitsüñe í na se ñetrü yo lahua, sünda ha pudru to í ñetrü gýodama, se pudru ulodza ge la jiku, í seyoñü üla ge dügaajoñe.

³⁰ Séšo i nalumko yo kahulalye katrükralye.

Ĝulo ma uw í ñepsü ge lahuahuw

³¹ Sündatcholye i Galili ñetrü go Kafarnahum ge jiku, sünda gýogow ñeto ge nüna ná shi-ñu tru.

³² Se na í shi-ñu ye dzülye mavyenghuatsü hado chemeje í ñu ye dügyebyo-dügyeğowdra du.

³³ Melye ñe ulunge nüna a du, djuso ge gulo mauw kamyó gýodama. Se i süpyo gow yo šogzukülye,

³⁴ “He Nazret go Jisua, no bá ha tsünghu? Haña ba no damtrüajoñe jikuwma? No bá danghuwñowa ba djuma? Ba Tawgyew ichi güdraw üsaw ñe sakülyedaw yewa!”

³⁵ Jisu i í züñe che, “Mazüda gýo sünda i yo kahuag!” Sündawñe se gulo mauw kamyodaw ye ilungo haje ma uw madalyew kahuag.

³⁶ Sei holye vyew na aañiñe vyeatsüg, seyo se na nağütchü ge ñu truğiñe che, “He i ye küna ñu bajeñoma? I se gulo ye ñigudu yo mağew dügyebyo-dügyeğyoiwa, sündawñe se i je kuhuabai.”

³⁷ Hangge je hangge je ímdo í kadang ifo truğitsüabaibi.

Patras ichi apyeñe utro nüna na dagyow

³⁸ I ñegru yo kahuañe simon í ñe ge ji, süge se Simon (Pirat) ichi apye ye uso shüñe nala. Sündada í íbo i kügütcho.

³⁹ I ichi üñisa a gudzulye se usso shü nadaw í züg, züwñe sese usso shüw ye gabruag sünda uwabyo-uwağyowñe i süge age da í datunotcho.

⁴⁰ Dru guamkoi sese dju-dju sama-sama yo nomñew yo so natsüdama, se na ichi ge la jikutsü, sündawñe i ügzü ye nadru ge a a dañe vyeñe na dagyotsü.

⁴¹ Sündawñe ġulo mauw na ŝogzuñe che, “Ba Tawgyew ichi üsawwa,” ŝüpyo nachi go kuhuatsü, séšo i se na züñe seyo ñu mazüdügye, hado chemeje na danghudabi, i Masi cheñe.

Galili ge shi-ñu truw

⁴² Sünda ñetoahuwñe i namko yo kahuañe ġüdzüw ge katrükralye, sündawñe upu na í tchüsetcho ichi a kakusetcho, sünda í dügotha, nachi go djukatrükralyeweñe.

⁴³ Séšo i ná chetcho, “No ñetrü utro ge je Tawgyew ichi shi-ñu trujo dulumme, hado chemeje nó he í daweñe kiabadamme.”

⁴⁴ Sünda i Galili ñetrü go ñegru ge shi-ñu tru.

5

Jisu ichi shürhaw

¹ Upu na ichi ge gapulotsüñe, seyo Tawgyew ichi shi-ñu na dzütsükügütsü, sünda íbo ge Gannesrat go huğülyi üdza to gudzu, sese ana a da.

² Sese i huğülyi üdza ge lü ksü vyedaw hohu, seyo tromaw-dzükrüw na ná tromaw na tchegüdrankoi.

³ Se lü namko ye a ye, se Simon ichi ye lyimyoalye, i í hudza ge me latrülyeweñe küğüñe che, sündawñe i lü ge ġyolye i nuna ná shi-ñu trukülye.

⁴ I ñu trufiahuwñe, sese i Simon i che, “Ġyüw ge la jikewe, seyo tchü lügyejoñe bá tromaw ye majo dawe.”

⁵ Simon i í chetcho, “He Tabrawwa, no yakülyi ñegimütrü kuw koğiw dawye ha malügyelafibi; sedamje ba ñu cheda, tromaw mamkoime.”

⁶ Se i süna dawñe, ichi tromaw ye tchü aña-ŝütchüw tromaw gağalajew malgrula.

⁷ Sündaw i í draw utro lü ge gyodaw na, age djeñe latunoweñe naje damche: seyo se na djekutsüñe, se lü ksü ye gudze-gulüŝuahuw lagu vye sünda lü yeje müłajo ladjew latchuğyo vye.

⁸ Se na holyebi Simonñe Patras naksü Jisu üshitrü ye gaañe, seyo che, “He Tawgyewwa, notrügäñ yo katrülyewe, hado cheme no lalo nünabame!”

⁹ Hado chemeje aña ŝütchüw tchü lügyeladaw í holyeñe i seyo üdra ayo na mavenghuatsüdabi;

¹⁰ Seyo sünatchombo Jabdi í üsaw Yakub ñe Yohañ naksü je, dju Simon í shürhawma, mavenghuatsü dawñe Jisu i Simon í chetcho, “Djuğejodawe, ayogo ba nuna ná üshü tsüłajo dawe.”

¹¹ Sündawñe na lü ye hudza ge lakulye seyo sa a tralye ífum ífum kase.

Ġoğo í güdraw daihuw

¹² I utro ñetrü ge dulu sese, se süge ġoğo yo tsafoahuw nuna a ye jiku, sünda i Jisu í hohulye uvro ye gakülyea, sündalye küğüñe che, “He Tawgyewwa ba dagyojoñe vyedameje nó ba muchoadügyefijoŝome.”

¹³ I ügzü ye djüñe dadülye che, “Bá muchogüdraweñe, no vedame.” Sündawñe ichi se ġoğo tsadaw ye seŝügudo ye kagüdrüatsü.

¹⁴ Sündawñe i í trudrüse, “Djusaje djutruwe, séšo kañe babraw ba müğaw na shewe, seyo ba künda güdraw mucholawma se fo ye, se hadamje Musa i djüvyelyedama se í djüwe ifo gow trufijoñe.”

15 Séšo íbo gow ñu şüpyo tüga-zeğitsü, seyo şüpyo nünapu ye ichi ge shi-ñu dzüjoñe seyo sonaw na dagyolajoñe ichi ye keğitsü.

16 Séšo i nuna ñiw ge utroga kagañe küğüñgudru.

Jisu i külyi-ğüdjew naw í dagyo

17 Ahua ye ana a datcho, i shi-ñu trumkotchoi sese, Farisiñe dakyew kikyew na sa a gýoda, dju Galili seyo Yahudiya go küña ñetrü duluma sego na, seyo Yarusalem go jiku; sünda naw na dagyoijoye Tawgyew í gagra gokyew ye idra ye duse.

18 Seyo howe kagua na külyi-ğüdjew naw nuna a ye, ñelütsüdüru ge lalyi, seyo na í gütürü ge la jikuñe lamyoañe seyo Jisu ivro ye vyejoñe daahi.

19 Seyo na upu mutchusübyeñe ñelunge la majimyofiwñe, na ñelütsü udru ge lyilyiñe seyo ñeltsü tahalye, í gütürü nadra ye Jisu uvro ge ulungko ye kikülyeaha.

20 Jisu i na umsow lutuksüw vyedaw ye holyeñe che, “He nuna bá lalo ye muchoajemme.”

21 Sündawñe shizew-ñuzew nañe Farisi nağütchü cheği, “He i djubajema, Tawgyew í mow uw zehi ye? Tawgyew í tralye dju lalo na muchoifiwa?”

22 Jisu i nalu ge vyedaw danghulye ná che, “Djo djolu ge ha vyemkoiya?”

23 Hado vyedoña? Ana chejoma, ‘Djo lalo ná muchoadama,’ semome ana ma ‘Gudzuñe seyo kutro djeg?’

24 Séšo ye ana dadá djo danghujo dawwe nuna üsaw í druguw-drulyiw ayo lalo muchoaifwme.” I se külyi-ğüdjewa nado í che, “No ba chemkoi me, gudjuwe seyo bá gütürü ye lalye ba ñe ge la kabi.”

25 I jeañe ütrü a gudzu, seyo hayo sa a í gudru dama se í lolalye, Tawgyew í troye í nudzoğ ñe ge kajebi.

26 Sündawñe vyew na mavyenghuatsüñe Tawgyew í trotsü, sündalye şüpyo gëñe che, “Yow ñi sama a ñu hohujemme.”

Matti í balaw

27 Seyo sefum a i ñepsü ge jihua, seyo Leviñe ñidaw a ye patso-law nuna ye patso ñe ye gýodaw hohu, sünda í che, “Nófum kasewe.”

28 Sündawñe i vyew tratsülye ífum kase.

Lalo nadra tsasaw

29 Sünada Levi i í ñe ge ava tsaw rhano a djü; seyo sünda se patso-law nañe seyo nuna utro a upua nañe üşa gýoñe ava tsa, şüpyo upu dyam.

30 Seyo Farisi nañe seyo shizew-ñuzew nañe í shürhaw ná ana cheñe zekütso-zemrhü “Djo patso-law seyo lalobraw nadra hado gýoñe üşa tsa-tu daiya?”

Luhuşüw-lukrow gýow ge Jisu i dzüw

31 Jisu i na chetcho, “Müga ñachi ge so manaw na majijome, séšo sonaw na jijome.

32 No nuna güdraw na mowme, lalo duw ná nadrü-nalu lagudoijoñe balaw kakuwme.”

33 Seyo na í chetcho, “Yohañ í shürhaw na ye şüpyo uw yo matsa-matuw küğüñe gýoiwa, seyo sünambó Farisi nachi go na je, séšo bá shürhaw na ye tsa-tuiwa.”

34 Jisu i ná chetcho, “Hawa ba name gzü jiw nuna ná gzübraw ye nadra dulu sese, matsa-matudügyefijoma?”

35 Séšo se ñeto je kakujome, sayo sa a gzübraw ye nayo utroga dajome, sese na se ñeto ge matsa-matuw dajome.”

36 Ná i zeğaw a ze tru, “Dju nuna yo gye ükün ye tağañe dju matüpsüwme, semome ükün ye tağajobabi sedamje se tüpsüdaw ye je gye üme üdra makamyogüjo.

37 Seyo dju je tsühu ükün ye dzaği üme gye mapyujö, semome tsü ükün ye se dzaği üme yebó byoğalye kasuajo, seyo dzaği je mau lyajo.

38 Séšo anggur uhu ükün ye dzaği ükün ge pyujo dume.

³⁹ Kagua nūna na tsūhu ūme ye tulye ūkūn ye matuŕoñjo, hado chemeje na truiibi, ūme ye ufondodaŕo cheñe.”

6

Jisu Sabbat go Tawgyew

¹ Sündalye ŕyogow ñeto sehu i vi goŕu dañe kamkoi sese, seyo í shŕhaw na pu ye trŕkŕlyelalye, ũgzŕku yo shŕkrŕñe tsa-tsa ka.

² Sese Farisi namko yo na hadamje chekŕlyetcho, “Djo sŕna chiŕa hado dawwa hai ye ŕyogow ñeto ge madafiwjoma?”

³ Jisu i ná trutcho, “Hawa djo he í mangŕma, nugo Dawudñe ũdra ayo na luhuŕda sese ha dawma?”

⁴ I kŕndañe Tawgyew ichi ñe ge jima, seyo lapsŕ djŕdaw go odje na lañe tsa, se na bŕ mŕgaw ná tralye djusaje matsafiyo, seyo ídra yo naje djŕdalubi?”

⁵ Sŕnda i ná chetcho, “Nŕna ũsaw ye ŕyogow ñeto ge je Tawgyewbamme.”

Ŕyogow ñeto ye sonaw ná dagyow

⁶ Sŕnda ana dañ ahua ye ŕyogow ñeto kuw sese i ñegru ge jiñe shi-ñu trutchoñe da ŕyo; seyo sa a nŕna a duw ye ũgzŕ fuvro go krosdzŕada.

⁷ Shizew-ñuzewñe Farisi na í hadamje zeñe ñu jojoñe hoksŕ ŕyo, i ŕyogow ñeto ge dagyoahima madagyoima hojoñe.

⁸ Sŕŕo ibŕ nalu vyedaw dāhuñda; sŕndada i se ũgzŕ kroadaw nŕna í che, “Pŕlyiñe, umko a gudzug.” I pŕlyiñe gudzu.

⁹ Jisu i í chetcho, “No djo he dzŕime ŕyogow ñeto ge ha dafijowa, uw dajo veima mo mau dajoma; shŕw ná ŕaksŕjoma mo maŕaksŕjoma?”

¹⁰ Seyo i vyew ná hozeŕatsŕlye, se nŕna í che, “Bagzŕ ye vro ge djŕwe.” I sŕna da, sŕndawñe ũgzŕ ye muchoañe uw lya.

¹¹ Sŕŕo se na ñepsŕ ge kuhuatcholye lusvyuñe naŕŕtchŕ poŕitcho, ñi he Jisu idra ha dañelye?

Shŕhaw ŕŕyo ksŕ

¹² Seyo se ñeto bŕ i pudru ge kŕŕuw katrŕkralye, seyo akŕlya ñetow Tawgyew í kŕŕŕ ñetoaha.

¹³ Ñetoahuwñe, i í shŕhaw ná balalye namko ye ŕŕyo ksŕ ye pola, sŕndalye ná shŕhawñe che.

¹⁴ Sŕnda se na heimme; Simon í ñiñi ye i Patras ñe je vye; seyo í ñuw Andriyas, seyo Yakub, seyo Yohañ, seyo Fillipus, seyo Bertulme,

¹⁵ Seyo Matti, seyo Tomas, seyo Halfais í saw Yakub, seyo Simon dju í Jeletes je chewma,

¹⁶ Seyo Yakub í saw Yahuda, seyo Yahuda tcho Iskariyoti, se i í tsadrŕahuw lyikŕlye.

Jisu i nŕna ná truñe dagyow

¹⁷ Sŕndawñe na ídra kagalye no ũpra a ye gudzutsŕ, sŕnda ichi shŕhaw na upu mutchu, seyo vyew Yahudiya na, seyo Yarusalem, seyo Sor seyo Sidon go sŕtŕŕŕlŕ ũdza ge kŕña ñetrŕ ma sego ŕŕpyo nŕna upu na je,

¹⁸ Dju i shi-ñu truw í seyo ŕulo ná muchoañe dagyojoñe ichi ge jikutsŕdama, sŕge dutsŕ. Seyo chigŕje na maw da vyedaw na je uw dagyo.

¹⁹ Seyo vyew na í kidŕŕyoñ vyetsŕ, hado cheme íso go ŕagra na kahuañe ná muchoahi.

Gaŕŕze shi-ñu

²⁰ Sŕndawñe i í shŕhaw nachi ge hoñe che,

“ŕŕvzŕwme bá, ñeto daw ye,
Hado cheme Tawgyew ichi ñetrŕ ye bachime.”

21 “Şüvzüwme bá je, dju luhuşüdama,
Hado cheme ĝaksüjome,
Şüvzüwme bá, dju ksei ma;
Hado cheme tchüjome.”

22 “Şüvzüwme bá, dju nüna üsaw íbo
Bá mau dajome,
Seyo bá lahuajome, seyo bá tchüĝo-hoĝojome,
Seyo bá ñiñi danghulye vyetsü djojome.

23 “Sehu ñeto lüshüñe gyojo dawwe, hado cheme hojo dawwe, babó soĝgo ge lapsü dume.
Í bupye-ñipye ñihow kew nadra je süna dawbamme.”

Dzüngawhuh shi-ñu

24 “Sešo tui me djo, dju bo-luko duma,
Hado cheme djo djolu vyew apyew pajebi.”

25 “Tuime djó dju hesahe ĝaksüwdadama,
Hado cheme luhuşüjome.”

“Tuime djó, dju hesahe tchüima,
Hado cheme duhu pajome seyo ksejome.”

26 “Tui me djó, nüna na djodruge uw chejome,
Hado cheme ná bupye-ñipye na mülaw ñihow nadra je ana dawbamme.”

Vyeñiw na je nülvowe

27 “Sešo dzüvodo djó no chei me, bá vyeñido na nülvow dawwe; bá dju mau daiba sena uw dajo dawwe.

28 Bá dju chemui ma, sená gaĝüzü djüjo dawwe; bá dju zeamei ma, senábo küĝüjjo dawwe.

29 Dju bákrumo ge tcheima, ichi ge krumo a go je djüwe; seyo dju bachi ĝüfaw laĝaima, se í bá polu djulawe djuchewe.

30 Dju damje bá prüima sená djüwe; seyo bachi gañ laĝaimeje, í djuprüwe.

31 Seyo ba nüna ná bá küna dawweñe vyedama, baje ná süna dajo dawwe.

32 “Sešo ba bá nülvow dai ná akasa ba nülvow dame je, ba ha dew dawwa? Hado chemeje lalo dado na je, ná dju nülvow daima na je sená nülvow daşoi.

33 Ba bá dju uw daihi ma sená akasa uw daijobame, bá ha dew chejowa? Hado chemeje lalo daw na je süna bó daşoi.

34 Sešo ba í chi gudzumeje, nachi go patchojoñe vyemeje, bachi ha uwwa? Hado cheme lalo daw naĝütchü je chi bó gudzuşoi.

35 Sešo bá vyeñido nadra nülvow dawwe, seyo uw dawwe, seyo patchojoñe mavyaw chi gudzujo dawwe; seyo babó dew lapsü lyijome; seyo ba Tawgyew í üsañe chejome, hado chemeje i se nabó dju maşüvzüdügyejome, dju kew nadru ge nülvoi me

36 Baw küna nülvosüwma, sünambo ba je nülvojo dawwe.

Udru ge dju truchoawe

37 “Külü dju jowe, sündame badru ge je külü majojome; trudañe djuchewe, badru ge je truda machejome; aloijoda, sündameje bá je alojome.

38 Djüjo dawwe, sündame bá je djüjome: nüna na düsdzü-düsdzüñe seyo so-soñe seyo gusañe badru ge suijome, hado cheme ha chi yo ba tsoima, se chi yo babó je seiyo tsojome.”

39 Sündatcholye i ná zeĝaw a yo chetcho: “Hawa ñiĝew ye, ñiĝew í ĝabo trufijoma? Hawa naksü noĝu ge magaajoma?

40 Şürhaw na nudzoĝ chi dadrűw na yo madewfojome, sešo djudamje dagro dama, i í chi dadrűw imbó vyedujome.

⁴¹ Ba bá ñuw ichi iñi go gashüsadow shobosa í hado hoiya, seyo bá nudzoğ báñi go sholbosa duw ye maholama?

⁴² Seyo ba bá nudzoğ bañi go sholbosa mahomeje, ba bá ñuw ichi í kúnda chefijowa, ‘No ñuwwa, mola bañi go gashüdaw ye lahuajoma?’ He dakulyutchüwba, uvromashü bachi iñi go sholbosa lahuavzüwe, sündameje sese bachi üñuw ichi iñi go gashüdaw ye hohulye lahuahifijome.

Shoñ í hosüjo ye üje yo

⁴³ “Ha shoñ uw a je ñime, dju sheje ha madağiw jewma, seyo ha madağiw shoñ je ñime, dju shejo uw jewma.

⁴⁴ Shoñ küña duma, nudzoğ üje yo hosüwme; hado cheme nüna na gralye go lufuje mapyowme, seyo küfsüje go angur mapyofijome.

⁴⁵ Nüna uw na nudzoğ lu go ñu uw chehuahi; seyo nüna mau na nudzoğ lu go mau ñu na mau yo chehuajome; hado cheme lu ge ha gudama se i namdzu go kahuajome.

Ñe daw nüna sama ksü yo duw

⁴⁶ “Ba nó ñu chew ná madzújomeje, sünameje hado nó ‘He Tawgyewwa, he Tawgyewwa,’ cheiya?

⁴⁷ Dju damje nochi ge jikuima, seyo nó ñu í dzühulyeñe zew dzüima, no djo trujome, na dju vyeduwma?

⁴⁸ I se nüna i vyeduwme, dju ñe damkoi sese nogüdzü ye gýuw chigalye kunu ge ñekrü dzuñe, seyo hutchuğo-ğolüşü ye idru yo da kaa, séšo í madañifijome; hado chemeje i lyow yo dada.

⁴⁹ Séšo dju dzhutcholyeñe zew madzüma, se i se nüna i dambo vyeduwme, dju nogüdzü ye ñekru lyow madaw dadama. Se udru ge hutchuğo-ğolüşü kame, i sebyo-seğyo ngüañe seyo se i gaañe ganü-gağaaha.”

7

Kulokyew ichi umsow vyedaw ye Jisu i vyelamoa

¹ I í ñu ná nüna na trumdzoalyeñe Kafarnahum ñetrü ge jiku.

² Sünda mükaw a ichi kulom djú i, í ñeşümbo veduw vewma, usso nañe dzüjo veduw lyada.

³ Jisu iñiñ hutraw-notraw dzühulyeñe Yahudi ñetrü go nugow na ütrü ge í kulo í jikuñe dagyoiwe cheñe ki.

⁴ Na Jisu ichi ge jikuñe ishitrü ge gaañe ana che, “Ba ibo he i daijo dawe

⁵ Hado chemeje i ñi gýu bye na nülvo daw, sünda ñi melye ñe ije i daihu.”

⁶ Jisu i nadra nadra hutor jisa, sünda i ñe yo aña üğa ñibisa sa a, mükaw i üdraw na yo ana cheñe ki, “He Tawgyewwa, ba ñikuñisüw djudajodawe, hado chemeje nochi ge übadzü ñime, ba no ñelütsü pudaw ge jimyojo.

⁷ Sündada nudzo no bachi ge jikujo übadzü duñe mavemme, sé ba bá ñu i truñe no kulo usso dagyoiijodawe.

⁸ Noje nüna na üla yo nünabame; sünda shipashi na nogzü geme, sünda nüna a í ‘Kab’ chewñe se nüna ye kaw, sünda ütro a í ‘age kab’ chewñe i kaku; sünda no kulo na ‘He i da’ chewñe na se chiğa i daag.”

⁹ He ñu í dzühulye Jisu i lumashüw vea, sünda i ufum ge nüna upu kalasalai nachi ge tcholtruğiañe cheñ, “No djo he trungkoi heme, Israyel ge je no ana veksüw mapame.”

¹⁰ Sünda nüna kidaw na ñe kaku hobanda, kulo usso nadaw i dagyovodabi.

Dzüdo í shüdügye

¹¹ Me ñegi fum sa a i Nayan cheñe ñetrü a ge ji, ichi shürhaw nañe seyo nüna upu üdra jisa.

12 I se ñetrü gow fûta ütrü iñisa jiku, hojodawe, nüna na ñimo a í ñepsü ge la kahuangkoi; se ye üyan üsaw akasa ba, sünda i müjem: sünda ñetrü gow şüpo nüna añe üdra dusa.

13 Í hoñe Prabu üdrapra-ulupra na, sünda i cheñ, “Dju ksewe.”

14 Sündawñe i iñisa ge jikuñe ñimo vedaw i ki; sünda gidaw na gogog jebi, sündawñe i cheñ, “O muhumya, No ba chengkoime, pakülyejodawe.”

15 Sündawñe se dzüdaw ye pakülye gyo, sünda ütrü zekülye: sünda i í üyañ i djülye.

16 He yo vyew na gëatsü, sünda na Tawgyew ibo gow troñe ana che, “Ñimko a şüpo dyew ñihow truw a kakülyadame, sünda Tawgyew i í nülwov í nüna na she.”

17 Sünda ibo gow ñu ye vyew Yahudiya seyo iñisa gow vyew ñetrü ge truzegëatsü.

Yohañ Baptisma djüw í dzüw

18 Sünda Yohañ i í shürhaw na he ñu na trutsü.

19 Sündawñe Yohañ i í shürhaw nangko yo ksü i balalyeñe Prabu ichi ana dzüw ki, “Kakujo ye babamma, mo no utro na gëyokrüjoma?”

20 Na ichi ge jikuñe cheñ, “Yohañ baptisma djüw i ñi bachi ge ana a dzüw kidame, se ye kakujo ye babamma, mo no utro gëyokrüjoma?”

21 Sa yo sa a í şüpo na usso naw yo seyo duhu yo lahuaida; sünda mütü kamyodaw seyo şüpo iñi gëw na iñi djü.

22 Sünda i í che, “Djo ha ha hohuñe dzühudama, kañe Yohañ i trujo daw; iñi gëyew hohungkoimme, üshi lyew kahingkoimme, gogog nadaw i dagüdrajemme, ufu vaw dzühungkoimme, sünda dzüdaw ye üshükülyejemme, sünda sapse na Tawgyew i shi-ñu trujeme.

23 Tawgyew i şüvzüw djudra duma na ushi mahütrüjome.”

24 Yohañ i kidaw nüna na kawñe, Jisu i Yohañ ubo gow nüna na ana tru, “Djo bye ge ha how jiña? Ha, ñedzülyiw yo age ngüa süge ngüa daw müsüg i?”

25 Nameje djo ha how jibaña? Ha, nüna gye howsa shedaw í? Howe, dju gye-gëuvo uw sheima sünda ñe uw ge gyoima, na mahal ge gëyowwa.

26 Nameje ha how jimdobaña? Ha, djuma a ñihow í? Am, no djo trungkoime, ñihow truw ije dyewfo.

27 He ye seabamme, djubo gëidama: ‘Howe, no muko í bavro bavro kijome, dju bavro ge kañe gëabo gudow davojome.’ ”

28 “No djo trungkoime, mim naluhu yow sadaw na, namko ye Yohañ i dyewfo djuje mome sé dju Tawgyew i ñe ge imisafo dama, i se ije dyewfo me i.”

29 Sünda vyew nüna na seyo patso-lavow naje dzühuñe Yohañ ichi gow baptisma lañe Tawgyew i umso ve.

30 Sé Farisi seyo shotuko-kunu davow na ichi baptisma malañe Tawgyew i gëabo shedaw i madzü.

31 “Sündada: no he shülsongkoi gow nüna na ha üdra tsojowa? Na ha veduda?”

32 Na se angasa na veduw dju bajar ge gëyoñe na gütchü gëksu gëiñe ana chegëiw, ‘Ñi babo bzüva viw, se ba ñuksu je mada, sünda ñi duhu dawgeje ba kseje makse.’

33 Hado chemeje Yohañ baptisma djüw i odje je matsaw kakülyada seyo tsü je matuw kakülyada, sé ba cheiye, usso ge mütü du.

34 Nüna üsaw na tsa tuñe kakülyahume; se ba chewye, ‘Howe, tsa gëotüw sünda tsü tujetchüw nüna nawa, patso-law üdraw seyo lalo gifu gëuw nadraw.’

35 Sé patsü-sholu ye nasaw nachí í umsoñe da veda.”

Simon Faresi ichi ñe ge lalobram í muchoahuw

36 Sünda Farisi a ye í üdra ava tsasaweñe bakuda; sündawñe: i se Farisi i ñe ge jiñe ava tsajone gëyoha.

³⁷ Süge se ñetrü yo lalobram a ye, i Farisi i ñe ge ava tsaw jikuñe gýoda che danghulye, kunulübzü yo daw shüve a ge šowsa šow uhu lajikuda.

³⁸ Sünda üshi ütrü ge, fum gow gudzüñe kseñe üshi i üñiñü yo dağüñe sünda nudzo ükye gow ükyetrü yo düğüdra sünda üshi ge umdzu yo tsa tsañe, šowsa šow uhu yo šüi.

³⁹ He í holyeñe, se Farisi dju í baladama, üdrü-ulu ve vemche, “I ñihow truw nünan meje i danghujobi, dju i kingkoima, se ye djuma seyo küna mimma cheñe? Hado chemeje ibo lalobrambabi.”

⁴⁰ He í dzühulye Jisu i hutrolañe cheñ, “Simonña, no ba hadamje a chejome.”

⁴¹ “Bo djüw a ichi gudzuvaw ksü duw, a ye lumu yo bosüñ fo pom, seyo utro a ichi ge lumu yo bosüñ pomgü duw.

⁴² Ichi ge domgütchojo ñiahuñe, sündawñe i naksü maksü i ujobammeñe traaha. Sünda: naksümko a dju í nülvo fo vejowa?”

⁴³ Simon i cheñ, “no vew ge, i djú añe traafodama.” I í cheñ, “Ba uw vebadamme.”

⁴⁴ Sünda se mim ichi ge tcholtrüñe i Simon i che, “Ba he mim i homa? No ba ñe ge jikuwbi sé ba nó üshi chejo hu je madjü, se i noshi i iñiñü yo dagzüida, seyo i nudzo ükyetrü yo düğüdraida.”

⁴⁵ Ba no umdzo yo bubu matsa, se no jikuw yo i noshi i umdzo yo bubu madamdu.

⁴⁶ Ba no kye ge tel je mañü; se i noshi ge šowsa šow uhu šüida.

⁴⁷ “Sündada no ba chengkoime; i lalo šüpo duw ye, muchoihumme, hado chemeje i šüpo nülvo dada; sé djuchi mesame muchodama, i nülvow je mesame dawba.”

⁴⁸ Sünda i mim í che, “Ba lalo muchoajemme.”

⁴⁹ Sündawñe üdra a ava tsaw gýosadaw na, nadrü-nalu ve vetsü, “He lalo na muchoihu ye djubajema?”

⁵⁰ Se i mim i che, “Ba kügüw ye ba gaksüi damme, lüshüw yo kajodabe.”

8

Jisu ichi shürhaw na

¹ Se yo na ñetrü ñetrü shi-ñu tru ka, seyo Tawgyew í ñe gow shi-ñu na truñe kahiw, sünda i nadra shürhaw gü yo ksü duse,

² seyo mim üchea naje djuso gow mütü na lahuañe so naw na dagyodama, se iñiñ ye Mariyam Magdalini chewme, djuso gow mütü mro kahuadama.

³ Seyo Herodes i hokrüvow Kuja ufum Yoanañe Susana seyo šüpo mim na í ná gañ-miği yo na kulom na hotunovow.

Iği truw ichi zeraw

⁴ Nüna upu jikyeğiatsüwñe, seyo ñetrü ñetrü gow na je ütrü ge jikutsüwñe, i zeğaw tru:

⁵ “Üsü traw nüna a ye üsaw traw jihua: trangkoi ye üsü üchea ye gábokutru ge gaa, sünda dügrüprag, seyo ñedzü gow musu na pilag.

⁶ Seyo üche ye kunuka udru ge gaa, sünda shükülye, séšo hu gzüw mapawtro graha.

⁷ Üchea ye tsü namko ge gaa, sünda tsü na üša üša shüsañe i shümüla.

⁸ Seyo üchea na no uw ge gaada, sünda shülyilyeñe sheje fuğua dzaw djüda.” Ana chefialyeñe i gow yo ñu che, “Djuchi ge dzüjo ufu дума dzüsawe.”

Zeğaw yo trudrüw

⁹ I shürhaw na i dzü, “He zeğaw ichi hawa?”

¹⁰ I cheñ, “Djo Tawgyew i ñe go ñu na dzüsüdügýewbi, se utro na zeğaw go trujome, hado chemeje na hohuñe mahohujome, seyo dzühuñe je madzüsüjome.”

¹¹ “Zeğaw í chemeje ana me: üsü ye Tawgyew í ñume.”

¹² Ĝabo üdza ge ĝyodaw na dju dzühudama; sündawñe mütü na jikuñe nadrü-nalu gow Tawgyew í ñu í lañe katrükralye, hado cheme ana malyajošoma na Tawgyew í kügüñe na ĝaksüw pajo.

¹³ Kunnu udru ge duw na, dzüñe lüshüw yo shi-ñu bo lašoi, séšo ükrü ñiw tro ye na umso mesame kuw ve, sünda muchow ge gaaha.

¹⁴ Dju kusu ge gamyoadama, se na, dju dzüi na, sé vro ge kañe vesumow seyo bo-luko seyo shüng-dongkoi ge duhu ge gamyojome, sünda na sheje mañujo.

¹⁵ Sé no uw gow na he me, dju shi-ñu lu-drü lümyew yo dzüñe veima, na se yo sheje lakufijome.

Mitrü yo zeĝaw

¹⁶ “Djuje müsaw tchüholyeñe boĝtom yo pelye mavejo, seyo buĝo ufum ge mavejo, sé mütchü ubo ge vejo, hado chemeje nüna jikudaw na müsaw pajo.

¹⁷ Haje mamüşüme, ha ye matruhoajoma; seyo haje trumsüw ñime, se ye madanghujome sünda müsaw mapajoma.

¹⁸ Sündada ĝüdzüw ĝyowe, ba ha vego dzüngkoima? Hado chemeje djuchi ge dumañe vedama, í djüpyojolume; seyo djuchi ge ñima, ichi gow se ije laĝajome, ha ye ichi nudzoĝchiñe vedama.”

Jisu ichi ñešüĝmüsaw

¹⁹ Üyaññe uñuw naksü ütrü ge jiku, sé nüna añe duw tro sa í matüvafilye.

²⁰ Sünda í tru, “Baññe bañuw naksü ba tüvajoñe ñepsü ge gudzudame.”

²¹ Í í ñu í hutrolañe che, “No aññe no ñuw he bamme, dju Tawgyew í shi-ñu dzüñe seyo umso vewma.”

Šüw-lyiw law kaw í daĝüdzüahuw

²² Sesüyo ahua ye í seyo í shürhaw na lü ge gyolyi, sünda í ná cheñ, “Age djebya, hu dügepsü ge jibo.”

²³ Sündawñe: na lü í shaa.

²⁴ Sündawñe na jiñe í dapüñe, sünda cheñ, “Tawgyewa! Tawgyewa! Ñi mauwfimauw lyangkoimme. Sündawñe í pakülyeñe ñedzü šüw-lyiw seyo hu í lashüraw í miĝi sündawñe na damudoañe ĝüdzüw lyaha.”

²⁵ Sünda í na che, “djo kügüi ye hanga?” Se na ĝeaglye seyo mavenghuañe naĝütchü cheĝi, “He djubajema, ñedzü šüw-lyiw seyo hu naje dügyeie, sünda na í chew dzütsü.”

Ĝuló mauw na lahuahuw

²⁶ Sünda Giraseni na ñetrü ge jiku se ye süge pseĝ ge Galili hu ütrü iñisa ge.

²⁷ I hudza ge jikuwñe, se ñetrü go nüna a í tüva, djuso ge mütü kamyodama. Seyo šüpo üĝalaw gomdo gye-ĝuvo je mashew seyo ñe ge je maĝyow nuĝu ge aka ĝyow.

²⁸ I Jisu í hoñe šogzu, sünda uvro toi gaañe gow yo ñu che, “He Toĝgroyama Tawgyew üsaw Jisu! No badra ha dajo duwa? No ba chengkoime, no ñiku-ñisüw djudjüjodawe.”

²⁹ Hado chemeje í mütü í se nüna usso go kahuawe cheñe dügyengkoi, sündada í üdra gow lyanggudrulai. Sünda nüna na í sülyeñtchü seyo sülyebu yo vogo vew, sedamje í se sü na gokyoaha, sünda mütü ye í sümbye ge sagañgudrudügye.

³⁰ Jisu í í dzü, “Bañiñ hawa?” I cheñ, “Upu,” hado chemeje šüpo uĝulo na usso ge kamyolyedabi.

³¹ Sünda í í cheñ, “No noĝu ge djukadügyejowe.”

³² Süge puge vo upulo dyew a tsamroñe ĝyoda, sünda: í í cheñ, “No nalung ge kamyodügyewe.” Sünda: í í kamyodügye.

³³ Sündawñe se uĝulo ge nüna usso go kahuañe vo usso ge kamyoaĝ sünda se vo upulo ye ĝo ge ĝuañe husu ge gamyoñe gamüla dzüag.

³⁴ Fugulu g̃yokrūw na se dagjew i holyeñe g̃e djeshükralyetsü, sūnda ñetrü ñetrü ge kañe he ñu i trutsüküga.

³⁵ Sūnda nūna na se dajew i how jihuatsü, sūnda Jisu ichi ge jikuñe dju nūna usso go uḡulo mauw lahuadama se ye Jisu ishitrü ge gye sheñe g̃yodaw i hohuñe g̃eag.

³⁶ Sūnda hohusadaw nūna na ná tru, se uḡulo mauw ye nūna i ñiku-ñisüw da vedaw í kūndañe uw dagyodama.

³⁷ Sūndawñe Giraseni ñetrü üñisa gow nūna na Jisu i cheñ, ñichi ayo kahuaajodabe; hado chemeje na g̃emḡekyoatsüdabi. Sūnda: na lü ge gyolaye katrükralye.

³⁸ Djuso gow uḡulo mauw lahuadama se nūna ye í che, no badra g̃yokyedaw, séso Jisu i kadügyelye cheñ.

³⁹ “Bañe ge kañe nūna na truwe, Tawgyew i kūndañe babo aña s̃üw-lyiw chiḡa dadama.” I kañe vyew ñetrü ge trüzeḡiatsü, Jisu i nobo kūña s̃üw-lyiw chiḡa dadama.

Sonaw mim seyo dzüdaw mimsa naksü dashütcho

⁴⁰ Jisu i Galili ñetrü go kalai sa a, nūna na lüshüw yo i tüva; hado chemeje na í g̃yokrūñe g̃yow.

⁴¹ Sūndañe howe, Yayir cheñe nūna a iñiñ dju ñegru go dyewma, i jikuñe Jisu ishitrü ge gaañe cheñ, “Noñe ge jisawe.”

⁴² Hado chemeje ichi oje g̃üyo ksü yo üsam akasa a duw ye dzüasalaibi. I jingkoi ge nūna ishitrü ge gaatsü.

⁴³ Sūnda mim a dju oje g̃üyo ksügomdo s̃ü lu g̃yowma sūnda dju nudzo shüw-duw na so naw dagyow nadru ge tratsüdabi sedamje djuzü gow je i madagyofibi,

⁴⁴ fum gow jiñe i gye üdza ge kig sūndawñe sešüḡdo a i s̃ü luw ye lumudoag.

⁴⁵ Se yo a Jisu i cheñ, “No dju kidüḡña?” Vyow na makitsüñe chetsüwñe, Patras seyo üdra ayo dusaw na cheñ, “He Tawgyewwa, bá he nūna fupulodaw na düñe badru ge gaiwa.”

⁴⁶ Séso Jisu i cheñ, “Djudamje a no kidawa hado chemeje no danghudabi nochi gow mu kahuaajewa.”

⁴⁷ Mim ye holyeñe no mamušufijobañe vewñe, usso somsokyo jikülye, sūnda ishitrü ge gaañe vyew nūna navro se trukülye, i hado kima, sūnda kūndañe mekutcho dagyogdama.

⁴⁸ I í cheñ, “Nosamya ba kügüw ye ba dagyodašoñe, lüshüw yo kajodawe.”

⁴⁹ I trungkoibalubi ye, ñegru go müḡaw i nūna a jekuñe che, “Basam dzüdamme: müḡaw i duhu djujüwe.”

⁵⁰ Jisu i dzühuñe cheñ, “Djuḡejodawe; kügüjodabuwe; i basüjošome.”

⁵¹ Ñe ge jikuñe i üdra ye Patras, Yohañ, Yakub seyo mimsa üyow-üyañ na tralyeñe djuje ütrü üñisa ge majidügyew da.

⁵² Sūnda vyew na ubo kse-ñiḡitsü, séso i cheñ, “Djuksejodawe; I madzüme, i drumubadame.”

⁵³ Nūna na i dzüdabi che danghuñe, i chedaw i dzüñe tchüg.

⁵⁴ Sé i ügzü í kigolañe ḡuksuñe che, “He akoa pakülyebi.”

⁵⁵ Sūndawñe ḡulo üshükülyeñe pakülyeg; sūnda i na dügye í tsajo hadamje djüwe che.

⁵⁶ Üyawnē üyañ naksü mavenghutsü, sé i ná cheñ, he ha dajema se i djuje djutruwe.

9

Shürhaw g̃üyo ksü ná jidügyew

¹ Sūndatcholye i na g̃üyo ksü shürhaw na balañe ná ḡuló mauw seyo so naw na dagyow dajo gow bó vye.

² Sūnda ná Tawgyew i ñe go shi-ñu uw truw, seyo so naw na dagyowe cheñe ki.

³ Sündá i ná che, “Jiw ge haje djulawe: shobo je djulawe, kapüga je, odje je, bo je seyo polu ksü ksü djulawe.

⁴ Seyo dju ñe yedamje ba gyogoima, se a gyojodawe; sündá se yo kahujodawe.

⁵ Dju bala magokyema se ñetrü yo kahuañe ishigo ñelümo na pafiajodawe, hado chemeje nadru ge na je truksüfijo.”

⁶ Sündá: na jihuañe ñetrü, ñetrü shi-ñu uw tru kaahi, seyo nüna ná djuje djuje dagyoñe kaahi.

Herodas í velamow

⁷ Seyo ñetrü go psügi fum yo nugo Herodes i he í dzühulyeñe mavenghuag, hado chemeje küña nüna na trudabya, Se i Yohañ dzüdo go üshükülyetchoda cheñe.

⁸ Sündá küña nüna na he i, se Eliya i hohuda: utro na ana je chetcho, ahugo ñihow truw mügaw namko yo djuma üshükülyetchoda.

⁹ Seño Herodes i che, “Yohañ ükye bo no poskeadügyembi, he ye djutchoa, djufu go ana ñu dzühumkotchoiya?” Sündá i í hoñoñikülye.

Nüna hadza pom ná gyew

¹⁰ Sündá í shürhaw na kakuñe na ha ha dalyedama ná í truatsü. Sündá i ná utro ge lagañe, Betseda cheñe ñetrü a ge lañe kakye.

¹¹ He i danghulyeñe nüna na ufum fupuloatsü, sündá í ná lüshüw yo tüvatsü, seyo ná i Tawgyew i Nogofo shi-ñu trukye, sündá djú dagyodügyeñoñdama, ná dagyo.

¹² Ñeto kapsealaibi a, se í shürhaw güyo ksü jikuñe che, “Upu na kadügyejodabe, kañe na ñetrü ge ná gyoyo seyo tsajo bühohidame, hado chemeje ñi güdzüw ñetrü ge dume.”

¹³ I ná che, “Djo ná tsajo djübalabya.” Na cheñ, “Ñichi ge odje pom seyo tchükro ksü yo haje ñime; sé ñi jihuañe vyow nabo tsaw-tuw prülameje, se ye djujome.”

¹⁴ (Hado chemeje sa yo sa a muhu fo pom kuw du.) Sündá i í shürhaw na che, “Ná pom gü, pom gü dañe gyodügyewe.”

¹⁵ Na süna dabadába, seyo vyow ná gyodügye.

¹⁶ Sese Tawgyew i ülgü odje pom seyo tchükrosa ksü í la, seyo ñedzüdro ge hotroñe na gagüzü djü, sündá tchekuği, tchekuğiñe í shürhaw na djü nüna na hawe cheñe.

¹⁷ Sündá: vyow na tsalyeñe tsaşelatsüdabi, seyo godza daw yo mo gü yo ksü guw trügula.

Patras i Jisu í Tawgyewñe vyew

¹⁸ Se i akasa güdzüw ge kagañe kügümkoi sese, seyo idra ye ichi shürhaw na idra dusa, sündawñe i ná dzü, “Nüna na nó ha cheiya?”

¹⁹ Na che, “Yohañ baptisma djuj ye, seyo kagua na mügaw Eliya, seyo kagua na chew ye ahugo ñihow truw mügaw nangko yo a üshükülye da.”

²⁰ I ná dzü, “Seño djo nó ha cheiya?” Patras i che, “Tawgyew i üsaw Masi.”

²¹ Sündawñe Jisu ná züpsügeñe che, “He ana djúje djuchewe.”

Jisu i í nudzo dzüjo í ñihow tru

²² Sündá i che, “Nüna üsaw í duhu paketrajobamme, seyo dasüñejome seyo kew mügaw na seyo mügaw sawlyiw seyo shizew-ñuzew na í hosügow vyeñe shijobamme, sündá i ñegi dzü ye üshükülyetchojome.”

Jisu ufum kasaw ye

²³ I vyow ná che, “djuma no fum kasajo vedama, nudzoğ yo makasajoñe trawe seyo shüwa nudzo shokru i gilañe no fum kasajodawe.

²⁴ Hado chemeje dju yo nudzoğ shüw ye fupojome vedama na shokru í moajome, sé djudamje nobo nudzoğ uluvyu takyoima se iyo í fupojome.

²⁵ Nüna na vyow druguw-drulyiw í patsülameje, seyo nudzoğ uluvyu ye takyoame, semome ñiku-ñisüw pa, se yo ha palajowa?

²⁶ Djudamje no yo seyo no ñu yo ñimtchüñjema; nūna üsaw ye je ichi seyo i awu ichi sünda güdraw sorgomuko ichi lüshüw pawñe, ije ñimtchüñjome.

²⁷ No djo umso trungkoime, dju ayo ha a gudzudama, namko he a üchea na ana dame Tawgyew i ñetrü mahohumdoluye, na dzüw ye künama madanghujome.”

Musa ñe Eliya naksüdra Jisu

²⁸ He ñu na chelye ñegi sūgzü fum sa a Patras, Yohañ seyo Yakub na üdra kügüw pu a ge lañe jike.

²⁹ I kügüngkolui ye, ukrumro utro a lya, seyo i gye ye grobülašüksüne lüna-lünakülye.

³⁰ Sese, muhu ksü se ye Musa ñe Eliya naksü üdra ñu chitrungekoi.

³¹ Na ĝulo güdrawdra hohu, sünda i dzüjo go ñu poĝi, se ye Yarusalem ge dajo.

³² Patras ñe üdraw na drumuĝoñatsüdabi, sünda na pakülyewñe, i ĝulo güdraw; seyo se nūna ksü ye dju üdra gudzüsadama, hohu.

³³ Na ichi yo kajoñe dawñe, Patras i Jisu í che, “He übrawwa, ñi ha a ĝyow ye uwme: sünda: ñi lañe ulügü dzü dajome, a ye babo, a ye Musa ibo, seyo a ye Eliya ibo.” I madanghu, i ha chengkoima.

³⁴ I ana chengkobaiye, ná mumu yo boshiĝiag, ná mumu yo bolyangkoi ye na ĝeatsüg.

³⁵ Sünda se mumu yo ana ñu a zekülye, “He ye nosaw seyo no i golawme, i chew dzüwe.”

³⁶ He ñu i dzühungkoi ge, Jisu i akasa hohuda; sünda i mazüda ĝyoda, sünda ha hohudama, se ñu í se ñeto ge djuje malakülye.

Muhusa í ĝulo mauw yo lahua

³⁷ Seyo se draha na pu gošü kagaahuñe, upu dyew a í jiñe tüva.

³⁸ Sündawñe, upumko yo nūna a ye šogzuñe che, “He dadrüwa, no ba chengkoime, nosaw i nülwov hoijodawe; hado chemeje i nosaw akasame.

³⁹ Sünda howe, ĝulo mauw a usso ge kamyó, sünda i ülya akaye šogzukülyeg; seyo i se í ana ĝüshülyiĝiada, se i üga ge üzetcho fegukülye; seyo í ana damgzüw yo ñiku-ñisüw da tra.

⁴⁰ Seyo no bachi shürhaw ná che, í lahuawe; séšo na malahuafi.”

⁴¹ Jisu i che, “He maküĝü seyo bolu datchüw shürhaw nawa, no djodra küña kuw ĝyofisajowa, seyo djó daw na vejowa? I muhu i cheñ, basaw i age la jekuha.”

⁴² I jimkolai ye ĝulo mauw ye í lola padubug, sé Jisu i ñišgzüñ ĝulo í miĝiñe seyo muhusa í uw dagyoñe uyow ügzü ge djü.

⁴³ Sündawñe vyow na Tawgyew i gow yo mavenghutsü. Sé vyow na í ha ha chiĝa dadama se na trongkoiye, sese i í shürhaw na che.

⁴⁴ “He ñu ye djo djofu ge vejodawe, hado chemeje nūna üsaw í nūna nagzü yo kigo ladügyejome.”

⁴⁵ Sé na he ñu i madzüsü; se i í madanghdügye; seyo na he ñu ífo go idra dzüjoje ĝetcho.

Vyow namko yo dyewfo djuwa?

⁴⁶ Sünda shürhaw naĝütchü ge ñu a kakülye, se i ye nangko a dju dyewfoma?

⁴⁷ Sešo Jisu i nalu ge vedaw í danghula, sünda muhumsasa a í lañe idra a gudzudügye,

⁴⁸ Sünda i che, “Dju damje noñiñi yo he muhusa i hutroima, se i nó hutrolawme; seyo dju nó hutroima, se na nó kidaw na je hutrolawbamme, hado chemeje djomko yo imisa yo imisafodama, se ye dyewfobamme.”

Dju maveñisama, na udrašome

⁴⁹ Sündawñe Yohañ i che, “He übrawwa, ñi nūna a ye bañiñi lañe ĝulo mauw í lahuahuw hohudame, sündada ñi í gohame, hado chemeje i ñidra ñisañe bafum makasa.”

⁵⁰ Jisu i ná che, “Í djugohajo dawwe; hado chemeje dju djo mauw madama, na djodra dujome.”

Jerusalem ge jiw

⁵¹ Se í sorgo ge lalyimdrü ñeto kakusalaibi sese, sündawñe i Yarusalem ge jijoñe vye.

⁵² Seyo i ivro ge mukow ki: i Samariya na ñetrü a ge ji, ibó gyojo dashütrüivojoñe.

⁵³ Sé na i magyogadügye, hado chemeje i Yarusalem ge jingkoida.

⁵⁴ Se i hoñe í shürhaw Yakub ñe Yohañ naksü che, “He Tawgyewwa; ba ha tsüda, se i ñi dügye, se i ñedzü go mi gaañe ná damyaweñe ma?”

⁵⁵ Séso i tcholtruñañe na ze, [Seyo che “Ba madanghuwa ba ha ugulo yo ma. Hado chemeje nuna üsaw ye nuna nachi luvyu ye damütrajoñe madaw se í gaksüijjoñe kakuwme.”]

⁵⁶ Sündalye iñe i shürhaw na ñetrü utro ge jitrükralye.

Jisu ufum kasaw chemeje

⁵⁷ Se i gabo jimkoi ge, se djuma a ye í che, “Ba hange hange jiyima, no bafum kasajome.”

⁵⁸ Jisu i í che, “Selü ichi uksu seyo ñedzü go musu nachi üdrü duwme, sé nuna üsaw ichi ükye vejo je ñe ñime.”

⁵⁹ I utro nuna a i che, “Nofum jisawe.” I che, “He Tawgyewwa, nó uvromashü kadügyevzüwe, no awu í guavzujome.”

⁶⁰ I í che, “Dzüdaw na ná nudzoğ dzüw í büğudame, sé ba jiñe Tawgyew ichi ñetrü go shi-ñu trujodawe.”

⁶¹ Utro a ye je che, “He Tawgyewwa, no bafum kasajome; sé uvromashü nó kadügyevzüwe no nochi ñe go nuna na yo mülün kajoñe.”

⁶² Jisu i í che, “Djudamje nudzo ügzü i luksungkuğu ge kiñe fum ge homeje, i Tawgyew i ñetrü ge gyoñiwjome.”

10

Shürhaw mroğü ná kiw

¹ Seyo he ñu nafum sa a Tawgyew i nuna mroğü lapyo, sündaha ha ñetrü ge i jijoma, süge ksü, ksü dañe ivro kibrağitsü.

² Sündaha ná che, “Rhamu kiw aña dume; séso chiğa daw mesame duba sündada vi übraw i küğüwe chejodawe, se i í nudzoğ vi í tcholajo vi nuna kiwe.”

³ Jiwe; howe no djó fugulu vyeduw dañe fumsu namko ge kijome.

⁴ Sündada dzulngasaje djulawe, kapüğa je, seyo shita je; sündaha gabo ge je nuna ná dju je gaga djudawe.

⁵ “Dju ñe ge jihima, uvromashü chevzüwe, ‘He ñe ge güdzüw djuwe chewe.’ ”

⁶ Süge djuma güdzüw pafiwo dumeje, ba güdzüw djüdaw ye üdra dusajome, momeje bachi ge kakutchojome.

⁷ Se ñe ge gyoñe, sündaha ichi go ha paima, se í tsa-tuwe, hado chemeje chiğa daw nuna na ná shishü patsüw; ñetro-ñetro djukahijodawe.

⁸ Seyo ha ñetrü ge jiyima, sügow nuna na hutrovowñe, se bavro a ha vedama se i tsajodabuwe.

⁹ “Sügow sonaw ná dagyojodawe: sündaha ná chewe, ‘Tawgyew í ñetrü ye batrü iñiñisa ge kakudamme.’ ”

¹⁰ Sé ba ha ñetrü ge jimyoima, seyo sügo nuna na bá mahutrovolaime, ná bodzağ ge jeñe ana chewe,

¹¹ “ ‘Djo ñetrü yo ñelümo naje, ñishi ge güdrüsada na, ñi djovro a pafiamkoimme, sedamje he í danghujodawe, Tawgyew i ñetrü djotrü iñiñisa ge kakulaimme.’ ”

¹² No djo trungkoime, se niyay ñeto se ñetrü ye Sodom ñetrü i je mofokaw gijo lyajome.”

Üdrü-ulu mavjegudow ná tui

13 “Tui Kurajiña! Tui Betseda! Dju dyew chiğa dafiw ye djo ge dadama, sese í Sor ñetrüñe sidon ñetrü ge dameje, na ke ge gye güpañe seyo kütsesüpu ge gyoñe na kye ge dru-lu vyeğudoñjemma.

14 Sešo, melye gzuñe cheğiyi sehu bafo vyego yo yeje Sor ñe Sidon naksü vyego ye vyeksufofijome.

15 Seyo Kafarnahum ñetrü, hawa ba soğgo kuw lüvzüw dalyijoma? Ba bó noğu üla ge kuw üla kaajome.”

16 “Dju ba chew dzüima, se i no chew dzüjo, sünda ba dju mauw daima, noje i mauw dajome; seyo dju no mauw daima, se ye no kiadaw i je mauw dajome.”

Shürhaw mroğü na kakuw

17 Se shürhaw mroğü yo ksü na lüshüw yo kakutchoñe che, “He Tawgyewwa, ba üñiñi yo se gulo mauw na je ñichi pudu-puña ulunge pumódame.”

18 I ná che, “No mütü í ñedzü lüğaw veduw ñedzü go gaahu hohuime.”

19 No djó byu na seyo mütü güdzü na dügrüdzagofijo djüwme, seyo vyeñiw nachi go vyew mau dafiwjo ná madafijo pudu-puña djüwme; seyo ha gañ yo je djo naw madafijomme.

20 Sé sünašo cheñe djulüshüwe, se gulo mauw na djo pudu-puña yo pumoda cheñe, sešo djo lüshüjo dawwe se djo ñiñi Ñedzü ge gı vyedotro yo.

Üsaw udru yo uyow í duw

21 Sa yo sa a í gulo güdraw yo dañe lüshüdzoalye, seyo che “He Awa, Ñedzü ñe No i Tawgyewwa, no ba ulu yo uw cheime, se ba he ñu na danghu-kinghuw nüna seyo vyesü-vyelüw na yo müşüñe veda, sünda angasa natrü ge duda. Am, he Tawgyewa, hado chemeje bá he í uw veda.

22 No awu í nó vyow nodru ge traadamme; seyo djuje madanghu se saw ye djujema, awu aka danghuba seyo awu djujema se je dju madanghu, se i ye sawchi gemdo aka seyo se djudru ge saw í dujoñe vyedama.”

23 Seyo í shürhaw nachi ge tchoñe akasa ge che, “Şüvzüwme se iñi ye, se he ñu ná se ba hoiwa hoiye,

24 Hado chemeje no djo chemkoime, şüpo ñihow truw na seyo ñubyu na tsüdaw ye, se ba ha ñu ye hoima howe; sé maho seyo ha ñu ye ba dzüima dzüwe, sé madzühu.”

Samri nüna uw a í zeğaw

25 Sündañe nüna a gudzulyi; sünda ana cheñe í küna daima hopüñew che, “He shotuko-kunu go dadrüwa, shüwa shüw shüjo ibo ha dameje ujowa?”

26 I í che, “Shotuko-kunu ge ha gıda? Ba künda ngüña?”

27 I trutcho, “Ba Tabraw bá nudzoğ Tawgyewchi go vyew nudzoğ drü-lu seyo nudzoğ krâşe seyo nudzoğ budzu vyew se nadra nülvow vyejedawe; seyo nudzoğ gáfopsüği-ğampsüği go ná nülvojo dawwe.”

28 I í che, “Ba umso chedaba, he ana dabya sündame üshü gyojome.”

29 Sé í í nudzo í usu dajoñe veñe Jisu í dzü, “Nameje nochi gáfopsüği-ğampsüği na djuwa?”

30 Jisu i che, “Nüna a ye Yarusalem yo Jeriko ge jimkoi ye ñigudu tsağaw na djeshiğiaña i gye í na shalügülag, sünda gü-shü dañe atrü dzüw datralye katrükralye.

31 Sünda ana da, se gabo ge mügaw a kamkoi, séšo í holye gëaglyeñe djetrükralye.

32 Ana vedumbo Lewi a ye je seşü katcho, ije í holyeñe gëaglye djetrükralyetcho.

33 Séšo djudamje Samari ñetrü a go sa a kakukülye, sünda í hohulyeñe nülvo vyela.

34 Sünda itrüğañ ge jikuñe seyo ichi üshi ge luvuhu seyo tsühu prüñe gyeche-gyelye yo pyogo, seyo í güğedru ge gyodügelyeñe ñe gıyow ge lajıkye sünda í uwyo hoivo.

³⁵ Se draha í lumu yo bosüñ ksü lahuañe se ñebraw i djüñe che, 'I uwyo hoivojodawe, seyo bachi go küña kapyoima, se ye no kakuwñe doajome.' "

³⁶ Hesahelu he ba vyew ge se na ñigudu-tsağaw süna ge lyalahado, nadzüngko a dju ichi ñafopsüği ñampsüği go na ñe veiya,?

³⁷ I che, "Se i dju í nülvodama." Jisu i í che, "Kai, baje kañe süna dajodawe."

Marta ñe Mariyam

³⁸ Sündatcholye Jisuñe i shürhaw na jimkoitchoi ye, se i ñetrü a ge ji, seyo Marta cheñe mim a ye í ñe ge balada.

³⁹ Seyo Mariam cheñe uñum a duw, i Tawgyew ishitrü ge ñyoñe i shi-ñu dzüw.

⁴⁰ Sé Marta chiğa da dañe mavenghua sünda itrü ñisa ge jikuñe che, "He Tawgyewwa, ba haje mavema, noñum í no akasa chiğa daweñe traadaw ye? Sündada í chetcho, nó datunowe."

⁴¹ Tawgyew i í trutcho, "Marta O Marta; ba süpyo ñu ha vejema venglyeñe seyo mavenghu lyaha."

⁴² "Séso ñu a ye umsoma, seyo se chiğa uw í Mariam i golame; se i ichi go malağafijomme."

11

Tawgyew Küğüw í dadrüw

¹ Sündatcholye ahua ye i nolu a ye küğüngkoi. Seyo i se küğüfiahuwñe, ichi shürhaw namko yo a ye í che, "He Tawgyewwa, Yohañ í í shürhaw ná küna veduw küğüdrüdama baje ñi süna veduw küğüdrüwe."

² I í che, "kye damje djo küğümkoime, sese chejodawe:

'He Awa,
Bañiñ güdraw vejome, ba ñadzü kakülyawe.' "

³ " 'Ñichi muhu muhu yo tsajo-tujo í ñi djüijodawe.'

⁴ 'Seyo ñi lalo na muchoaijo dawe,
Hado chemeje ñi je, ñi mauw dado na muchoaijome,
Sünda ñi mauw uw dajo yo ñaksüiwe.' "

Prünggudruwe

⁵ Sünda Jisu í ná che, "Djumko ye üdraw a duw ye djuwa, sünda i ñegimko ge pakülyeñe ichi ge ji í chewe, 'He drawwa; nó odje üka dzü djüwe.

⁶ Hado chemeje, kasew-biñew go draw a ye nochi ge jikuda, sünda ivro ge veijo nochi ge haje ñime.' "

⁷ Sünda i ulung goşü ñu tru, se nó afafsüw djudjüwe; yabó ñegüdrüşü je dugoadammje, sünda nosa ye nodra buğo ge ñüsadame, sündada no bá pakülyeñe haje madjüfijomme.

⁸ No ba trungkoime, se üdraw duñ sese je í pakülyeñe haje madjüfisabamme, sedamje i ñimtchüñ ye tralye prüdo ye í küña tsüdama süña pakülyeñe djüjoşo.

⁹ Sünda no djó cheime; prümeje, djo djüjome; tchümeje djo pajome; dümeje, djobo voaijome.

¹⁰ Hado chemeje dju prüima, ná pajome; sünda dju tchüima, na pajome; seyo dju düima, nabo voaijome.

¹¹ Djomko ye dju ana awu duwa, se üsaw ye odje prüme, se í kunnu djü, seyo sündalye tchü prümeje, se tchü madjüw byu djü?

¹² Semome jeje prülaime, se í mütü güdzü djü?

¹³ Sünda, ba mauyeñe je basa ná gañ uw djüjo danghumeje, se djo ñedzü go Awu, i ichi nudzoğ nüna prüi ná hado ñulo güdraw madjüjowa.

Jisu ñe mütü na go dyewfo

14 Sündatcholye Jisu i ügadow êulo mauw a í lahuatcho; se êulo mauw ye kahuahũne, ügadodo ye ütrũ zekũlye; sũnda nũna na mavenghuatsũ.

15 Sêso namko ye kũña na cheda, “I bó êuló mauw nachi go dyewfow mütũ ichi datunow yo lahuabaiwa.”

16 Utro na í dafidama hojoñe í ñedzũ udru ge hadamge sheweñe cheshew shewe che.

17 Sêso Jisu i, nadrũ-nalũ ge vedaw i danghulyeñe, na che, “Ha ha ñetrũgũfo ge braêidama, se ñetrũgũfo ye mütũajome; sũnda ha ñe ye braêidama, se ñe ye je mũmyajome.

18 Seyo sũnda mütũ ye í nudzo íbo magotchow dame, se ichi ñetrũgũfo kũndañe dujowa? Hado chemeje djo nofo go ana chesoibi, se mütũ i datunow yo se mauw ná lahuabaibi cheñe.

19 Senameje no mütũ i datunow yo êuló mauw ná lahuabaimeje, se djó agũ na dju tunow yo kakũlyebaiya? Sũndada ná djo niyay djũw nũna chejome.

20 Sêso no Tawgyew udruyo yo uêulo mauw na lahuameje, Tawgyew i ñetrũgũfo ye djotrũ ge kakujome.

21 Nũna gow na nachi ñe i êaksũw chiaêi pyogoñe ñe í hokrũimeje, se ichi gañ-miêi na êũdzũw dujo.

22 Seño ije gofotchow na djuma a í tumuvojoñe í dafoahuñe, í se chiaêi na ha ye i veksũdama, sena laêalag seyo ichi gañ-miêi na laêañe habraêiame.

23 Dju nodra ñima se i no mavewme, seyo dju nodra dukyeêiyima se i trabraêiajome.”

Êuló ñiêgzũñ ye ñe tchũw

24 “Nũna usso go ñiêgzũñ êulo kahuahũne nokro ge êyogoyo tchũgijome, sũnda mapawñe i chejome, no ha ñe ye kahua dama se ñe ge kamyotchojome.

25 Sũnda kakuwñe i gũmsa-gũmêañe howsa hohujome.

26 Sũdawñe i idra ye í je mofokow uêulo mauw mro ye idra ye lakujome, sũnda na ilunge kamyoñe sayo sa êyojome, sũnda se nũna ye uvro gow ije mokofow mauw lyajome.”

27 Sese i he ñu i trungkoi ye upumko go mim a ye gow yo che, “Sũvzũwme se uluhu ye hayo sa a ba êyodama seyo se apu ye ha ye ba mütũdama.”

28 I che, “Am; sêso sũvzũwme i, dju Tawgyew i ñu dzũñe i chew dzũima.”

Ñedzũ go ñu prũw

29 Se sũpyo upu kyeêipyo dawñe, i che, “He ñishũ yo nũna na maume; na chishew tchũngudru; se ná Yona i chishew í tralye seyo haje chi mashejome.

30 Yona í kũna veduw Ninwe ñetrũ go chishew vewma, sũnambo nũna üsa ye he ñishũ yo nũna na chishew vedujome.

31 Mũdzavye go nugom niyay djũw se ñetomũdrũ ayo nũna nadra gudzuñe, í datrũwñe chejome, hado chemeje i Suleman i ñu dzũjoñe druguw-drulyiw udza go jikuda, sũnda holabya he ayo he a Suleman ije dyewfo a du.

32 Ninwe go nũna na Niyay djũw ñetomdrũ ye hesalu yo nũna nadra gudzuñe, naso ge truchoaijome; hado chemeje na Yona i ñu tru í dzũñe nadra-nalu muchoagye sũnda howe, age Yona ije dyewfo a dume.”

Ussó go mũtrũ

33 “Dju nũna je bela ge mũtrũ tchũhoñe êumêũ ge seyo ñeshũ ge mavewme, seño mũtrũ ubo ge dzugo vewme hado chemeje nũna jikui na hohujoñe.

34 Baso go mũtrũ ye bañi ye me, sũndada bañi gũdrameje, se basso naje vyow mũsajome; sêso se ye maumeje, basso ge je nukuêujome.

35 Sũndada ufu je ksũ-ũñi je ksũ dañe êyowe, se mũsaw ye baso duwye nukuêuañeme.

³⁶ Sündada baso ye vyow müsazeğiame, seyo se ichi hangeje manukrumeje, se sündame se vyow na müsajome, süna vyeduw ñeto ge dadawa, se mütrü ye ichi lünaw yo djó müsaw djüiwa.”

Mim na seyo Farisi na gohaw

³⁷ Jisu i ñu trungkoi ye, djudamje Farisi a ye i che, se nochi ge jiñe ava tsawe; sünda i ñelu ge djemyoñe ava tsajoñe gyoag.

³⁸ Farisi na basha go na ava matsalu üshi-upo machew í holyeñe mavyenghua.

³⁹ Tawgyew i í che, “O Farisi, ba bekasa seyo bela na udru udru go güdrawsó, séso balung ge vyesbiw seyo mauw vyesumokradama.

⁴⁰ Budzu ñiw nawa, dju ñepsü go vye ye dadama, hawa se i ulung go i madaima?

⁴¹ Am séso, ulung go gañ-miği duw na chi djüajo dawwe, sündameje bábo vyow güdraw lyajome.”

⁴² “Se Farisi nawa, djo tui me! Ba pudina ñe sudab yo, seyo vyow ñomñow shege bağüdo yo ülye gü tronguaña djüsoma, séso Niay i seyo Tawgyew i nülvo í mahutroiwa; tsüwbo tsüda hena je dañgudru seyo sena je tratcho.

⁴³ Farisia nawa, djo druge tui me! Djo ñegru ge nugo buğo uw vye seyo badzağ ge ye djó gaga tsüw.”

⁴⁴ “Djo tui me! Hado chemeje djo se pelyado nuğu vedudame, süge nuna na udru ge dügrüñe kahi, se madanghuw nuğu du cheñe.”

⁴⁵ Sündawñe mükyew a ye í che, “Dadrüwa, he ana cheñe ba ñi tchügoime.”

⁴⁶ Jisu che, “Oi shotuko-kunu dakyew nawa, djoje tui me! Djo ana lojemalofiw gañ me, nuna nadrü ge joşoi séso yabó djo djogzütsü a je madadü.”

⁴⁷ Djo je tui! Djo se ñihow truw na nuğu chiw, dju djo aki-awu na shilyedama.

⁴⁸ Sünda: djo truksüw nuna me, seyo djo aki-awu na dalyedaw yo uw vye; hado chemeje na bó ná shidabi sünda djo ná nuğu í daw.

⁴⁹ Sündada Tawgyew i patsü-sholu je chedame, se no nachi ge ñihow truw seyo shürhaw kiajome, seyo na nağiyo küña na shijojema seyo küña na daşe-damejojema.

⁵⁰ Se i ye küña ñihow truw дума naşü í he druguw-drulyiw í dakülyejobo a fualyedame, vyew na gilyedo ye he ñefo ayo nuna nachi yo lajodawe.

⁵¹ Habil í üşü yo dalalye Jakaria í shiw kuw se psügañe mügañe naksümko ye shiw: no djo umso truime; ichi gido ye he ñefo syo shüdo nuna nachi go lajome.

⁵² Shotuko-kunu dakyew djo tui me! Se djo je patsü-sholu veğiwo bo ladaşome, séso djo djoluvyo makakume, seyo kakujoñe dado na dugo vye.

⁵³ Sündalye i sa yo kahuahuñe, sese shizew-ñuzew nañe seyo Farisi şüpyo ifum kase seyo i dagtso-damrhüñe, ha ha ñu bütruluweñe da, se i şüpyo ñu ufo bütruluweñe

⁵⁴ sünda na i ha ñu chehualaima gyoakrü gyo, se umdzu yo ha damje ñu zetruahuw ye kigolajoñe.

12

Ğivow seyo Farisi na dambo djulyawe

¹ Aña a sese hadzağ-hadzağ dzaw nuna fuguñe, aña ana kuw nağütchü tcheği-lügyeği da, se i uvromashü í shürhaw ná che, “Farisi nago loğaloğe yo üga gyojodawe.

² Vyojo haje dümyoñe maveme, madanghujo haje müşüñe maveme.

³ Sündada ba ha damje nukuğuw ge chedo ye, se i müsaw ge dzühujome; seyo ñeğüñ ulung ge ufu ge ha aşesa yo chedama, se ye ñelütsü udru go yo trujome.”

Iyo gëwe

⁴ “Séso no djo trungkoime, nodraw nawa, dju usso i shifidama se na seyo ha madamñefijomme, ná djuğejo dawwe.

⁵ No djo trumchemjome djo djú ĝejoma, dzüwñe djú chigüje ge lañe djoafima, se í ĝejo dawewe; no djo trupangkoitchoimme, se í ĝejodabuwe.

⁶ Hawa ajolya ksü yo sülyisa pom madrüafima? Sedamje Tawgyew i namko ye a ye je makoŝoa.

⁷ Bakye go vyow ükyetrü duw naje ngümdzo vedame, sündada: djuĝejo dawewe, ba sülyisa na dafowme.

Jisu í matsüñe chewye hama

⁸ “No djo chengkoime djudamje no nüna navro ge nó noŝobiñe danghumeje na je nüna üsaw ye je Tawgyew i sorgomuko uvro ge êŝobijome.

⁹ Séŝo dju nüna navro ge no hopseĝiahima ije Tawgyew í sorgomuko uvro ye hopseĝiajome.”

¹⁰ “Dju nüna üsaw ütüma mauw truima, i datrudaw í muchoaijome. Séŝo dju ĝulo güdraw ütüma mauw trüima, í datruw í mamuchoijomme.”

¹¹ “Nüna na ba mügaw-ñegru seyo mükyew seyo damikyew navro lakuwñe, ba navro ge ha chemeje ujojema seyo küna chejojema se na djuvengüajodawe.

¹² Hado chemeje ĝulo güdraw ba sayo sa a ha chejome zedrújome.”

Nüna nugo a ye veduw

¹³ Seyo upu go nüna a ye í che, “He dadrüwa, noñuw í awu í bo-luko ná noje hawe chejodawe.”

¹⁴ I í che, “Nüna nawa, nó dju niyay djüw seyo baĝüĝiw nüna boña?”

¹⁵ Sünda i í che, “Uw yo ho ĝyodawe, seyo tsaĝa-laĝaw süna yo basü ĝyodawe; hado chemeje nüna na shüw ye dju bo-luko duw yo mashüwme.”

¹⁶ I í zeĝaw a tru, “Tümbum nugo a í no ge rhamu šüpo kakülye.

¹⁷ Sündawñe i ulvyu ge no hadajojemmañe ve, hado chemeje nochi ge bo no dakülyedaw rhamu na vejo buĝo je ñi.

¹⁸ Sünda i che, ‘no ana dajobabi: no nó ñetchü í tashalyeñe dyew dalajo; sünda no rhamu seyo bo-luko na vyow süge vejo;

¹⁹ sünda no ĝulo i chejo, ĝuloa, bachi ge oje šüpo üĝalaw kuw bo-luko vewme; ĝyogowe, tsawe, tuwe seyo lüshüw yo ĝyowe.’

²⁰ Seŝo Tawgyew i í che, ‘Chi madnaghaw nüna! He ñegimdo ñegi a ba lutuw ye lutukyoädügyejomme; sündawñe ba küña dashütrüñe vedama, se ye djuchi lyajowa?’

²¹ Ana je nüna duwme dju nudzo ubo bo-luko dashütrüñe ve, sé i Tawgyew iñigzü ge nugo mo.”

Ha ñu yo je duhu djudajo dawewe

²² Sünda i í shürhaw ná che, “Sündada no djo trungkoime, nudzo shüjo-dujo ubo djuvewe, no ha tsajojemañe; seyo nudzo usso ubo je ha gye-ĝuvo shejojemañe.

²³ Hado chemeje tsaw-tuw í shüw ye, seyo gye-ĝuvo í dyewfo usso yeme.

²⁴ Pülĝam na hojodawe; na zuje mazuw seyo ñetchü ge rhamu je mapaw; sedamje Tawgyew i ná tsakyewŝo. Bá musu na fow go aña dufowme.

²⁵ Djomko ye dju duwa, dju vengaw yo nudzo i shüngkoi ge ganta a ña damje shafijo ye?

²⁶ Sündada ba imisa fo chiĝa ije madafimeje, hado utro ñu ná lañe vemyoñña?

²⁷ Bye go shoba ná hojo dawewe, na kündañe shülyima; na chiĝa je madaw chitra je madaw; sedamje no djo chengkoime, Suleman je í küña übadzü gidama, namko ye ana veduw gañ a je magime.

²⁸ Sündada Tawgyew i no go suso-mütchü namaje yow gye sheida sünda draha ná boti shüw ge joañe, anambo gye-ĝuvo sheñe veihume; Tawgyew ge mesame veksüw nawa, djo kündañe aña masheijowa?

²⁹ Sündá djo ha tsajojema ha tujojema süna ve djuŕyowe, sünda meaje mavemyow djudajodawe.

³⁰ Hado chemeje he druguw-drulyiw ayo go vyow tuŕu-tumo na he ana veduw bostu na tchünggudruwme sünda ba Awu danghudame djo he bostu na šüpo tsüda cheñe.

³¹ Séšo ichi ŕadzü i tchüjodawe, sündameje, he bostu naje pajome.

Bo-luko ná hange dashütrüñe vejowa?

³² “Nüna imisa nawa, djuŕejodawe; hado chemeje ba awu i bá ŕadzü paweñe vedame.

³³ Nudzo ichi fuñ-voñ na draalyeñe tunojodawe; sündalye nudzo ubo ana dalajodawe, ha ye üme malyajoma, sünda soŕgo ge ana bo-luko dashütrülajo dawé ha ye makaajoma, djutrü iñisa ge tsaksutchüw naje majikujo seyo bulu naje mauw madajo.

³⁴ Hado chemeje hange bachi bo-luko duma, badrü-balú he süge dujome.

Dashütrüjo ŕyovojo dawé

³⁵ “Djotsü na pyogo vejo dawé, seyo dju mütrü na dzodügyeje dawé.

³⁶ Sünda djo se kulo na veduw dajo dawé, dju nudzo dadrü í gzü jiw go ke kakujojemañe ŕyokrü ŕyow veduw; i kakuñe ñegüdrüšü düwñe mekutcho djeñe voa.

³⁷ Gaŕüzewe se kulo í, djú dadrüw ye kakuñe madrumuvow hohudama; no djo umso trungkoime, i ütsü ge pyogolañe ava tsajoñe ŕyojo, sünda üñisa jiñe í hoijo.

³⁸ I ñegi ge ülye ksü seyo ülye dzü ñepüñew ge je pakülyew hohumeje, se kulo ye gaŕüzebamme.

³⁹ Djo he i danghujo vejo dawé, ñe übraw ye tsaksutchüw na tsaksuw ke jikujoma se í danghubammeje, i pakülye ŕyojobamme, sünda nudzo ñe ge majimyogyejome.

⁴⁰ Bajé dashütrü ŕyojodawe; hado chemeje ha homoi ye jikujoñe mavew se homoi ge nüna üsaw jikujome.”

Veksüfw kulo djuwa?

⁴¹ Sündawñe Patras i che, “He Tawgyewwa, ba he zeŕaw ye ñi aka bama mow vyow naje truwma.”

⁴² Tawgyew i che, “He veksüw seyo patsü-sholu hokrüw ye djuwa, djuchi dadrüw ye ná tsaw-tuw homai ge djüweñe kulo-kutro boñe ve.

⁴³ Se kulo ye gaŕüzeme, djú í dadrüw ye ana dangkoiye hohudama.

⁴⁴ No djo umso cheime; I í nudzo ichi vyow bo-luko ge zeŕiw vejobamme.

⁴⁵ Séšo se kulo ye ulu ge ana vemeje, no dadrüw ye üŕalaw ge kakujobañe veñe, sünda kulo seyo kulom na güñe seyo tsañe tuñe tukrañe ŕyomeje.

⁴⁶ Se kulo i dadrüw ye ana ñeto a ye, i madanghuw ñeto a ye, i í maŕyokrüngkoi ye, seyo i madanghuw homai ye, kakujo sündañe í sojai djüñe í usu maw ge ngüañe vejo.

⁴⁷ Seyo se kulo dju nudzo dadrüw í véw í danghuñe, seyo madashütrüvoñe seyo í vew kuw ge makasabammeje, šüpo tsalajobamme.

⁴⁸ Séšo dju madanghuñe ŕüw tsalajo chiŕa dadama se ye me tsalajobame, sündada dju añe djüdama, í añe prüjome; seyo dju šüpo boñe vedame, ichigo añe lajome.

ŕüdzüw düšome

⁴⁹ “No druguw-drulyiw ge mi dahow kakülyahume; sünda ha tsüdawa chemeje hesalu mi dzomzoaweñe!

⁵⁰ No baptisma lajome; sünda no malamdolu kuw no küna mauw ñiku-ñisüw ge ŕyojojema!

⁵¹ Ba vedaw ye no he druguw-drulyiw ge ŕüdzüw kakudañe vedama? No ba chengkoime; mome, no dabraŕiahuw kakülyahume.

⁵² Hado chemeje hesalu yo ñe ge nüna pom naŕütchü ge magaŕijome, dzü ye ksü üdra seyo ksü ye dzü üdra.

⁵³ Awu ye saw üdra, seyo saw ye awu üdra mavegijome; añ ye sam üdra seyo sam ye añ üdra, apye ye safu üdra, seyo safu apye üdra mavegijome.”

Ümdrü í hosüw

⁵⁴ Sündá i upu naje che, “Mumu íje druguw go kalyiw hohumeje, djeañe ñedzü şüjo chew; sünda süna dabaibi.

⁵⁵ Sündá müdza gow ñedzü lyiw hohuñe cheibi, ñedzü şüw lyijome, sünda süna dabyo-dağyotcho.

⁵⁶ Loğa-loğe nüna nawa, djo ñedzüñe no naksü í utroñe danghudameje, hado he şüw-duw ubo kündañe madanghufia?”

Nudzó ñu duw ná chebruawe

⁵⁷ “Ba hesalu ba nudzo yo hado ñu mavelafia?

⁵⁸ Ba bá fodaw nüna üdra mukow ichi ge jingko ye, gabo ge ñu chegüdrajo dawé, momeje ba í mukow ichi ge şüñe lajikyeñeme, sünda mukow i bá shipashi nagzü ge djüñe seyo shipashi na bá pache ge şüñeme.

⁵⁹ No djo trungkoime, ba ajolya ajolya dañe magimdzoalu kuw, ba makahuafijome.”

13

Vegudolawe mome mütrajobamme

¹ Nüna üchea sayo sa a djeku, seyo Jisu í Galiliyo nabo go ñu dzüngkoi, djuşü í Pilatus i í kügüw ge djüasadamma.

² He í dzühuñe Jisu i na che, “Djo ana veima, he Galili na utro Galili ná lalofuñe, hado chemeje nadru ge ana veduw ñiku-ñisüw djüda che?

³ No djo trungkoime, mowme; séšo djo djüdrü djolu mavetülümeje djo vyow he ñom yo mütratsüjobamme.

⁴ Mow djo ana vedama, Shilom ge nüna gütrü şügzü djüdrü ge post gaañe trüalyañe dzüdama: na vyow Yarusalem ge küña tuğu-tumo şütsüdama ná lalofoma?

⁵ No djo trungkoime, mowme; séšo djo djüdrü djolu mavetülümeje djo vyow he ñom yo mütratsüjobamme.”

Lufuje üyañ üje majew

⁶ Sündá i he zegaw ije tru, “Djuchidamje anggur vi ge lufuje üyañ a zuñe veda: i sayo sa a sheje thcüw jikuda, sé í mapa.

⁷ Sündá i vi gýokrüw nüna i che, ‘Howe oje dzü gomdo no he lufuje üyañ go sheje tchüw jikungudru, sé keje mapa, he í chepyojo dawé, i hado no í gýokrügejowa?’

⁸ I í ana che, dadrüwa, í oje a kuw gýokrüluwe; no üdza üdza ge no chiguğuañe nobi sujome.

⁹ Sündañe, drawha ge sheje jelaimeje uw; se molaimaje chepyojo daşobe.”

Mim utsubo kuw í dagyow

¹⁰ Gýogow ñeto sehu Jisu kügüw ñegru a ye truñe gýoda.

¹¹ Süge mim a du, dju oje gütrü şügzügomdo ksuw kaw mütü a kamyoda, sünda i utsubo kuw lyada, sünda i keje gudow magudzufiwbi.

¹² Jisu i hohuñe balayeñe, che, “O mimya, ba bá hamalyiw yo kahuajemme.”

¹³ Sündá i ügzü í udru ge ve, sünda i djeañe gudow lyajebi, sünda Tawgyew í trokülyejebi.

¹⁴ Hado chemeje Jisu i gýogow ñeto sehu dagyoda, mügaw na seyo nugobraw na nüna na che, “Ñegi ghe duw me, sa yo sa chiğa dajo dawé, seyo se ñeto ye jikuñe dagyojo dabuwe; séšo Sabat ñeto ge djudawe.”

¹⁵ He í dzühulye Tawgyew i che, “Loğa-loğe nüna nawa, gýogow ñeto sehu djo djó nudzo fulhu seyo giğá na ñe tashalyeñe hu tuw lañe majikewma?”

16 Seyo ha ye madafijo cheña, he mim Abraham üsam djuso ge oje êütrü êügzügomdo mütü ye pyogodama, se í êyogow ñeto ye vogodaw i kihujajo?”

17 Ná he ñu na chewñe, í ubo mauw dai na ñimtchüñ lyatsü, seyo vyow upu na se uw chiğa dadaw ubo lüshütsü.

Pemdu üsü seyo pa í shipyew

18 Sünda Jisu í chetcho, “Tawgyew í êadzü dju veduda? Seyo no í ha shipyew üdra djüsejowa?”

19 I pemdu üsü a veduwbame, djú nüna na lañe ná vi ge trawma; sünda i shülyiñe shoñ lya; sünda ñedzü go musu na ufotsa ge guñe êyow.”

20 I sünda chetcho, “No Tawgyew í êadzü í dju vedu dañe vejowa?”

21 I pa vedudame, djú mim a ye lañe oje ulumo tola dzü ge gülüşügia, sünda ñu-ñuñe oje ulumo ye pa lya.”

Ñegüdrüshü imisa

22 I ñetrü-ñetrü jiñe dadrüshü Yarusalem ge ji.

23 Sünda djudamje a í che, “He Tawgyewa, nüna mesame basüafijobama?” I í che,

24 “Ñegüdrüshü imisa yo jimyojodawe, hado chemeje no djo trungkoime, êüpo nüna na jimyojoñe dajome, se majimyojime.

25 Ñe ubrow gudzulyiñe ñegüdrüshü dugoahuñe, seyo ba ñepsü ge gudzuñe ñegüdrüshü düñe che, ‘He Tawgyewwa, nobo vojodawe,’ sünda í sügow no ba madanghume, ha hanggowa?”

26 Südawñe ba chejo, ‘No ba how ge tsa-tuw sünda ba ñi bodzaê ge dadrüda.’

27 Séso i chejo, no djo chengkoime, ‘No madanghume djo hanggoma. Mütü chiğa daw nüna nawa, djo vyow no yo üga êyodawe.’

28 Süge ksew seyo utu trashügrüjome, ba Abraham, Isahak seyo Yakub seyo vyow ñihow truw ná Tawgyew ge êadzü ge êyodaw hohuñe nudzo í ñepsü kahuahuw hohujome.

29 Sünda druguw seyo drulyiw; tchüsa seyo müdza go nüna na jikuñe Tawgyew i ñetrüêüfo ge dusejome.

30 He i danghulajo dawe, küña ná fum ge дума, na uvro ge dujome, seyo küña na uvro ge дума, na fum ge dujome.”

Herod i vyeñiw na

31 Sa yo sa küña Farisi na jikuñe í chejea, “Ayogo kahuañe kajo dawe; hado chemeje Herodes í ba shijoñe vedame.”

32 I ná che, “Kañe se êelü í trujodawe, howe, no yow je seyo draha je uêulo na lahuañe seyo usso naw na dagyojolome, sünda ñegi dzü ye no chiğa damdzoajome.

33 Sedamje no yow, draha seyo pülha kuw jijome, hado chemeje dju ñihow truw na Yarusalem í ñepsü ge madzüfijome.

Yarusalem ubo duhu

34 “He Yarusalem! He Yarusalem! Ba se ñihow truw ná shiye, seyo bachi ge dju kiima ná kunu yo trümoahiye; no ana veduw küña tsüda, joñi i üsa ná utupro ulung ge küna tchelaima, sünambo noje basa ná lakeyêgijajoñe daw, sé ba he í matsü.

35 Howe, bañe babo kabra-kasaêijjome, sünda no djo chengkoime; ba ‘Ná üdrü-ulu yo uw cheime, se nüna ye gaêüzü dume dju Tawgyew iñiñi yo lañe kakuima,’ machemdolu ba nó keje mahohujome.”

¹ Sündá í g̃yogow ñeto sehu djudamje Farisi nágo nugo a i ñe ge odje tsaw ji: sündá ná í usu yo hopasa.

² Süge í veduw muhu a du, dju usso dalfuñe nada.

³ Jisu í Farisi seyo shotuko-kunu damivro ná che, “g̃yogow ñeto ge dagyomeje ujo ma mow ma?”

⁴ Sé na madañda g̃yo. Sündawñe Jisu i í ügzü kiñe dagyo, sündá kadügye. Sündá i í ügzü kidüñe dagyo, sündá kadügye.

⁵ Sündá i ná che, “Djongko ye dju duwa, djusa seyo fulhu ye kalü ulung ge gamyoa sündá g̃yogow ñeto ye kutcho malahuajo.”

⁶ Sé ná he ñu ge haje machefibi.

Tumowna ná hovow

⁷ I hobanda, tumona baladaw na uw uw bug̃o tsatchüñe lai sündá í se ná hoñe zeğaw ze,

⁸ “Djuma djo g̃ü ge balai ye, bug̃o dyew tsatchüñe dju g̃yoyodawe, asha baje dyewfo tumona baw je dufijome.

⁹ Sündá dju ije seyo baje badama, bá jikuñe ana chemeje, ‘Í bug̃o djüjo dawé,’ sündawñe ba ñimtchüñ lyañe ülafo bug̃o ge g̃yow dujobamme.

¹⁰ Sé bá bawñe, ülafo bug̃o ge jiñe g̃yojo dawé, bá badaw nuna ye jikuwñe, bá ana che ‘Drawa, uvro ge kalyiñe g̃yoa,’ sündawñe badra a g̃yosadaw navro ge udru kalyijome.

¹¹ Hado chemeje dju nudzo yo dyew dalaima, se ye imisa lyajome; seyo dju nudzó í imisa dalaima, se ye dyew lyajome.”

Dakülyew

¹² Sündawñe Jisu i í baladaw naje che, “Djo ñeto ge damje ñegi ge damje ava tsaw ge, nudzo draw, ayo-ñuw, ñeşü seyo nugo na djubajodawe, ana dañeme, naje djo balañe dağüñeme.

¹³ Sé ba ava tsakelai ge sapse, hamalyiw, üshilyew seyo iñiğew ná bajo dawé.

¹⁴ Sündawñe ba gağüzebamme, hado chemeje nachi ge djó djüjo haje ñiwme, séşo djó ná güdraw yo üshükülyejo go küğüijome.”

Tsaw-tuw dyew go shipyew

¹⁵ Üdra ava tsasangkoi go nuna a ye he ñu ná dzühulyeñe che, “Gağüze nadra dujome, dju Tawgyew í g̃adzü ge odje tsaima.”

¹⁶ Ná i che, “Djudamje nuna a ye ava dyew tsakeñe seyo sündá şüpo ná ba.

¹⁷ Tsaw-tuw dafihuñe, i í kulo ná tumona baladaw ná cheñe ki, ‘Age djebe; tsaw-tuw dafiadamme.’

¹⁸ Sé vyow na chetsü, ‘uvro go ye í che, no vi a prülawme, sündá no se í hojo dume; no ba chengkoime, no maf daijo dawé.’

¹⁹ Utro a ye che, ‘No fulhu fulshi pom lawme, sündá no he na dañe how jingkoime; no ba chengkoime, no maf daijo dawé.’

²⁰ Sündá a ye che, ‘No gzü dawme, sündá no majikufijome.’

²¹ Se kulo ye jekuñe i ñe ubraw í he ñu ná trutsü. Sündawñe se ñe ubraw ye lusuvyulalye í kulo í che, ‘ñetrü go bozağ seyo g̃abo ge kutcho jeñe sapse, kiği, üshilyew seyo iñiğew ná age lañe kakuwe.’

²² Kulo ye che, ‘O ubrawa, ba küna chedama, süna damme; sé yaje bug̃o ufo dulumme.’

²³ Übraw ye kulo í che, ‘G̃abo ge seyo füta duw ge djeñe nuna ná künadamje lañe kakujodawe sündameje noñe gujome.’

²⁴ Hado chemeje no djó trungkoime, se tumona badaw ná no tsaw-tuw í tsapüñeje matsapüñejome.”

Dju Jisu í kulo lyafijowa?

²⁵ Sündá upu na ufum kasawñe, sündá Jisu i fum ge tchoñe ná che.

²⁶ “Djudamje nochi ge jikuñe, seyo nudzo awu, añ, ufum, agü, ñu seyo ñum seyo nudzo shüw-duw naje mahosübammeje, í no shürhaw mowme;

²⁷ Seyo dju nudzo shokru íje magilama; sündá nofum makameje; se je no shürhaw madafijome.”

²⁸ “Djomko ye dju post dzuñoñdama, seyo uvromsahü bo küña kajoma, damdzojo kuw nochi ge duşoma ñima mahow?

²⁹ Ana dawñe, i shobo dzugoñe ñekru makrufiwñe, sündawñe hovow nüna na vyow í tchüñojoşo,

³⁰ ‘He nüna ye damyowbo damyodaşowa, sé madamdzofiwa?’

³¹ Mo dju ñubyu duwa, utro ñubyu nadra tumo daw jiw, sündá uvromashü gyoñe mavemchevzúme, se hadza büsha kulo lañe nodrü ge tujovodawyé no hadza gü lañe üdra dañufijoşoma mo mowma?

³² Mowmeje üga gyodamje, mukow kiñe ñu güdzüagyefijo.

³³ Ana veduw djo nudzo ichi küña дума ná nobo matrafimeje, se ye no shürhaw malyafijome.

Tsamtsalyow gu

³⁴ “Gu bo udame, sé gu tsamgüw lyameje, se í ha yo gu lüw dajowa.

³⁵ Se ye no ubo je seyo nobi ubo je chiğa ge makakujomme: se í nüna na ñepsü ge joajohubamme. Djuchi ge dzüjo ufu дума dzülasajodawe.”

15

Fugulu moahuw i shipyew

¹ Vyow patso-law na seyo lalo ubraw ná ichi ge dzüw jikuw.

² Seyo Farisi na seyo shizew-ñuzew na dubyoğunguñe che, “I bó lalo ubraw ná tüvañe seyo nadra ava je tsasai.”

³ Sündawñe i ná he zeğaw í tru:

⁴ “Djongko ye djuwa djuchi fugulu fuğua дума, sündá namko sa a moahuñe se sütü gütü sütü ná nodo ge tralye, se a moadaw í matchülalu kuw tchü gyo?

⁵ Sündá tchülawñe, i şüpo lüshüw upostu ge trütalañe ka.

⁶ Sündá ñe ge kakuñe draw seyo ñeşü na bakeğiañe che, ‘Nodra lüshüsawe, hado chemeje nochi fugulu moadaw ye tchüladamme.’

⁷ No djo truime; ana veduw ñedzü ge je lalo a dju vyegudoladama ubo lüshüjome, küñambo sütügütü sütü nüna güdraw dju ulu mavegudojo дума nabo madama.

Bosüñ moahuw i shipyew

⁸ “Ana mim dju dujowa, djuchi ge bosüñ gu duw, sündá namko ye bosüñ a moadabi; sündawñe i matchü uw mütrü tchühoñe seyo ñe na süñe, dju uw yo matchüjowa?

⁹ Sündá tchülawñe, i üdram na seyo ñeşü ná balañe che, nodra lüshü-lübasawe nochi bosüñ moadaw ye tchüladamme.

¹⁰ No djo truime; ana veduw, lalo nüna a í ulu vyegudolaw ge Tawgyew í sorgomuko ná ana lüshüjome.”

Saw tsağudroahuw i shipyew

¹¹ Sündá Jisu i che, “Nüna a ichi saw ksü duw.

¹² Naksümko ye kiğiw ye uyow í che ‘Awa, nobo go bo-luko duw ye, no djüjo dawe.’ I í ichi bo-luko na hağiağ.

¹³ Sündá ñegi añe makulu fum ye üsaw kiğiw ye vyow dashütrü lalyeñe ñetrü üga a ge katrükralye, sündá süge bo-luko duw na vyow tsağudroamdzoag.

¹⁴ I vyow damdzoahuñe, se ñetrü ge nokrow kaku, sündá i usso ufobüla lya.

¹⁵ Sündá i se ñetrü go nûna a ichi ji, se nûna ye í í vi ge vo na ava gyew ki.

¹⁶ Sündá i ve uluhu í gudugyejoñe se votsa pago go vo na tsa; hado chemeje í djuje haje madjü.

¹⁷ Í vepalawñe, sündá che, ‘No awu ichi küña vi daw ná tsaw-tuw aña paw, seyo no age luhuñüw yo dzüangkoibi.

¹⁸ No gudzulyiñe no awu ichi kañe í chejo, awa no ñedzüñe ba how ge lalo datroadañomme.

¹⁹ No basaw chejo haje matramme, no ba vi daw a veduw vejodawe.’ ”

Saw tsağudroahuw í kakutchow

²⁰ “Sündá i gudzulyiñe, i awu ichi ge ji: uğa gudzudalu sa a uyow i í hoñe nülvo veag, sündá gyojeñe í krumogo lag, seyo şüpo chuma tsa.

²¹ Üsaw ye í che, ‘Awa, no ñedzü í hovow seyo ba how ye lalo dadamme; sündá hesalu basaw chejo go ñimme.’

²² Sé uyow i í kulo ná che, ‘Kutcho shedra uw yo je uw lañe í sheijodawe, sündá ügzütsü ge gütsülye lyeijo daw, seyo ishi ge shita duijo daw,

²³ Sündá rhano a dajo daw, sündá me ñi tsa-tuñe lüshüfijobi.

²⁴ Hado chemeje nosaw ye dzüwmme, sündá üshükülyedamme: moahumme, hesalu tchülatchodamme.’ Sündá í lüshü-lübaw da.”

Saw nugow i shipyew

²⁵ “Sé üsaw nugow ye vi ge du. Sündá í kañe ñe kakulai ye, i nuğuw dagruw seyo ñuksu daw dzühu.

²⁶ Sündá i kulo a í balañe dzü, ‘He ha dangkoiya?’

²⁷ I í che, ‘Ba ñuw kakudamme, sündá ba awu i tsa-tuw dyew vedame, hado chemeje i í nûna uw hohuda.’ ”

²⁸ “Saw nugow ye he í dzühulyeñe i lusuvyumfoag seyo ñe ulung makamyogõñ lyag: sêso uyow i ñepse ge jihuañe í nü.

²⁹ I uyo i che, ‘Howe; no aña ojegomdo bá ġaksüñe ġyow, sündá ba chew keje madzugaahuw, nodraw nadra lüshü-lübaw dajo, ba no yow kuw küñusa üsa adamje madjülu.

³⁰ Sêso he basaw ye ba bo-luko ná utroñiw mim nadru ge djoañe kakuwñe, ba ubo aña dyew tsaw-tuw dañe gyew.’

³¹ I í che, ‘Sawwa, ba şüwduw nodra dusaw; seyo nochi ha дума se vyow bachibamme.

³² Sêso hesalu lüshü-lübajodume hado chemeje he ba ñuw ye dzüñe üshükülyetchodabi; moadabi, se hesalu tchülatchodabi.’ ”

16

Budzu duw nûna

¹ Sündá Jisu je í şürhaw ná che, “Nugo a ichi ge hokrüğiw a duwme, sündá nûna na i howye se hokrüw í i bo-luko ná tsağudroahime cheñe usso ge trutchoañe ve.

² Sündá nugo ye í balañe che, ‘He hawa no babo go ñu dzühuiye? Ba hokrüšo cheñe shewe; momeje ba hokrüğiw ge mağyofijome.’

³ Sündawñe hokrüğiw ye vemchepüñe, ‘Hesalu no hadajobya? Hado chemeje no übraw ye hokrüğiw go no lahuangkoibi: noje no machifi; seyo no tsatuğujoje şüpo ñimtchüñ vei.

⁴ No danghudaba no ha dajoma: nó hokrüğiw go lahuahuwñe nûna na nó nañe ge lajo.’

⁵ Sündá i übraw i chi gudzüdaw ná a a balañe dzüpüñe, no ubraw ichi ge ba küña dojo duwa?

⁶ I che, ‘Fuğua tsow psüw tel du,’ sündá i í che, ba kutcho ġyoañe kako ge pomğü ġijo daw.

⁷ Sündá i utro a í dzütcho, ‘Bachi küña dojo duwa?’ I che, ‘Pu ulumo fuğa tsow dume,’ sündawñe i í che, ‘Bá kako lañe sügzüğü ğijo dawe.’ ”

⁸ “Übraw ye se machiñiw hokrüğüw í tro, hado chemeje i budzu yo chiğa dadabi; hado chemeje he druguw-drulyiw go nuna na ná ñeto go nuna nadra chiğa dasaw ge, müsaw go nuna ná fow budzu du.

⁹ Sündá no djo cheime, mauw go bo yo ba nudzo ubo üdra dalajo dawe; hado chemeje i kaahuñe, bá na shüwa-shüw lüshüw ge lamyosajo.

¹⁰ Dju imisa yo je imisa ge usuima, ná aña ge je usujobamme: seyo dju imisa yo je imisa ge usu mowma: se na aña ge je usu mojome.

¹¹ Sündáda ba he druguw-drulyiw ayo bo-luko ge usu mowbammeje, bo umso dju djüjowa?

¹² Sündá ba tuğuda-ğuvodzü i bo-luko ge je usu mowbammeje, ha ye bachi ma, se í dju djüjowa?”

¹³ “Dju kulo ye je übraw ksü í mağaksüfijome hado chemeje i a í mahoğon dajo seyo a í nülvo dajome; mome a udra gaağijo seyo a üdra magagijo: ba Tawgyewñe bo-luko naksü í mağaksüfijome.”

Tawgyew í gadzü i go

¹⁴ Farisi na, dju tsağotüdama, he na dzühulyeñe Jisu í maw-uw zekülye.

¹⁵ I ná che, “Djobó nuna na how ge uw dañe she, séso Tawgyew í djodru djolu ná danghuwme, hado chemeje ha gañ ye nunan na how ge dyew dama, se ye Tawgyew i iñigzü ge imisame.”

¹⁶ Yohañ í kakuw kuw, shotuko-kunu seyo ñihow truw naje ná chiğa daw. Sehu ñetogomdo Tawgyew i ñetrüğüfo go shi-ñu truñe kaw, sündá vyow nuna na süna datsü.

¹⁷ Ñedzüñe no naksü í kabrağiahu ye shotuko ütra a yo lyajobame.

¹⁸ “Dju nudzo ufum udra brağilyeñe utro nadra gzü daima, se na lalo dawme, seyo dju brağiñe ğyodaw mim í gzü daima se ye lalo dawme.

Nugo nunañe sapse Lajar

¹⁹ “Nugo nuna a duw dju djüw rong seyo gye uw shewma, seyo shüwa-duwa lüshü-lübaw dañe ğyonggudruw.

²⁰ Sündá Lajar iñiñ yo sapse seyo tsadu yo guñe í molgi ütrü toi tralye.

²¹ Sündá í vew, nugo í tsamyew djoadaw yo uluhu í tsaşelajo; momeje şulyo na je í tsadu í kañe tsalowba.

²² Sündá se sapse ye dzütrükralye, sündá sorgomuko na í Abraham ichi laku. Seyo nugo ye je dzüdañe zuadabi,

²³ Sündá noğu üşü ge şüpo naw yo iñi voañe üğa go hobanda, Lajar í Abraham í udru ge ğgyodaw hohu.

²⁴ Sündá i ğuksuñe che, ‘He Awa Abrahamya, no nülvo veñe, Lajar í kiñe, ügzütsü üdza ge hu pagzüñe nozelbüla í ngüadügyejo dawe, hado chemeje no he mi ulbu dzongkoige dzahiimme.’

²⁵ Séso Abraham i che, ‘Sawwa vehujodawe, ba bá shülye ge gye-ğuvo uw shehulyewme, sünambo Lajar i gye-ğuvo mauw, seşo i hesalu age güdzüw pangkoimme, sündá ba namoahibi.

²⁶ Sündá he ñu na traañe no seyo ba, ñiksüngko ye ğo dyam a dzühadame, ago dju bachi ge jilağon dama, na majilafijomme, seyo sügo dju age nochi ge jikuğonđama na majikufijomme.’

²⁷ Lajar i che, ‘He awa, no ba chengkoime, ba no awu iñe ge kiyajo dawe,

²⁸ Hado chemeje no ñu pom duwlume, i na hovrow ge he ñu na trume ujome, mowmeje na he anambo ñiku-ñisüw no ge kakuñeme.’

²⁹ Abraham i í che, ‘Nachi ge Musa seyo ñihow truw ná kako duwbase, na se í chew bündzúda.’

³⁰ I che, ‘Awu Abrahamya, mowme; nuna dzüw a nachi ge jikülyameje, na nadrü-nalu vyegudoğijome.’

³¹ I í che, ‘Na Musa seyo ñihow truw na chew maje madzübi se í, nuna dzüw namko yo djudam üshükülyeñe jiadamje, na madzüjomme.’ ”

17

Zehaw

¹ Sündá Jisu i í shürhaw ná che, “He ye umsöme ha ñu ye lalo yo ma, se ye kakujome, séso se nuna í lalome dju yo kakuima.

² Dju he ġato kunu namko ye djudamje a í dügaima, ibo shedra psüm yo udum ge pyogolyeñe, huġi ge djoahuye ufojobamme.

³ Vemcheñe ġyojodawe; bañuw datrulaimaje, zehajodawe, seyo vepalaimeje í muchoaijo dawe.

⁴ Í ahua ye ülye mro datrudamje bachi ge ülye mro jikuñe che, no datrudašomme, sündawñe ba í datrudaw í muchoaijo dawe.”

Bá veksüw küña dyewda?

⁵ Sündawñe í shürhaw na Tawgyew i che, “Ñí veksüw í damñeijo dawe.”

⁶ Prabu i che, “Bachi ge pemdu üsü ütñaña kuwdamje veksüw dumeje, ba he kumtchü iyañ í ükrügomdo taprülañe huġi ge shüwe chejo, sündameje i ba chew dzüjo.

Chiñiw kulo

⁷ “Sé djomko ye ana dju chejowa, dju kulo ye no chi momeje fugulu ná saw, sündá i vi go kakuwñe, sündá í che, ‘Kutcho age jeñe ġyoñe ava tsabe?’

⁸ Haña i ná machejoma, no ava dashütrübe: no tsangko tungkolui kuw toi bašümpe í kidzagolalyeñe no hoiwe; sündá se fum ye baje tsa-tuwe.

⁹ Haña i se kulo í ulu yo vejoma, hado chemej i í dügyedaw chiġa í aka dabada?

¹⁰ Anambo ba je, se vyow chiġa dügyedaw ná damdzoahuñe, baje chewe, ‘Ñi machiñiw kulome; ñi ha dasajo дума se í aka dabadame.’ ”

Tabüñ naw a í nülvo

¹¹ Sündá ana da, Jisu Yarusalem jiw ge Samariañe Galili ñetrü yo jipseañe ji.

¹² Sündá ñetrü a ge jimyongkoi ge í südzüm ġü ġoġo nadaw na tüva, dju na üġa gudzudama.

¹³ Sündá i üġa ge gudzüñe, gó yo che, “He Jisu, he dadrüwa, no nülvojo dawe!”

¹⁴ Jisu i í hoñe che, “Jebe; sündá bá nudzo í mügaw ná shejo dawe.” Seyo kabyo-kaġyowñe güdrajebi.

¹⁵ Sündawñe namko yo a ye hoñe dagyolagdabi, gow yo Tawgyew í troñe katrükralye.

¹⁶ Seyo Jisu ishitrüge gaañe ukrumro yo ishi ge drüñe, ulvyu yo uw che; sündá í nuna uw.

¹⁷ He íbo Jisu i che, “Haña na ġü güdraw malyama, nameje se sütü ye hanga?

¹⁸ Haña he tuġuda-ġuvodzü í tralyeñe dju ñimma Tawgyew í trojo?”

¹⁹ Sündawñe i í che, “Gudzuñe kabi; ba veksüw ye bá dagyodamme.”

Tawgyew í ġadzü kakülyahuw

²⁰ Farisi namko yo a í Tawgyew í ġadzü ke kakülyajowa che dzüñe, Jisu ná che, “Tawgyew í ġadzü ana holaw dañe makakülyajome.”

²¹ Sündá nuna naje ana machejome, age howe, age dume, süge dume. Hado chemeje, Tawgyew í ġadzü djumko ye dume.

²² Sündawñe i shürhaw ná che, “Sé ñeto je kakujome, hai ba nuna üsaw í hoġoñiw dzüajo, sé mahohujome.

²³ Nüna na ba chejome, 'Howe, süge dume!' Mome 'Howe age dume!' Séšo ba djujejo dawé sünda nafum je djudajo dawé.

²⁴ Hado chemeje ñedzü-lûgaw ye ñedzü üdza a yo utro üdza ge kuw müsakumbo, nüna üsaw ye je í ñeto kuwñe kakülyejošome.

²⁵ Séšo uvromashü i šüpo ñiku-ñisüw gilajome, seyo he shülyiw yo nüna na í matsüñe chejome.

²⁶ Nuha i ñeto ge küna dadama, sünambo nüna üsaw i ñeto ge je dajome.

²⁷ Nuha i lü ulung ge magyomyolu kuw, nüna na tsa-tu gyo, seyo namko ye gzü dañe gyo; sündawñe hulüşü kaküñe vyow mauw damdzoa.

²⁸ Seyo Lut i ñeto ge dambo veduw, nüna tsa-tuñe bumdzu dañiw, shobro zuñe seo ñe daw.

²⁹ Séšo ha ñeto Lut í Sodom ge kadama, sehu ñeto ñedzü go mi seyo ecid šükülyañe vyow mauw damdzoag.

³⁰ Nüna üsaw í kakülyahu ge je ana dajobamme."

³¹ "Sehu ñeto, dju ñelütsü ge duma; seyo na gañ ñe ulung ge du, na se na law ulung ge djukamyowe, sünda sünambo dju vi ge duma na fum ge djukawe.

³² Lut ufum í vehujodawe!

³³ Dju nudzo í gaksüjoñe veima na mağaksüfijome, seyo dju nudzo shüw í mağaksüfima na basüjome.

³⁴ No djo trungkoime, se ñegi nüna ksü bugo a ye üša dujome, a í latrayemjomme, seyo utro a í traalyjome.

³⁵ Mim ksü ye gato üša gújome, a í latrayejo, a í traayejome.

³⁶ [Nüna ksü vi ge dujome, a í latrayejo seyo a í traayejome.]"

³⁷ He ná dzühuyeñe na í dzü, "He Tawgyewwa he na hai dajowa?" I ná che, "Hai ñimo duma, süge kurkukiñ dujome."

18

Müjemñe mauw zevow

¹ Sünda Jisu i ná he ubo go zeğaw a trulyeñe udrü-ulu magaada, mamuduw kügüweñe che:

² "Hange damje ñetrü a ye mukow a gýow; dju Tawgyew ije mağew seyo nüna nabo je mavew.

³ Sünda se ñetrü ye müjem je a gýow: dju ichi ge jikunggudruñe í chenggudru, 'No insaf djüiyeñe nobo gaksüiijodawe.'

⁴ I üğaluw kuw madzü séšo fum ye ulu ge vepüñeñe che, 'No Tawgyew ije mağew, seyo nüna nabo je mavetunow;

⁵ Sedamje he müjem ye no matraa, sündada ubo insaf djüijo, mowmeje i nochi ge jikunggudruñe no güdzüw mağodügyejo.' "

⁶ Tawgyew i che, "Dzüwe, he mağüdraw mukow ye ha cheima?"

⁷ Nameje: haña Tawgyew i í nüna basü ladaw ná mamutchoaijoma, dju ñegiw-ñetow í kügüñe gýowma; seyo i ná üğaluw vejoma?"

⁸ No djo chengkoime, i mekutcho ná mutchoijome; sé nüna üsaw kakülyahuñe, i he druguw-drulyiw í umso vefijosoma?"

Dju güdrawñe chejowa?

⁹ Seyo Jisu i shürhaw na dju nudzo í güdrawñe veksüw veima, sünda utro na mauw daima ná ana zeğaw che:

¹⁰ "Nüna ksü ñegru ge kügüw ji; a ye Farisi seyo a ye patso-law nüna.

¹¹ Farisi i gudzülyiñe udrü-ulu ge ana kügü, 'He Tawgyewwa no ba ulu yo uw cheime, no utro nüna na dambo tsaksu-laksuw, mütü chiğa daw, seyo mim gubuw, seyo he patso-law na dambo nüna mowme.'

12 No sopta ye ülye ksü tsaw-tuw matsaw ġyowme, seyo no bo-luko dalaw gow üchea je djüwme.”

13 “Séšo patso-law nüna ye üġa gow gudzuñe, ñedzü ge je iñi maholyi dá i ülüjetchü ge ġüñe che, ‘He Tawgyewwa, he lalobraw no nülvojjo dawel!’

14 No djo cheime, i ufum yo mowme; séšo he nüna ye ġüdrañe ñe ge kajeme; hado chemeje dju nudzo í dyewñe veima, i imisa lyajome; seyo dju nudzo í imisañe veima, i dyew lyajome.”

Tawgyew í ġadzü anagasa na vedumbo

15 Sünda nüna na na sa naje ichi ge lañe jikeñe nagzü Jisu udru ge vefijoñe; sünda shürhaw na hohuñe ná goha.

16 Jisu i angasa ná ichi ge balañe che, “Angasa ná nochi ge jigyejo dawel, seyo ná djugohajo dawel: hado chemeje Tawgyew í ġadzü he nambo nabome.

17 No djo umso truime, dju Tawgyew í ġadzü í angasa na dambo malama, ná keje süge majimyofijome.”

Nugo nüna a Jisu í ñu dzü

18 Djudamje dümbraw a ye í dzü, “He uw übrowa, no shüwa-shüw shüjo ye küna dameje ujowa?”

19 Jisu i í che, “Ba nó hado uw chewwa? Djuje uw mowme, nüna a akasa uwbame, se ye Tawgyewme.

20 Ba shotuko-kunu í bo danghušo: ‘Mim dju ġubuwe, djushiwe, djutsakšuwe, mülaw-mütraw djutruwe, nudzo awuñe nudzo añ naksü í chew dzüwe.’ ”

21 I che, “Nobo he ná vyew angasa ulvyu ladañe vewbame.”

22 He í dzüwe, “Jisu i ná che, bachi ge yaje ñu a ñilumme, bachi vyew ha duma ná draatsülyeñe sapse ná hatsüwe; sünda bá ñedzü ge luko pajome, sünda kakuñe nofum kasajo dawel.”

23 He í dzühulyeñe i süpo duhu da, hado chemeje i süpo nugo.

24 Jisu i í holyeñe che, “Bo-luko duw na Tawgyew ichi ġadzü ge süpo ataġa yo kamyofijobame.

25 Tawgyew i ġadzü ge bo-luko duw na kamyajo í bo ut í sütrü üšü yo kamyow je ufojomabe.”

26 Sünda dzühu daw na che, “Nameje djü basüafijowa?”

27 I che, “Haye nüna yo madafima, se ye Tawgyew i dafijome.”

28 Patras i che, “Howe, nobó ñe-vi je tralyeñe bafum kasawme.”

29 I í che, “No bá umso truime, ana djuje ñime, dju Tawgyew í ġadzü ubo, ñe, mim-kiġi, ñu, awu-añ seyo saw-sam ná trahuw.

30 Sünda sa yo sa a na haje aña djupawe; seyo dzüwñe druguw-drulyiw ge shüw lüshüw pajodawe.”

Dzüñe üshü lyajo go ñihow

31 Sünda Jisu na ġüyo ksü shürhaw ná üdra lañe ná che, “Ñi Yarusalem ge jingkoime, sünda küña ñu nüna üsaw ibo ñihow truw na ġi vedama, se na vyow datsüjome.

32 Hado chemeje i tuġuda-ġuvodzü nagzü ge djüjome, sünda na í tchüġoñe-hoġojome, sünda zehu je müdrüdzajome.

33 Sünda na í ġüjome, sünda shijome, sünda i ñegi dzü ye üshükülyetchojome.”

34 Sünda na he ñu namko ye haje madzüsü sünda he ñu na namko ye müšütsü, sünda ha trudama se ye na madzüla.

Iñi ġew í iñi

35 I Jeriko ñetrü ütrü üñisa jikulai sa a, iñi ġew a ye üdza ge tsatuġuñe ġyoda.

36 Sünda i upu na dügrü jiw dzühuñe dzüpüñe, “Ayo a ha dangkoiya?”

³⁷ Na í tru, “Jisu i Nasri ge jingkoime.”

³⁸ Sündawñe í ĝuksuñe che, “He Jisu, Dawud i üsaw, no nülvoijo dawewe.”

³⁹ Dju vro-vro jeima, na í madañda ĝyo cheñe ze, sé i umsow ŝogzukülye, “He Dawud üsawa, no nülvoijo dawewe.”

⁴⁰ Sündawñe Jisu i gudzulyiñe í ichi ge lañe jikuwe che, sünda i iñisa jikuwñe, i í dzü,

⁴¹ Bá ha tsüda, “No babo daijome?” I che, “He Tawgyewa, nó hofidügyewe.”

⁴² Jisu i í che, “Hojodabe, ba veksüw ye ba dagyojemme.”

⁴³ Sünda í djeañe hohu; sünda Tawgyew í troñe, ufum kase, sünda vyow nüna na hohuñe, Tawgyew íbo trotsü.

19

Jisu Jakariya ichi ñe ge

¹ Jisu Jeriko ge jimyolye jimkoi sese.

² Süge Jakkai cheñe nüna duvo, i patso-law go mukyew sünda nügo je nügo.

³ I Jisu í hoĝoñ vyew i djuma cheñe? Sešo upungda sese mahofi. Hado cheme i üchesada.

⁴ Sese i í hojoñe vye uvro ge gyo djeñe lufuje shoñ udru a ye lyilyig, hado cheme Jisu i se ĝabo kajoda.

⁵ Sese Jisu se a jikuñe, udru ge hotrolyiñe í che, “He Jakkai, kutcho lyiga; hado cheme yow no bá ñe ge ĝyojo dume”.

⁶ I kutcho yo lyigalye lüshüldzulalye í ichi ñe ge la kake.

⁷ He í hohulyebi nüna na zeĝi, “I bó se lalo nüna ichi ñe ge jijeba.”

⁸ Jakkai i gudzuñe Tawgyew í che, “He Tawgyewwa, No nó bo-luko üchea ye ñiw ná djüjome, seyo üchea ye sena djüjome djuchi go no laĝamüñeda ma se na no psüĝingua fow djüpyojome.”

⁹ Sese Jisu i í che, “Yow he ñe a muchoahuw jikudame, sündada he i je Abraham ichi sawbamme.

¹⁰ Hado cheme nüna üsaw ye moadaw ná tchüw seyo ná basüaijo kakuwme.”

Bosün uvyu ĝü

¹¹ Sese i he ñu ná dzümkoiki sese, i zeĝaw a ze, sündada chedawa i Yarusalem ütrüañ a duda, seyo i vyesüw je vyesüw, se Tawgyew ichi ĝadzübraw ye hesahe kakudalaibiñe.

¹² Sünda: I che, “Nüna nugo a ye ge ñetrü üĝa ge ka sügo nugo pafiñe kakutchofijo.

¹³ Seyo i í kulo naĝi yo ĝü ye balalye ná bosün uvyu ĝü djü, seyo ná che, ‘No kakuw kuw bumdzu davojo dawewe.’

¹⁴ Sešo í ñetrü ge ĝyodaw na í mahoĝoñ daw, seyo ífum ge muko kiñe ñu che ki, se i ye no matsüme, se i ñidru ge ñubyu dañjo.”

¹⁵ “I ñubyu lyibiñe kakutchow sese, i ana a da, ichi se kulo ĝü ye dju í bosün uvyu ĝü djülyedama, se na itrü a balaku sünda danghujoñe vyeñe se na se i yo küña ha ha dashaladama.

¹⁶ Sese uvromashü yo a ye jiku che, He übrawwa bachi djüdaw bosün uvyu ĝü yo dañe ĝü müñew damñeladame.

¹⁷ I í che, ‘He kulo ülüksüfowwa, bá šüvzüw me, ba šüpyo mesame sese ba umsowda kakülyeda, ayo ba ñetrü ĝü yo übraw dabei.’

¹⁸ Sefum yo a ye jikuñe che, ‘He übrawwa, hošoa, bachi bosün yo uvyu pom dashamüñewme.’

¹⁹ I í chetcho, ‘Ba je ñetrü pom yo übraw dabei.’

²⁰ Sefum ye a ye jikuñe chetcho, ‘He übrawwa, hošoa, bá bosün ye he duw ye, he í no nó gye güpaw üdza toi pyogoñe vyedaw he.

²¹ Hado chemeje no bá ĝedabi.’

²² I í che, ‘Mauw kuloa, no bamdzu yo bá no trudañe chei he me.’ Ba nó danghuwbi nūna mügzütchüwñe, ha ye no ma vyema se í dzula, seyo se no ma zuw, se í djoahuwme;

²³ Ba nochi bo ye bo dashabraw ná hado madjüña, se í no kakuñe sashadaw ye lakeġijobi?

²⁴ Seyo dju nūna na üñisa gudzudama, se na í che, ‘Se bosün ye ichigo lathojodawe, seyo djuchi ge bosün ġü duma se í djüpyojo dawé.’

²⁵ Na í che, ‘He übrawwa, ichi bosün ġü bó dušo.’

²⁶ ‘No bá chemkoime, se djuchi ge duma, í seyo djüpyojoluwe; seyo djuchi ñima ichi go se í je lajodawe se ichi ha dusama.

²⁷ Sešo nochi se fugulu ná se vyeñidaw na se no nadru ge ñubyu dame, se na age lakuñe noñisa a shiwe.’ ”

Jerusalem ge fojelübzüw kakuw

²⁸ Jisu i he ñu na chelye i Yarusalem ge navro-navro ka.

²⁹ Seyo se i Jetun üñiñi yo pu sa a Betfage ñe Betniyah üñisa ge jikuwñe, sese i í shürhaw naġi yo ksü ye ana cheñe ki,

³⁰ “Üñisa yo ñetrü ge jijo dawé, seyo süge jikubyo jikuġyoñe giġe ichi üsa a udru ge djusa je magyoluw, pyogo vyedaw bá pajome, se í tashalye lakuwe.

³¹ Seyo djudamje bá dzülaimeje, hado tashamkoiya chemeje, se a ana chejodase, se Tawgyew i he í tsüdame”

³² Se kidaw ná, na jikuñe i ná ha chesedama, süna pabadabi.

³³ Se na giġe üsa ye tashamkoi se, ichi übraw ye ná dzü, “He üsasa ye hado tashamkoiya?”

³⁴ Na che, “Tawgyew í he í tsüdame.”

³⁵ Na í Jisu ichi ge la kaku seyo nudzoġ gye ye tapualye se udru a ñeilye Jisu í giġe udru ge gyodügye.

³⁶ Sūnda na kamkoi sese, na nudzoġ polu ye ġabo toi ñevoñe ji.

³⁷ Seyo üñisa kakulye se i Jetun pu i ġo ge kaku, sese shürhaw na vyew upua na vyemoñe chiġa dadaw ibó i hohuda na, lüshüldzuañe gow yo ñu zeñe Tawgyew ibo trokülye:

³⁸ Šüvzüwme se ñubyu ye, dju Tawgyew iñiñi yo jikuma!

Sorgo ge ġüdzüw seyo ñedzü ge lüshüwme!

³⁹ Sese upu na yo süña Farisi na í chengkoibi, “He Danghubrawwa, bá shürhaw ná zea.”

⁴⁰ I ná chetcho, “No djomko a chemkoime, he i maziw ġyome, kunu na šogzukülyejome”.

Jerusalem ibo ksew

⁴¹ Se Jisu üñisa kakuñe se ñetrü í holye ubo kse.

⁴² Sündalye che, “Ha ye ujowa, he ba; am, ba bába, he ñeto ai lüshüjo ñu danghudama, séšo se i yabó bañisa yo mušwadabi.

⁴³ Hado cheme se ñeto ye badru ge kakujo se bá vyeñiw na sülyeñtchü pyogoñe bá djetuġujome, seyo djetuġulye bá ñujome.

⁴⁴ Seyo bá seyo badra ayo a ná bachi angasa ná, nogüdzü nadra gülyajome, seyo badru ge kunu yo je kunu matrüjome; hado cheme ba süna dajo ye kye badru ge nülvow vyeñe hojema sei madanghuje”.

Ñegru í dagudrahuw

⁴⁵ Sese Jisu i ñegru ge drüñe ġyodaw ná nopsü ge lahuatsü.

⁴⁶ Seyo ná che, “Ġidame; ‘Nochi ñe ye küġüw ñejome,’ séšo djo he í tsaġa-laġaw nachi ñe da joadamme.”

⁴⁷ Seyo i muhu-muhu ñegru ge shi-ñu truñgudru: seyo se müga sawlyiw na seyo shizew-ñu zew na vyew djekegiñe í shijoñe tumuñgudru.

⁴⁸ Séšo haje ġabo matchüla; he í küna dañe dajojema, hado chemeje vyew na dru-lu djübyo djügoñe ichi ñu dzüñgudru.

20

Yahudi na Jisu í ñu dzüw

¹ Ahua ye ana a da, jisu i sese ñegru ge shi-ñu trumkoi sese, mügaw dew seyo shi zew-ñu zew kew nadra jikuñe sese gudzu.

² Seyo chemkoibi, “Ba ñí truwe, ba he chiġa ná dju dadügyedañe dawdo dañe, seyo se i djua, dju bá he i daweñe dügyedaye?”

³ I ná trutcho, “No je djó ñu a dzüjome; nó trujo dawe

⁴ Yohañ ichi Baptisma djüw ye Soġgo go ma mo nüna yo ma?”

⁵ Sündawñe naġütchü zeġi, “Se ñí chebammeje, ‘Soġgo gobabi,’ süñchewñe i chetchojo; ‘Sünameje djo idru ge hado umso mavyeña?”

⁶ Seyo ñi chetchojobi, ‘Nüna yo me chetchobamme,’ se vyew na ñidru ge kunu trüjobi, hado cheme i umsow go danghudabi, Yohañ i ñihow cheñe.”

⁷ Dañdañlye na tru, “Ñi madanghume, se i djuchi go jema.”

⁸ Seyo Jisu i ná che, “Nameje no je djo matrujome no he chi ná dju dügyeñe dadama.”

Bolu mau vi daw nüna i laġüşhi truw

⁹ Sese i se nüna ná he ana zeġaw go tru, “Nüna a ye anggur zugua, sündalye vi daw ná howeñe bo ve seyo süpo uwalaw kuw utro ñetrü ge jitrükralye.

¹⁰ Bomdrü sese i vi daw nachi ge kulo a ki, se vi yo kakülyedaw anggur üje ibó je djüweñe cheñe k, sé vi daw na í gümoamdo gümoañe ufo kadügye.

¹¹ Sündawñe i kulo a ye kitcho, sé na se í je gütholyebi zeaše zeameñe ügzü ufo kikutcho.

¹² Sündatchowñe i ülye dzü kitcho, seyo na se í je dzütchüzew gimoañe lahuag.

¹³ Sündawñe se anggur go vi übraw ye che, ‘No há dajobabya? No nó saw í kijobaba, asha na í chew dzüw dujoješoma.’

¹⁴ Sese vi daw na i hohulyebi naġütchü poġi, ‘He i bó üsaw ye ba; age djebya, ñi í shibow, sündañe he na ñichi lyajobi.’

¹⁵ Seyo na í se anggur vi yo lahuañe shiag: sündada vi übraw i nadra ha dajobabya?”

¹⁶ “I kakuñe se anggur vi daw nüna ná damütrajo, seyo vi ye utro ná djüjo.” He í dzühulye na che, “Tawgyewwa ana djuda.”

¹⁷ I nachi ge holye che, “Se he ye ha ġida:

‘Ha kunu ye ñe dasüw na ha madaġiwñe süñeadama, Se i ukutru go dakrükye se i lyada.’

¹⁸ “Djudamje se kunu ge gaahima se i ganüajobamme, seyo djudru ge i gahima, se í ġünü-ġüġajobamme.”

Shi-ñu zekyew nañe Mügaw sawlyiw na lütsa

¹⁹ Sešügudo ye Shi-ñu zew nañe seyo Mügaw dew na í külyijoñe vye, hado cheme danghula dabi, i nabó magow ñu zeġaw yo tru, sešo í ná büġedañe vye.

²⁰ Seyo na í hokrübabine seyo ichi ge hotumuw ki, se hadowo cheme i alyamo alya ye shi-ñu trutroameje sese ñustu kigojoñe, se í nugo ichi ge trutroadame che djüfijoñe.

²¹ Na í ana dzü, “He dadrüwwa, ba mülaw truiñe ñi danghudame, Seyo dadrüw je darüi, Seyo djubó go goñeje mache; Semome Tawgyew ichi ġabo ye umsow trufijo.

²² Hawa ñí Kesar í patso djümeje ujoma, mo mowma?”

²³ I ná budzu yo dzüi ye dzüsülye che,

²⁴ “Bosüñ a nó shejo dawé. He a djuchi gîgê düdama seyo dju ñiñ duma?” Na che, “Kesar ichi.”

²⁵ I ná chetcho, “Se Kesar ichimeje í djüwe, seyo Tawgyewchimeje í djüwe.”

²⁶ I nuna ñisa a se ñu ye madzüsüla, semome ichi ñu hutrodaw se i yo mavyenghuatsü.

Güdrakosksüwñe gzü

²⁷ Sündatcholye Saduki i chew ye, nuna dzüw na kenghua je maüshüjome, naçi yo nuna üchea na ichi ge jikuñe dzü.

²⁸ “He dadrüwwa, Musa i ñibó ana gîdawa, ‘Se djuchi damje üyalyo a ichi ufum ye saw-sam malaluye dzütrükralyemeje se üñuw ye se mim üyañedra i gzü datchowe, seyo üyalyo íbó agü mulo sakülyewe.’

²⁹ Sünda ye alyoñuw mro duw, üyalyo nugowfow ye agü je masakülyelubi ye dzütrükralye.

³⁰ Sefum yo ye je,

³¹ Seyo seladzü kiçi ye je se mimdra í gzü daladabi. Se ana dadañe namro mamro agü masakülye dzümdzoaha.

³² Se nafum se mim ye je dzüase.

³³ Se a na üshükülyemeje se mim ye djufum lyijowa, hado chemeje i na mro mamro üdra gzü datsüwdabi.”

³⁴ Jisu i ná che, “He ñefo go shüdaw agü na gzü daibi,

³⁵ Se dju nuna damje ana lyifikülyemeje, sé ñeto go dzüdaw nuna na üshükülyetchojo lyifime, namko ai gzü madafijo.

³⁶ Se i dzü je madzüjo; hado cheme i sorgomuko vyedujo, seyo güdrakoşksüw yo agü üshükülyemeje Tawgyew ichi je agü lyijo.

³⁷ Sešo he ñu ye dzüdaw na je üshütchoi, Musa je shoñ ge süna folakülyeda, i Tawgyew í ‘Abraham üsa, seyo Isahak üsa, seyo Yakub üsa ana chelyew.

³⁸ Tawgyew ye dzüw nachi mow séšo üshü nachi Tawgyew: hado chemeje ubo yo vyew na üshütsü.”

³⁹ Sese na se í dzühulye Shi-ñu zekew küña duma na che, “He dadrüwwa ba uw chejejeba.”

⁴⁰ Seyo bó na í ha madzülofibi.

Jisu Dawud üsawma mo Dawud ichi Tawgyew ma?

⁴¹ Sündatcholye Jisu ná dzütcho, “Masi í Dawud üsaw cheñe kündañe cheña?”

⁴² “Dawud i üsaw Masi i kako ge cheda:

‘Tawgyew i nochi Tawgyew í cheda,

Nochi südzüvopsüçi ge gyowe,

⁴³ No bá fugulu ná bashitrü ai malakyeçitsülu kuw.’ ”

⁴⁴ “Dawud bó í Tawgyew chew; se sünameje i í üsaw künda cheña?”

Shi-ñu zekyew nuna zew madzüw ná Jisu í trüdrü

⁴⁵ Vyew na dzümkoï sese, i í shürhaw ná che.

⁴⁶ “Shi-ñu zekyew na yo hochiçiwe, dju shedra psüw sheñe kahiw uw vewma, seyo ná bodzaç ge gaga daw, seyo küçüw ñegru ge psüça dew ge çyojo uw veyjome.

⁴⁷ Na müjem nachi ge tsaw jiñe seyo bühodañe uwalaw kuw küçüw dawme, he na şüpyo mau ñe ge gajome.”

21

Haje ñiw müjem ichi umsow lapsü djüw

¹ Sündatcholye Jisu i íñi yo lapsü dzüw nuna na nudzoç nudzoç lapsü í lapsügyebyo ge trümkoï hohu.

² Seyo i haje ñiw müjem a ye je i sayo sa a bosüñ ksü trümyoajew hohu.

³ Sese i che, “No djó umsow chejome se i ye he haje ñiw müjem ye fow trümoabajeme.

⁴ Hado cheme nabó nachi nudzoğ nudzoğ lapsü yo me trüje, sešo i í shüda yo küña dusama vyew trümdzoajebi.”

Ñefo i mudzoajo go hosüw daw

⁵ Küña nüna na ñegru ufo go chemkoi ye, se i küña kunu howsa yo seyo gañ yo chibra daida, se i che,

⁶ “Süna ñeto je kakujome, sese he na he i ba hohui na, namko ye ha yo ha a kunu udru ge kunu je matrajome.”

⁷ Na í dzütcho, “He dadrűw, he na kye dajowa? Seyo he ñu na dajobi sese, ha chi hosüw dujowa?”

⁸ I chetcho, “Chitchügivowe, dju dzüseawe, hado chemeje süpyo nüna na nó ñiñi lañe chejome, no se ibamme; seyo he i damdrü kakudamme: djo se nafum djukasejo daw.

⁹ Seyo djo psegi-luği daw süna nafo go dzühulaimede, dju gëjo daw; hado cheme he na uvromashü davzűjowbamme; sešo se ñeto kutcho mamütrajome.” Süna ñeto je kakujome, sese he na he i ba hohui na, namko ye ha yo ha a kunu udru ge kunu je matrajome, Süna ñeto je kakujome, sese he na he i ba hohui na, namko ye ha yo ha a kunu udru ge kunu je matrajome,

¹⁰ Sündawñe i ná che, “Gübye yo gübyeğütchü seyo ñetrü yo ñetrüğütchü pseğijome.

¹¹ Seyo ñegüzüw je dew dew dajome, seyo ñetrü ñetrü sapseañe seyo gañemu kajome, seyo ñedzü ge ñiğeñiw ñu seyo dew dew chi shejome.

¹² Séšo he ñu na madaluye na uvro nó ñiñi yo kigovzűjome, seyo maw-uw ze dajome, seyo ñegru ge djűjome, seyo pache ge shűjome, seyo ñetrü ge ñetrü ñubyu natrü ge lajikujome.

¹³ Se he na babó ñu truvomdrü kakűleyjome.

¹⁴ Sündada nudzoğ nudzoğ drű-lu ge pyogo vyejo daw, no vrogomdo trufijo se í duhu madadañe.

¹⁵ Hado cheme no bá ana chejo seyo ana budzu djűjome, se bá mau zeñe zeaše zeame dai na madafijo.

¹⁶ Seyo bachi awu-añ seyo ñuw-ñum seyo ñeşüğ-ñepyeğ, seyo draw na je tsüladűgyejobamme; aña kuw dajome, djomkoye şupo na dzűdűgyejome.

¹⁷ Seyo no ñiñi yo badra mau dajome.

¹⁸ Séšo bakyetrü umu a je matrűafijome.

¹⁹ Ba nudzoğ drű-lu ye gűdzűw yo shűtrűñe vyejo daw.

Jerusalem í mütrűw

²⁰ “Ba kyedamje Yarusalem í rhünokew na yo jigshiğiahuw hohume, sese ichi mütrűjo üñisabammeñe danghujo daw.

²¹ Sese dju Yahudiya ñetrü ge дума se na pu udru ge djetralyewe, seyo dju Jerusalem ulung ge дума se na djehuaajo daw; seyo dju ñetrü ge дума se na süge djujijo daw.

²² Hado che se i dutrugűjo ana ñeto kujome, sese ñu gűñe vyelyedaw na vyew lyitsűjobamme.

²³ Se ñeto ge dju agű ñiw seyo agű apu tudűgyeima, se nabó tui! Hado cheme se ñeto ge no nağütchü dağijo seyo se a ná şűpyo ñiku-ñisűw lyijo.

²⁴ Na vyetsü ũrhű yo sügűajome, seyo vyew ñetrü drű-drű ge mubyo na lakuzeğiatsűjome, seyo utro sama nachi ũmdrű vyew makulu kuw, sese Yarusalem í utro sama yo dashiğajome.

Jisu i kakutchojo chitruw daw

²⁵ “Seyo dru seyo hubye seyo lütsü se na ge chi shejome, seyo nomñew ñetrü a je, ñetrü drü-drü go nüna ná chitruw dajome; hado cheme na sütügülü ichi hu rhaw yo lamo gëtsüjome.

²⁶ Seyo gëw yo druguw-drulyiw a trúw kakujo se í hohuñe nüna üshüjoñe je mavvejome, hado cheme ñedzü go gokew ye je gëdü-gëdüjome.

²⁷ Sese na nüna üsa í lüshüw-lübaw mumudrü ge gow kalai hohujome.

²⁸ He ñu ye trumkoi sese, ükye ye gudow dañe udru ge hotrojo dase; hado cheme bá solutoajo üñisame.”

Tawgyew ichi ñetrü ñubyu üñisabamme

²⁹ I ná zeğaw je a tru, “Lufuje üyaññe vyew shoñ na howe.

³⁰ Ichi übatra kakülyebyo kalyeğyowñe, se í ba hohulyeñe balvyo danghulaibi ñeshü kalaibiñe.

³¹ Sünambó vyeduw ba he ñu na kye hohuima, sese danhulababise Tawgyew i ñetrügüfo kakujo üñisababiñe.

³² No bá umsow trujome, he ghei ñu na madalu kuw he ñefo ayo shüdo nüna na kyeje lüshüw mapajome.

³³ Ñedzüñe No naksü kaltruğidamje, sešo nochi ñu kye je makatrujome.”

Shüwa Dashütrüvojo dawe

³⁴ “Sündada ufu je ksü üñi je ksü da gýowe, ya ba badrü balu ye he druguw drulyiw ayo dashüw ge dañea kiñeañe, shüjo djojo ge vyeñeañe da gýomkoñbai ye jia, ñe se badru ge kyegüdü-ñiği kakugme.

³⁵ Hado chemeje i he añawa nomñew ñetrü ayo gýodo nachi ge ana vyeduw dañe kakujobabi.

³⁶ Sündada chiğiñgudrujo dawe seyo küğüñgudrujo dawe, he ana a kyegüdü-ñiği kakudamje ha madaw gaksüfisejoñe, seyo nüna üsaw i vro a gudzufiwjo lyijo dawe.”

³⁷ Seyo se ñeto ge ñegru ge shi-ñu tru süna dawse; Seyo ñegi ge i nopsü ge jihuañe Jetun pudru ge gýoñgudru.

³⁸ Seyo na je şüzüw ye tralye ichi ge jikuñe shi-ñu truw ye dzüjoñe ñegru ge jikuñgudru.

22

Jisu i shijo go küla

¹ Odje oğüme se i na ofo rhano chew, üñisa dabi.

² Seyo müğaw dew nañe shi-ñu zew naksü shüwa í kündañe shijoma se í kadang hotumu, sé na nüna nayo gëw.

Yahuda Isküriya ichi umsokulyu

³ Seyo mütü Yahuda ge kamyoa, djü Iskariyoti chew sünda í shürhaw ülgü gëw yo ksü namko ge i je duw.

⁴ I jiñe Müğaw dew ñe kulow kyew hotumuw nadra chitru, Tawgyew í künda lügyelajoma sena.

⁵ Na lüshülag, Seyo í na bo djüjome cheñe müdaa.

⁶ I je embi che, sündalye hotuma-hotumuhi, se í usso ge ñu majodügyew lügyeladügyejoñe.

Fasa í dashütrüw

⁷ Sese odje oğüme daw ñeto kakudabi, sese Fasa ge fugulu üsa ye che kügüw kijobabi.

⁸ Sünda Jisu i Patrasñe Yohañ naksü i ana cheñe ki, “Djeñe ñibó Fasa ge tsajo-tujo dashütrüvowe.”

⁹ I í dzütcho, “Ba nó hange dashütrüvoweñe tsüda?”

¹⁰ I ná che, “Howe, ñetrü ge kaakubyo-kakuÿowñe nüna a ye hu guw kolo lodow tüvajome, dju ñe ge i jihima; ba ifum jisajo dawé,

¹¹ Seyo sé ñe go übraw í chewe, ‘Dadrüwwa bá chemkoime; se tumóna ná ñe hagewa sa a no nó shürhaw nadra Fasa tsajo ye?’

¹² Bá i howsa yo dagüdravodaw üÿüñ dew a shejome; süge dashütrüvowe.”

¹³ I jikubanda, i küna chedama sünabyo-sünaÿyo duvobi, sünda i Fasa í dashütrüvo.

Tawgyewchi müliñ driüpsü

¹⁴ Damdrü kuwñe, Jisuñe i shürhaw na nadra tsajobiñe ÿyo.

¹⁵ Sündalye i ná che, “No nolu ge süpyo ana vyewme, duhu makakulu kuw djodra ye ülya ana üša ÿyoñe ava tsajoñe vyewme.

¹⁶ Hado cheme no djó chemkoime, he i Tawgyew ichi nogo ge vyew makulu kuw no se í keje matsajome.”

¹⁷ Sese i bekasa lañe dru-lu yo süvzüw gañe che, “He í lalyeñe djoÿütchü ge habraÿjo dawé.

¹⁸ Hado cheme je no djó chemkoime, Tawgyew ichi ÿadzü madalu kuw no ayo dalalye keje he shejehu matujome.”

¹⁹ Sündatcholye i odje la, seyo üdrü-ulu yo küÿüñe takuÿia, seyo ná ana cheñe djü, “He i nó usso me, ha yé djobo djüwma: nó vyehuñe he ana dajo dase.”

²⁰ He ana dambo i tsaw tsafialye bekasa je ana cheñe la, “He i nochi sé sü yeme he i djobó fuadaw yeme ñu ükünüme.

²¹ Sé hojo dawé, nó kigoladügyejo ichi ügzü ye nodra a dume.

²² Hado chemeje nüna üsaw ye bó ibo küna dawéñe dadama, sünambó dajobabi, séšo tui se nüna idru ge, djubó sa a í kigoladügyejoma!”

²³ Sündawñe na naÿütchü dzüÿi-hoÿingkoibi, “Ñimko a djuwa, he chiÿa dajo ye?”

Djú dewñe vyefijowa?

²⁴ Namko a ana ñu che zeÿi; ñimko a dju dew vyefijowa?

²⁵ I ná che, “Utro sama nago nugo na nadru ge shotuko joi; seyo dju nadru ge shotuko jofijo daima, se ná povow nüna chewme.

²⁶ Séšo ba ana djulyiwe; mowme djomko a dju nugow dama, se i angasa vyeduw seyo dju ye ñubyu ma se i kulo vyeduw lyiwe.”

²⁷ Hado cheme dyew ye djuwa; se i buÿo ge ÿyodaw yeme, semome se chiÿa damkoi yema? Hawa se i je mowma se tsawdra ÿyodaw ye? Séšo no djodra a kulo vyeduw bame.

²⁸ “Sešo djo se na me, dju nodra ñiku-ñisüw ge je nodra duwsaw na me;

²⁹ Seyo sünambo vyeduw nochi Awu i nóbó ñetrü ükün a davyedama, sünambo no je djobó davyeijome.

³⁰ Se i ye hadowo cheme djo nodra nó buÿotrü ge tsawe-tuweñe; se psüÿa a ÿyoñe Israyel nachi go ÿübye ÿüyoksü í zegüdralawe.

Patras i hujonoÿyow ñihohuw

³¹ “Simon, oi Simon, djó mütü ye prüdame pu í dambo güjoñe.

³² Séšo no djobó küÿüwme, djódrü-djolu go umsowñe vyedaw ye kyeje mañoajo seyo djo kakume djó nudzoÿ alyo-ñuw na je ÿüdükewe.”

³³ I í che, “He Tawgyewwa, no badra pache ge damje kasejo semome dzüjoje dzüfijobame.”

³⁴ I che, “Oi Patras no bá chemkoime, yow jo külyiwñe sese ba nó ülye dzü mahosüw chejome.”

Duhu gijo ye dashütrüvowe

³⁵ Seyo i í che, “Bá no dzulngasa seyo kapüÿa seyo shita je ñiw ufobüla kimkoi ge ba hama a mapu mavyaw dadama?” I chetcho, “Ha chi go mowme.”

³⁶ I í che, “Séšo djuchige dzulngasa duma se na se i lawe, seyo sünambo kapüga í je, seyo djuchi ge kyeği ñima ná nachi gye na damje drütülüalye lawe.

³⁷ Hado cheme no djó chemkoime, he ġido ye, ‘Se i truw nuna ge ngüjobamme,’ se i nódrü ge dajoye krükrüwbamme; hado chemeje nogru ge küna dajoñe dadama se na datsüjobamme.”

³⁸ Na che, “He Tawgyewwa, howe, he a kyeği ksü duwa.” I ná chetcho, “Şüpyo dume.”

Jetun pudru ge Jisu i küġüw

³⁹ Sese na ñepsü ge jihuañe na dadaw basha yo na ge Jetun pudru ge jitsü, seyo shürhaw na nafum jisa.

⁴⁰ Süge jikuñe i ná che, “Küġüjo dawwe, djo zeġaw ge magajoñe.”

⁴¹ Seyo i na yo utroga kunusa a josajombuaña ge jiñe, seyo üshipyu dugoñe küġümyomkoibi.

⁴² “He Awua ba tsübameje he bekasa ye notrü yo latrülyewe, sedamje nó husü yo mow bá husü yé dadzowe.”

⁴³ Sese soġgo go sorgomuko a í sa yo sa a hohu dju í zego dawma.

⁴⁴ Seyo babiye i şüpyo vyemülüañe vyemoañe küġükülyejebi; seyo ichi úfu ye no ge şü fuw vyeduw tra tra dzuamkoi.

⁴⁵ Sese i küġüfialye gudzulye ichi shürhaw nachi ge kakuñe hoholye vyew na drumutsüdaw hoñe duhu da.

⁴⁶ Sündalye i ná che, “Hado drumuiya? Pülyibya, küġübya, na zeġow ge magajoñe.”

Jisu í tsülaw

⁴⁷ Jisu i süna chemkoi sese, howe upu a djelai ná, seyo se ġü yo ksü namko a ye dju ñiñi ye Yahuda chewma i uvro uvro djekelaibi, i Jisutrü ge djeku, í bubu dajoñe.

⁴⁸ Sé Jisu i í che, “Oi Yahuda, hawa ba bubu dañe nuna üsaw í kigoladügyejoma?”

⁴⁹ Idra yo na idra ha dajoma í hohuwñe, sünda che, “He Tawgyewwa, ñi keği dzofijoma?”

⁵⁰ Seyo namko ayo a ye müġaw dew ichi kulo nadru ge keği yo dzohiñe ufu fuvo go dzoga.

⁵¹ Sé Jisu i che, “Sayo sa a damudoabe.” Seyo sa a ichi ufu ye kiñe dagyoi.

⁵² Sese Jisu i müġaw dafow na seyo ñegru ge hokrüvwow go mükyefow na seyo kew se na ídru ge lyikülyedaw ná che, “Hawa djo nó ñiguduñe danghuñe keği ñe shalbo ñe lañe jikuma?”

⁵³ No djodra ñegru ge muhu-muhu djodra duw sa je sesüge djo nó gzü a je maki; se hesahe djochi ümdrübamme, vataġüsagiahuw yo vataġüsagiahuwme.”

Patras ichi hujonoġyow

⁵⁴ Sündatcholye í na tsülalye la kakye, seyo müġaw dafow saw-lyiw ichi ñe ge lañe kaku seyo se Patras i üġa-üġa djega djegañe ifum-ifum djese.

⁵⁵ Seyo na nopsü ge mi pyeñe tchü üša ġyomkoi sese Patras je namko a ġyoya.

⁵⁶ Seyo se a kulom a ye í mi müsaw ge ġyokülyedaw hohulye seyo í usu yo hopafi hopañe chemkoibi “He i je üdra yo baba.”

⁵⁷ Séšo i ana che hujonoġyoya, “O mimya, no í madanghuwe.”

⁵⁸ Me uwalatchowñe utro a ye hotcholye chetcho, “Ba je nadra yo baba se.” Patras i che, “Oi nuna, no mowhoje.”

⁵⁹ Me uwalatchowñe nuna a ye dügago hoñe chengkotchoibi, “He i je nadrayobabiša; umsow cheme he i Galilibabi.”

⁶⁰ Sé Patras i che, “Oi nuna, no madanghuwa ba cheijema.” I süna chemkoi sese jo je külyijebi.

⁶¹ Sündawñe Tawgyew i tcholtruĝiañe Patraschi ge ho, sündawñe Patras i Tawgyew i ñu chedo ye vyehu i ha chedama, “Yow jo makülyilu uvro ge ba nó ülye dzü kuw madanghuw cheñe hujonoĝyoajome.”

⁶² Seyo i ñepsü ge kahualye şüpyo ku ku kuw kse.

Jisu i mülakulyuw

⁶³ Dju nüna ye Jisu í kigo dama, na í mülakulyuñe gümyomkoibi;

⁶⁴ Seyo ichi iñi ye pyelyeñe í dzü, “Ñiholye trubya bá dju güima.”

⁶⁵ Seyo ana şüpyo nomñew zeaşe-zeamene í maw-uw ze.

Kyew nañe seyo melye dew gzu

⁶⁶ Ñetoahuwñe naĝi yo kyew seyo müga dew shi-ñu zekyew-kikyew se na vyew keĝitsü, sündalye í na melye dew gudo ge lakuñe chi dzü,

⁶⁷ “Sünameje ba Masimeje, ñi trujo dawel!” I ná che, “No djó trumsome djo nó umsow mavvejome.”

⁶⁸ Seyo dzüdamje, matrufjome.

⁶⁹ Sešo ayo dalalye nüna üsa no sawlyiw Tawgyew ichi upo südzügo gow dañe ĝyongudrujobi.”

⁷⁰ Sünchewñe vyew na chetsü, “Sünameje ba Tawgyew üsawma?” I ná che, “Djo cheñşoiwa, hado chemeje nobabi.”

⁷¹ Sese na che, “Yabó no truvoijoje ha matsübi; hado cheme no bó nobyo no dzühuladabi.”

23

Pilatus i Jisu í ñu dzüw

¹ Sese vyew keĝidaw nüna na gudzutsüñe Jisu í Pilatus ichi ge la jiku.

² Sündalye na ana cheñe ídruge külü jo, “Ñi i nüna ná zeĝow seyo Kesar í patso i madadügyew seyo nudzo í Masi seyo nugomeñe chew dzühudame.”

³ Pilatus i í dzü, “Ba hawa Yahudi nago nugoma?” I í tru, “Sebó ba cheşoiwa.”

⁴ Sünchewñe Pilatus i mügaw saw-lyiw nañe se nüna ná che, “No he nüna idru ge ha je külü mahohume.”

⁵ Sešo nabó sünchewñe seyoje şüpyo mügzüw yo chemkoibi, “He i Galili yo dalalye age kuw Yahudiya ná vyew shi-ñu tru truñe truĝolatsüdame.”

⁶ Süna dzühulye Pilatus i dzü, “Hawa he nüna ye Galili ñetrü goma?”

⁷ Seyo he í danghula i Herodes ichi shotuko ulungo nüna dabi, í Herodes itrü ge kitcho, hadowo cheme sé ñeto ge i je Yarusalem ge duvo.

Jisu í Herodes ichi ge kiw

⁸ Herodes Jisu í hohulye şüpyo lüshü, hadowo cheme şüpyo uwalaw gomdo í hoĝoñiw vye: se i ye hadowo cheme ifogo dzühuda, seyo ichi chi ashama asha ye sheweñe ve.

⁹ I í şüpyo ha ha ñu dzü, se i í ha je matru.

¹⁰ Seyo se müga saw-lyiwñe shi-ñu zekyew naksü ulung ulung ge í ze.

¹¹ Sese Herodes i ichi nüna nadra ye í zeaşe-zeamene zekütso zemürhü, seyo iĝi ĝiguw gye ye sheisalye ge Pilatus ichi ge kitülütcho.

¹² Sehu ñeto yo Pilatusñe Herodes naksü üdraw lya. Ana madalu. Sevro ge naksü mahoĝiw.

Pilatus i Jisu í shiweñe düm takyoa

¹³ Pilatus i mügaw saw-lyiw í seyo nüna na balañe ná che,

¹⁴ “Djo he nüna í nüna ná zeĝoime cheñe nochi ge lakuda, seyo holaşoa, no djó how a í dzü howşobi, se djo ha ñu yo iso ge külü joima, se ñu yobó no hasaje ichige külü mahohu;

15 Ge Herodes je mowbi, hado cheme i í nochi ge djültrutchodabi: seyo holaŝoa, i düm takyolaje shimdojo ana haje mada.

16 Sündada no í shidzü trabañebi”

17 Pilatus i rhanomko a nuna a tsüla vyedaw ye kihuajobabiñe lya.

18 Sündawñe vyew na ŝogzutsü, “I damtrüabei, seyo ibó Barabba i trajodawe.”

19 I ñetrü a ye psegi-luñiñe, shiw-law dadaw ubo go pache ge shüñe vew.

20 Seŝo Pilatus i Jisu í trajoñe vyeñe nuna ná che hopüñetcho.

21 Seŝo nabó ŝogzuñe che, “Í kuros ge külyiwe, kuros ge!”

22 I ülye dzü kuw ná che, “Hado cheme i ha mau damdoda? Nobó í düm takyoñe shimdojo lalo daw mahohubei! Sündada no í gidüñe trabañebya.”

23 Seŝo na ŝogzu-ŝogzuñe zetsü, í kuros ge külyimdowne, sünda ná ŝozuw ye foajebi.

24 Ha madanghulye: Pilatus i dügyeaha, na ha cheima sei dzülye dawwe cheñe.

25 Seyo i se nuna vyesvye-vyemdolalye nuna shido í pache ge shüdaw ye, seyo djú í prüwma í trase; seyo Jisu í na nalu ge ha vyedama süna vyew apyew kuw djüki.

Jisu í kuros ge külyiw

26 Na í lañe kakemkoi sese, Simon cheñe Kureni a ye ñetrü go kanglai sa a, í kigo lalye shokru giñe Jisuchi ge lakuñe ifum ifum la kake.

27 Seyo nuna ye gumtchubabiñe ifum ifum kase: seyo ŝüpo upu mim na je, dju ibó üldjetchü gü gü kseñe ksekuñiladjew.

28 Jisu i nachi ge tcholtruñiñe che, “He Yarusalem ayo sam nawa, nóbo djuksejoda; seŝo djo josa seyo djó nudzoñbó ksejoda.

29 Hadowo cheme se ñeto kakujome, seyosa a nuna na chejome, ‘Ŝüvzüwme se na dju ügübzümme, seyo dju saw-sam masakülyema seyo dju agü apu manuma.’

30 Se ümdrü ge

‘Na pu naje chejome, ñidru ge gaabe,

Seyo noñüfo yo ñi muñiwe.’

31 “Hado cheme na shoñ djüw nadra ana damkoibi ye, krow nadra küna ha dañjema?”

32 Na seyo nuna ksü ije lalo datruw go idra ye shijoñe la jikye.

33 Na se Kopri che Noñüfo ye jikuwñe, na sayo sa a í seyo se lalo datrudo ksü ye je, a ye ichi südzü go seyo a ye ichi fuvogo ge süna kuros ge külyiñe vye.

34 Sündawñe Jisu i che, “He Awuwa, ná muchoaiwe, hadowo cheme he na madanghume na ha dangkoima?” Sünda na kako ge ñi veñe i gye í habrañia lastü.

35 Nuna na gudzu-gudzu hoñyo, seyo nugo na je zeañe-zeameñe ze ñyo, “I utro na ñaksülaw, i Tawgyew ichi Masimeje, seyo ichi dzulawmeje, nudzoñ ñaksülajo dawwe.”

36 Rhünokyew naje í trow uhu ye í nuñe zeañe-zeameñe che.

37 “Senameje ba Yahudi nachi go nugomeje, ba bá nudzoñ í ñaksülalabya!”

38 Seyo idru ge truw a chedalubi; “He i Yahudi na go nugome.”

Shokru ge dru-lu vyegüdolaw lalobraw

39 Ha lalobraw ye shokru ge külyi suntchadama, namko a yo a ye í zebze-zeñeñe che, “Hawa ba Masi moma? Sünameje ba balvyo ñaksüñe seyo ñiksü i je ñaksüla!”

40 Sünchewñe utro a ye í zeñe che, “Hawa ba Tawgyew í je mañewbama? Ba je süna pabaibi,

41 Seyo ñiksü bó shotukobasha yo pangkobabi, hadowe cheme ñibó ñi chiña ha dadama süna shishü pangkobi; seŝo i haje mau chiña mada.”

42 Sese i che, “He Jisua, ba bá ñetrü kakuwñe nó je dju koñoawe.”

43 I í che, “No bá umsow chemkoime yow yo ba nodra sorgo nogo ge dujome.”

Jisu i lutukyohuw

⁴⁴ Seyo muhumdzu yo dalalye me apyew djüdualai kuw ye vyew ñetrü na nukuâatsüdabi,

⁴⁵ Seyo dru müsaw yebó je kañoahibi, seyo ñegru go gyeña bó je ulumko toñe-meñe yo gaâajebi,

⁴⁶ Seyo Jisu i süpyo gow yo šogzuñe che, “He Awuwwa, no nó ĝulo ye bagzü ge trahime.” Seyo i süna chelye ulvyu sese lutukyoaha.

⁴⁷ Ğyokrüw nüna ye sa a ha dadama se na holye i Tawgyew í tro, sündalye che, “He nüna ye güdrašobi.”

⁴⁸ Seyo upu na he í hojoñe keğitsüdaw na, he šobošulyw dadaw í holyeñe nalüjetchü ge güñe kalütrü.

⁴⁹ Seyo ichi hosüw-holüw küña duma vyew, seyo mim na je dju dju idra Galili go jikusedama vyew, üğa ge gudzuñe se na ho ĝyo.

Yusuf i Jisu í iyo ĝuahuw Arimitiya go nolu ge

⁵⁰ Seyo süge, Yusuf cheñe yo nüna a ye se rhano dew ge du, dju ye uw seyo chi danghuw muhu.

⁵¹ Seyo ichi vyéw seyo ichi chiğa daw yo malüşüw; seyo i Yahudi na ñetrü go Arimitiya ge ĝyow seyo Tawgyew ichi nogo ye ĝyokrüw nüna.

⁵² I Pilatus ichi ge jiñe Jisu ichi ñimo ye prü,

⁵³ Seyo í lagaalye gylödü yo daw gyeña ge vašüñi, seyo nuĝu a ye vye, se i ye kunu ge chido süna; seyo süge keje dju je mavyewlu.

⁵⁴ Se i ye dashüwtrüw ñeto, seyo ĝyogow rhano damivrojo ümdrü ge.

⁵⁵ Seyo se mim na dju idra Galili go jikusedama, ifum, ifum jiñe se nuĝu ye ho seyo uso je ho í daw basha yo da vyedašomañe.

⁵⁶ Seyo kakultruñe šowsa chi seyo šonuw dashütrü; seyo ĝyogow ñeto ge bó i je daw basha yo ĝyogo.

24

Jisu í üshükülyew

¹ Sopta uvro ge, sağa-müğa na nuĝu ge šowsa šow gañ-miĝi lañe jiku.

² Sünda na kunu í ĝühuadaw hohu.

³ Sünda ulung ge jemyongkoi ge, na Prabu Jisu usso mahohubi.

⁴ I he ñu yo mavenghuañe ĝyoñbaiye, muhu ksü ye lütsü-lütsüw gye sheñe ütrü iñisa ge gudzu.

⁵ I ĝeñe, sünda nodo ge ukrumro i pelye; sündawñe i í che, “Ba üshü í dzüw namko ye hado tchüwwa.

⁶ I ayo a ñimme, séšo üshükülyedamme. I djo Galili ge ha trudama vehujodawe.

⁷ ‘Umsogo je nüna üsa í lalobraw nagzü ge kigo ladügyejobamme, sünda kuros ge tükegojome, sünda ñegi dzü ye üshükülyetchojome.’ ”

⁸ Sünda i í ñu í vehuag,

⁹ Sünda nuĝu go kangkoi ye i se ĝüyo a ná, sünda utro naje, he vyow ñu ná truzeĝiatsü.

¹⁰ Dju he ñu í shürhaw ná trudama, se na Mariam Magdalini seyo Yoana, seyo Yakub üyañ Mariyam sünda nadra ye utro mim naje duw.

¹¹ Séšo na ñu trudaw ye ná shipyew truw veduw velada sünda na ná umso mave.

¹² Sündawñe Patras i gudzulyiñe nuĝu ge gyo dje, sünda gye ufobüla hohubadabi, sünda hadadama, se yo mavenghulyaha, í nudzo ñe ge kaltrutcho.

Imawus ĝabo ge shürháw na how

¹³ Sehu namko ye nüna ksü ye Imawus cheñe ñetrü ge jiinngkoi, Yarusalem yo kilo mitar mro kuw üğa.

¹⁴ Sünda naksü se vyow ñu ná, hadadama se na naksüĝütchü chitruñe ji.

¹⁵ Sündá naksü se ñu na naksügütchü ge truñiñe dzüñiñe jingkoi ye, Jisu i iñisa jikuñe naksü üdra jisa.

¹⁶ Séso nañi ye ana veduw mütrüdaw ye í mahosülafe.

¹⁷ Jisu i ná dzü, “He ha ñuwa, djoksügütchü ge truñe jiiye.” I duhu dañe gúdzu.

¹⁸ He í dzühulyeñe, namko ye Kilyupas ñetrü go nuna a ye che, “Haña ba Yarusalem go ba akasa tüvaw jiw nünabamma, dju he ñeto ge hadadama se na se i madanghu.”

¹⁹ I í dzü, “Ha ñu ye wa?” Na í che, “Nazret go Jisu ibo dju Tawgyew seyo nuna nabo chiña dawma sündá shi-ñu truw go ñihow truw.

²⁰ Sündá mügaw kew na seyo ñi dümbraw dakyew na í kigoladügyeñe, shibeñe dügyeaha; sündá kuros ge sümtchadügye.

²¹ Séso ñi vyeksüwso, i Israyel í mutchoaio che, sündá he ñu na tralye, he soboşulyuw dajew ye ñeñi dzü kujebi.

²² Sündá jimko ye je mim üchea na ñi mavenghuadügyeda, dju saña-müña nuñu ge jidama na.

²³ Sé usso í mahohuwñe, sorgomuko nadra í üshüdame cheñe ñu truw che djekuda.

²⁴ Sündawñe ñimko yo a ye nuñu ge how ji, sündá mim na küna trudama, süna tchülada; séso í mahohu.”

²⁵ Sündawñe Jisu i ná che, “O madzühoave dañe gyodaw nawa, seyo ñihow truw ná ñu ge üdrü-ulu yo umso dzüngahu nawa!

²⁶ Ana dajo mowma, Masi i duhu gilañe nudzo lüshüw ge kalyitralyejo?”

²⁷ Sündá í ná ibo go kako ge ha gidama se ye Musa ichi yo dalalyeñe vyow ñihow truw nachi ge gidaw na, i ná danghudügye.

²⁸ Aña sa a na hange jingkoima, se ñetrü jikujebi, sündá í dawyo na ana danghuda, i ayoje uvro ge jijolu cheñe.

²⁹ Sé na í ana cheñe gokrüdügye, “Ñidra gyosajodawe; hado chemeje djüdu lyañe aña uwaladabi.” Sündá i ulung ge nadra gyosaw kamyoa.

³⁰ I nadra ava tsajoñe gyosangkoi ye, i odje í lañe gağüzü djü, seyo í takuñiñe ná djü.

³¹ Sündawñe nañi hojúkulyeñe í hosülag, sündá na iñi how yo müşü.

³² Na nağütchü ge che, “Ñidrü-ñilvyu ge mi madzoma, i ñi gabo ge kako ge gidaw ná truñe jomkooi ge?”

³³ I sa yo sa a gudzülyiñe Yarusalem ge katrükralye, sündá i se güyo a seyo nadra a yo na üşaka ye kegidaw hohu.

³⁴ Na che, “Tawgyew umsogo je üshükülyetchoda, sündá Simon i hohu.”

³⁵ Sündawñe i ná gabo ge chitru jidaw na ná tru seyo he je tru, i ná kündañe odje í takuñiñe tsadama.

Jisu i í nudzo shürhaw nadra

³⁶ Na he ñu í trumkoi ye, Jisu í husü yo namko ye gudzükülye; sündá ná che, “Djo güdzüw pawe.”

³⁷ Séso na mavenghuatsüg, seyo geatsüg, sündañe na velatsü, ñi mütü hohungkoi.

³⁸ I ná che, “Hado mavenghuatsüña? Sündá djulvyu ge hado mavenutsüña?”

³⁹ No gzü seyo noshi na howe, no sebamme; no kiñe hojodawe; hado chemeje ñeñulo nachi uso üğübye ñijo nochi ge hohumbo.”

⁴⁰ Ana chelyeñe ná i ichi ügzü ishi na she.

⁴¹ Ná lüshüw yo seyo umsojemañe veñe, seyo lümashü ve, sündawñe i ná dzü, “Haña djochi ge ava дума?”

⁴² Na í psekwrow tchükro üsüla a djü.

⁴³ I lañe na how sa a tsag.

⁴⁴ Sündá i ná che, “He na no ñu name, no djodra gyosañe truwme, Musa í shotuko ge seyo ñihow truw kuw na seyo kako ge nobo go gidaw na umso kakülyejome.”

⁴⁵ Sündá i ná ükye-ümüñi í güdraw ñu gídaw dzüsüdügjejoñe voiha.

⁴⁶ Sündá ná che, “Ana gídame Masi duhu gilañe seyo ñegi dzü ye dzüñe üshükülyetchojome,

⁴⁷ Sündá Yarusalem yo dalalyeñe vyow gûbye geg vetrüw seyo lalo daw ná iñiñ yo lañe truzegíatsüjo.

⁴⁸ Djo he ñu ná hohusawme.

⁴⁹ Sündá djuchi traşüga no awu i dadama, se ná no djo lakülyaijome sündá udru go gow mapamdolu, sũña kuw djo he ñetrü ge gýokrüjo dawé.”

Jisu í ñedzü ge katcho

⁵⁰ Sündá i ná Betnyah kuw ñepse lañe jekülyasa, sündá ügzü i lañe ná gağüzü djü;

⁵¹ Sündá ná gağüzü djüşhüñe i ná yo utro lya seyo ñedzü ge kalyitralye.

⁵² Sündá ná mraañe í şüpo lüshüw yo Yarusalem ge katrükralye.

⁵³ Sündá ná ñegru mamuduw keğiñe Tawgyew í troñe seyo gağüzüwe.

Philemon iñiñ güdraw Polus üsam

Ĝiw

He kako í ĝiw braw ye Polusme. He kako ha a Polus i Filemon í i Unesimus i ichi ge kitchojomeñe che sünda Kulu 4:9 ge Unesimus i Tukikus üddra Kulusse ge jimkoi sese Tulukus i Filemon i Polus ichi kako i djü. He ye šüvzüw ñume Polus i he kako i nudzo ügzü yo ĝidaw ichi gō vyow na shetsüjoñe.

Ĝiw übraw ichi dzaga

Oje 60 kuw.

Filemon í he kako ĝingkoi ñeto ge Polus i Rom go pache ge shü veda.

Lajovo

Paulus i he kako ye Filemon í ĝida, Arkippus í girja ñe ge sünda ñi ñum Apphia í. Kako ĝidaw í holyeñe vemeje he kako ye Filemon í ĝibadabi.

Ha ma a vew

He kako í ĝiw ge Polus i Unesimus í i übraw ye ichi ge lakutchoweñe ve ĝidame (Unesimus ye Filemon ichi kulo tsaksulalye kaksudaw ye) sünda í sojai djudjüwe. (10-12, 17). Sünda sesüyo, Polus i Filemon í kulo veduw mowdaye “nudzo uñuw” veduw veweñe veda. (15-16). Unesimus i yaje Filemon ichi bo-luko ubo go lubi seyo Polus i ubo ĝabo davoĝoñ ve hado chemeje Filemon í lajovowene veñe. Polus i shi-ñu truw ubo sa Unesimus i Tawgyew í ĝaksüla. (File. 10).

Ñustu gow

Kahuahuw.

Udrüla

1. Abiwadan ___ 1:1-3

2. Abarokti ___ 1:4-7

Unesimus ubo ñu chegüdraĝiw ki ___ 1:8-22

Damdzualai shi-ñu ___ 1:23-25

Dašüvzüw

¹ Polus ichi go bó, se Jisu Masi ichi pache ge shüdáv nuna, seyo ñuw Timotiyus ichi ve go ñichi nülvo chiĝadam Filemon,

² Seyo ñum Afiya seyo ñidra yo shipashi Arkipusñe Filemon ichi ñe go ñešü na ñiñi.

³ Ñichi Tawgyew awuñe Tawgyew Jisu Masi naksü naksüchi vye go ĝüdzüw ye bá pangudruwe.

Šüvzütroi ñe Küĝüw

⁴ No shüwa Tawgyew í šüvzütrojome; seyo nudzo küĝulai ge je bá vyehuwme.

⁵ Hado cheme no bachi sé nülvo seyo vyemso chi shi-ñu na dzühulye, se Tawgyew Jisu dru ge seyo vyew güdraw nuna nadra.

⁶ No küĝujome se vyemsodaw ge bachi üdra ayo na hadamje uw ñu ge danghusajo dawe ha ye Jisu Masi ichi yo ñidra dusama.

⁷ Hado cheme noñuwwa, nó bachi nülvo yo šüpyo lüshüw seyo ĝüdzüw padame, sündada, ba yo dañe güdraw nuna nadrü-nalu hu je adjüdjüw no je aĝimiw pajome, uñuw nawa.

Unesimus ibó küĝüw

⁸ Sündada sedamje noje Jisu ge šüpyo bolu duda, se ha ñu ye udama, se í bá dügyejo.

⁹ Sedamje no vyeduw mukro Polus i se yabó Jisu Masi ibó pache ge ĝyow nuna babi, se ayoje šüpyo nülvo yo ibó küĝüjolu.

10 No nosaw Tawgyew go Unesumus ibó no yo nochi sülyeñtchü ge sakülye dame no yo kügüime.

11 Se ibó ahuge ha madaği w a ba, se yabó ba ñe seyo nochi dew chiğa tsüwbaba.

12 Se í ñe seyo dju nolu ge kadama, no se í bachi ge djütülütchowba.

13 Í no nochi ge vyejoñe vyeahomacha se í bó bachi vye go shüdabi shi-ñu ibó yo sülyeñtchü sumbo, nó datunowe.

14 Sé no ba mahusüw haje madağoñ se bachi he nülvo djüdo ye datüdalüw yo mow lüshüw dawe.

15 Hado chemeje ha danghuñda i ba yo ksühua dzühua kuw he ibó utro lyadawa shüwa bañisa ge gyojoñe.

16 Sešo ayogo kulo mavyeduw, kulo yo je dewfo, seyo ñuw vyeduw gýowe se nochi drü-lü ge duw süna nülvobó sešo, se yabó usofu ge je seyo gulo ge je, bachi je drü-lu ge sünda Tawgyew ge.

Filemon ichi dügyew dzüw lüshüljow

17 Senameje ba nó bachi nudzoğ dakyetunowñe vyedameje, se na vyeduw yo shutrolajodawe.

18 Chemeje se nó bachi ha damje damdalyoama semome sa a bachi ha damje a kakuw, se í nochi üñiñi ge gýiwe.

19 Polus no nó gzü yo gijome, se i no bá gígujome; seyo ichi chejoje ha madaği, se no añawa he daado na badru me se i babamme.

20 He no ñuwwa, he lüshüw nó bachi Tawgyewwa nó bachi go pawe, Tawgyew ge nodrü nolu ye hu je adjüdjüw no je ağimiw daiwe.

21 No bachi dügyew dafi w dajo umsow vyyeñe, bá gımkoime seyo he ana danghuwme, se no ha cheima, ba se í foje lübzüw daijo.

22 Seyo he i je, nobó gyojo buğo dashütrüvowe; no süna umsow vyedame, se bá kügüw trüdu yo noje no bachi ügzü ge djüjome.

Mülüñ süvzüw

23 Ifras se Jisu ge nodra pacheshüw ge

24 Seyo se Markus ñe Aristikurs seyo Demas seyo Luka seyo no chiğadam.

25 Ñichi Prabu Jisu Masi nülvow ye bachi gılodra duwe. Amin.